

尺牘釋例



10009816015274

何實睿著

尺
牘
釋
例

野余署簽

| 2017.4 |

尺牘釋例 卷一

稟父母

父 母親大人膝下。敬稟者。男 在校中。按時上課。自知勤奮。起居飲食。隨事留心。不敢上貽。

兩大人憂。惟是違離膝下。定省都缺。孺慕之情。形諸夢寐。天時寒煖。至無定形。伏望

慈躬格外頤養。俾男壹意嚮學。不致分馳於

庭闈。實爲至幸。再男於校課外。閒閱報紙。祇於大事。稍稍注念。而未嘗有所譏評。對同學諸友。一味謙恭。故均極和睦。足紓

廩廬。弟妹讀書如何。甚爲懸念。專此肅稟。敬請

福安。

男 某某謹稟

(某月某日)

稟父母

釋義

此學生在校中稟父母通用之函也。凡人子對父母必有孝敬之心。故出言必親愛真切。使父母見之怡然快活。此第一要義也。凡稟父母。擡頭亦要講究尊長。尤甚。如此函第一行比第二行高二字。名曰雙擡。而兩大人慈躬、庭闈、塵慮、福安。皆高一字。名曰單擡。蓋尊之也。然大人慈躬、塵慮、福安。凡稟尊長者。皆可通用。惟庭闈二字。指家庭之闌帳而言。獨可用諸稟父母耳。若父母年不滿四十。頤養可改珍重。此外孺慕二字。稟尊長亦可通用。而定省則朝夕問安之意。惟稟父母可用。又寫信句首、句中間、句尾。用語助字。均宜留心。此函所用者。字之字。於字而字。均宜細玩。今姑試言一例。兩大人憂下添一他字。亦未嘗不通。然措詞終覺不健。若去兩大人之兩字。則不添也。字句子又立不牢也。以此類推。可以領悟。

廣用

編輯大意

近今尺牘風行社會皆供世人鈔胥而函中措詞語氣及尊卑親疏貴賤之辨別概皆未之述及或述焉而不詳於是舛誤百出貽笑通人且一函止供一事之用天下事日出而不已則鈔胥亦有時而窮此書之作蓋鑒前尺牘之弊而爲後人開無數法門者也每函一首必有釋義數百言復舉例以變換而廣其用故曰尺牘釋例猶杜氏春秋釋例之義也倘使閱是書也而舉一反三則雖謂天下之事盡賅於此數十函中亦無不可自有尺牘以來此其創格矣用略述書中大意如左

一、此書前半以人爲綱約分家族親戚師友士紳官商數類後半以事爲綱約分慶賀唁慰餽贈邀約干求規勸評論數類

白、一、此書每函下必有釋義一篇凡函中稱謂擡頭語氣虛字典故無一一解釋明

一、此書每函下釋義外復列廣用一門隨事皆可變換蓋函有盡而事無窮列此一門以爲例則雖千變萬化而無不賅括其中且可於刪改處悟用筆承接之法閱者切須注意實尺牘之秘鑰也。

一、此書廣用門內凡「」刪去（）添入○○雙擡○單擡△平擡、空一字。

一、此書計函四十餘首而廣用中所臚列者已及千事此外皆可隨意添入所謂取之不盡用之不竭是本書之特色也。

一、此書由淺而深循序漸進且措詞悉係散行惟慶賀與致當道用駢偶文字聊見一斑且示客氣。

一、此書稍注重學界而政界軍界商界實無乎不賅閱廣用下便自瞭然。

編者識

此書雖係通用。而苟知變換。無不可以包括。以下各函倣此。

▲如初到校後第一次發稟。「在校中」改（到校後）

▲如二次三次。「自知勤奮」改（照常勤奮）「隨事留心」改（仍隨事留心。）

▲如接到父信。「男在校至勤奮」改（某日接到○手諭。謹敬讀悉。男在校中自知勤奮。）

▲如母有病。「惟是違離膝下」改（方以違離膝下。）「天時寒煖」改（而天時寒煖。）「伏望至懸念」改（竟至○母親福體違和。非常惶駭。務望速延醫士診治。并乞即○賜手諭。開示病情方藥。男不勝盼切懸望之至。）

▲如購買物件。「再男於至懸念」改（再男現需某書購就。卽郵寄以便應用。）

▲如弟妹幼。「讀書至懸念」改（想均安好。）

▲如間有讀書者。「弟妹至懸念」改（弟讀書如何。弟妹想安好。）

▲如無弟妹。「弟妹至懸念」刪去。

▲如有兄姊。「弟妹至如何」改（兄在店如何。姊在校如何。）

▲如學校畢業。「按時至廬慮」改（已四年矣。違離膝下。定省都缺。今幸於某日畢業。考試名次。今列某。以上紓○廬念。卽日可接近○慈顏。夾喜何如之。）

▲如寒暑假歸。「天時至廬慮」改（今於某月某日放假。束裝歸里。可以接近○慈顏。侍奉晨昏。稍盡子職矣。）

▲如此外親戚來校。或餽贈酬應。及談校中諸事。「再男於至懸念」刪去。隨事添入。

▲如有祖父福安。下添（恭叩○○祖父大人萬福金安。）

▲如有父無母。及有母無父。「兩大人憂」改（大人憂也。）

凡「」刪去。○添入。○○雙擡。○單擡。△平擡。空一字。以下各函廣用內
倣此。

父寄子

某兒知悉。自汝到校。已經數月。不知勤奮否。確守規則。息心聽講。方爲第一等好學生。擇友尤宜謹慎。然物以類聚。故觀其人而可以知其友。勉之。至於飲食起居。隨事留意。衛生不講。非但身體虧弱。不能用功。且貽吾兩老人之憂。爲人子者。心何安也。汝弟妹均頗知讀書。在家教以國文課本第一二冊。殊能領悟。汝累歸來時。倘無進步。恐將爲弟妹羞也。家中均安好。勿念。此諭。

某月某日父某字

釋義

此父寄子校中通用之函也。凡尊長寄卑幼信。不可客氣。而父母則尤宜懇切。

父寄子

嚴慈兩至此書前數行正言訓勉中間出以慈愛收段則用勗以行激勵使爲子者讀之孝心油然而生發憤用功矣故寫信雖小事亦不可不研究至信中轉折處尤要留心如擇友謹慎何以用然字一轉言擇友儘管謹慎然自己不規矩規矩之人誰肯爲友所謂物以類聚此用然字一轉之意而下句則用故字以申明上句之意若飲食起居上似不用至於二字亦可接得下去然細味之無至於二字文氣實不連貫非但二字與且字呼應凡此皆可悟轉接呼應之法末第二句也字若用乎字耶字哉字便是不通卽用矣字語氣亦不合均宜玩熟規則校中訂定規條息心猶言靜心也

廣用

▲如已有信「已經數月至勉之」改（接得來稟尙知勤奮我意殊慰學生第一要確守規則）

▲如已有二三次信照上函「接得來稟」改（兩接來稟）

▲如到校已久無信。「到校至勤奮否」改（到校多日迄無來稟我甚懸望不知近日勤奮否。）

▲如久無信。「自汝至數月」改（久不見來稟。）

▲如聞不守規則。「已經至虧弱」改（我深望汝勤奮確守規則息心聽講今乃知汝校中舉動種種乖謬非但名譽有損）「倘無進步」改（一無進步。）

▲如濫交匪友。「已經至虧弱」改（我深望汝勤奮擇友尤宜謹慎方為第一等學生今乃知汝所交俱非端士非但名譽有損）「倘無進步」改（進步。）

▲如試不及格函勉之。「已經至老人之憂」改（我深望汝確守規則息心聽講為第一等好學生今乃試不及格留級一年此等消息入吾兩老人之耳。）
「倘無進步」刪去。

如試不及格函慰之「已經至弟妹羞也」改（汝本確守規則。息心聽講爲第一等忽試不及格。留級一年。事出意外。此中或有定命。切勿憂悶。至釀成病。宜自寬慰。）

▲如體弱試不及格。「已經至羞也」改（汝本確守規則。息心聽講爲第一等好學生。今乃試不及格。此係汝體虧弱。不能勤學。非汝之過。勿更憂悶。宜自寬慰。）

▲如聞有病。「自汝至起居」改（我前諭汝飲食起居）。「汝弟妹至勿念」改（今不小心。竟釀成病。如據醫言。感冒未甚。即在校中靜養。或已受足風寒。即速歸家調治。）

▲如詢寒暑假歸期。「汝異日至羞也」改（汝何日暑寒假歸期。宜先稟。我以便在火車邊。命人招接。并可以見汝弟妹讀書之進步矣。）

▲如弟妹在校。「在家教以」改（在某校讀）

▲如有兄無弟妹。「汝弟妹至羞也」改（汝兄頗知好學我意殊慰）

▲如兄畢業試名次甚高。「汝弟妹至羞也」改（汝兄畢業試名次極高現且升入某校汝聞之當益自勉勵也）

▲如兄已充教員。「汝弟妹至羞也」改（汝兄畢業後已有人延訂爲某科教員於某日赴某校可見人不患不已知特患己之無能耳勉之勉之）

▲如兄改習商業。「汝弟妹至羞也」改（汝兄已入某店甚爲勤奮管事先生異常歡喜人貴立志耳學界商界一也）

▲如有姊無弟妹。「汝弟妹至羞也」改（汝姊在某校讀書做工認真非常汝聞之何如）

▲如兄弟姊妹皆有。「汝弟妹」上將以上各事隨意添入。

▲如無弟妹。「汝弟妹至羞也」刪去。

▲如寄書籍衣服銀錢以及詢問有無親戚來校星期日所作何事。「汝弟妹至

羞也」刪去。隨事添入。

▲如父所寄而無母。或母所寄而無父。「且貽吾兩老人之憂」改（且貽吾老人憂慮。）

兄寄弟弟寄兄堂弟兄互寄皆通用變換法見廣用

某弟手足別後赴校將息半日現已開課一切照常曩日在家庭闈諄諄諭以勤學業勿務外弟至今當能記憶兄則定省都缺已慚子職敢不隨事隨時恪遵

慈訓力求進步弟亦應發憤爲雄異時吾兄弟略有成就以博

堂上開顏一笑豈不樂哉一校之中不乏品端學優之士苟親之善之則切磋琢磨補父師之所不及獲益匪淺弟幸留意焉此詢近好

父親大人前敬叩福安兄某手啟

此學生校中寄弟通用之函也。惟同胞故稱手足。堂兄弟不可用。凡同胞兄弟往來之函措詞第一眞切。有雍雍怡怡氣象。此書首四句到校後通套語。以下回想在家中父母訓誡之言。遂以身先之力求進步。因而勸弟發憤。博老人之快活。孝親愛弟之道躍然現於言下矣。未以擇友相勉。而云幸弟留意焉。則語氣何等委婉。凡兄寄弟函。函中弟字只要空一格。若庭闈慈訓。堂上稱父母。處平擡。弟寄兄函。則不同。第一行比第二行高一格。函中稱兄。則平擡。稱父母。則高一格。擡不可不留心。慈訓。凡長輩皆可通用。此函語尾兩用虛字。如哉字。雖與豈不呼應。然語氣實從上句而來。如單衣而冒風雪。豈不凍哉。改爲不亦凍乎。便不得神。末句用焉字。蓋以意完而文氣未完。句子便立不牢。故以焉字足之。與也字不同。宜細辨之。諄諄再三。言之意切。磋琢磨以學業。譬治玉。先切後磋。再琢。加以磨而成精良之玉矣。學業亦然。

廣用

兄寄弟

▲如到校後隔一二十日始發信。「將息至曩日」改（忽忽開課直至今日始能握管。兄每念曩日。）

▲如未有信去而有信來。「將息至曩日」改（忽忽開課直至今日始能握管。乃承、弟書先至甚慰。此間一切照常。兄每念曩日。）

▲如在校中聞弟不勤學。「別後至照常」改（與吾、弟）「弟至今至記憶」改（、弟至今豈忘之耶。）「弟亦應」改（、弟從此當）「一校至匪淺」改（西人云光陰貴於黃金。慎無以寶貴之光陰而從事嬉戲。及早努力。爲時未晚。）

▲如聞弟濫交匪友。「別後至照常」改（與吾、弟）「弟至今至記憶」改（、弟至今豈忘之耶。）「兄則至匪淺」改（一校之中不乏品端學優之士。苟親之善之。補父師之所不及。獲益匪淺。今乃舍品端學優之士。而與淫朋狎友爲伍。△慈訓之謂何。語云與不善人居。如入鮑魚之肆。久而不聞其臭。言惡。

人之不可與居也。戒之戒之。」「弟幸留意焉。」刪去。

▲如兄弟均學商業。「別後至開課」改（別後赴店）。「一校」改（一店）

▲如兄習商而弟在校。「別後至開課」改（別後赴店）

▲如兄在校而弟習商。「一校之中」改（無論商家學校）

▲如或需辦物件。「別後至留意焉」改（校中一切照常。每日念△慈訓諄諄。不敢不力求進步。諒、弟之勤奮當亦更甚於前。兄現需某物。卽轉稟△堂上。購辦郵寄爲盼。）

▲如需銀錢及詢問親戚。星期游覽。同學事故。照上函刪去。兄現需一段隨事添入。

▲如問弟病。照需辦物件函。「兄現需至爲盼」改（以致用心過度。竟爲造化小兒所欺。急宜醫治。切勿疏略。）

▲如問父病而函寄弟者。參看稟父母廣用下。

▲如有父無母或有母無父末行父母須去一字

弟寄兄

▲如將此函改弟寄兄只須語氣稍爲婉轉。「同侍」改（與△兄同侍）「弟至今至記憶」改（覺△兄當時悚然動容）「弟亦應至爲雄」改（△兄近日若何發奮）「不乏」改（弟擬擇）「苟親之至琢磨」改（親之善之以期切磋琢磨）「弟幸留意焉」改（△兄固早知之矣）

▲如弟寄兄函有以上各事以此爲原本細玩語氣隨意添入無不通用。

▲如堂兄弟互寄「手足」改（如見惠鑒）「庭闈」改（杖履）「兄則至子職」改（兄弟雖不肖）「堂上」改（老人）「父親」改（△伯叔父）

▲如有以上各事變換法照上

▲如兄弟通函時已無父母「曩日」改（曩年）「弟至今至記憶」改（弟時尙幼或不能記憶）「兄則至子職」改（兄子職已虧）「慈訓」改

(△遺訓)「以博至樂哉」改(庶可慰△先人於地下耳)

▲如欲變換照以上各法可也。

▲如作答函手足見如惠鑑下添(奉到、手書敬悉△潭門闡康福)下接答函中言并將

上文各項隨事變換可也。

姪寄

伯叔皆通用

寄胞叔伯堂叔

叔伯

父大人尊前敬稟者。姪以校課羈身。不克時時恭叩

起居實深內疚敬維

福躬康健

潭第安綏無任頌慰。姪有志嚮學而稟資愚魯事倍功半惟有努力前

進以不負

長者期望耿耿此心當能

鑒諒某弟在某校中名譽翕然聞之滋愧家嚴來諭亦時稱某

姪寄伯叔

兄學問一日千里。以相勗勉。嗣後當益加勤奮。不敢爲門戶羞也。課弟餘肅稟敬請

福安。

叔伯母大人前叩安。

姪某謹稟

釋義

此學生在校中寄伯通用之函也。伯叔之尊與父等而親愛則有間矣。故函中稍用客套。蓋恭敬之心勝於親愛之心。措詞可以稍帶客氣。如前四語言校中日日上課束縛其身體不能時時到門請安。心中實爲抱疚。不安也。羈束縛也。此數語若用之稟父親函中便是可笑之事。此不可不細辨。下言福躬康健。指伯叔言。潭第安綏。猶閭門安好也。指全家言。質言之。卽身體康健。閭家平安。非常頌禱。非常快慰耳。凡以上函中語。苟至戚尊長。若母舅、姑夫等類。皆可通用。以下則自謙自勉之意。而不負長者期望。句以見親愛之情。某^兄弟在某校一

段若叔之子真不勤學則必刪去否則似譏笑伯矣必學問確有進境方可用得然無門戶羞句則稟母舅姑夫皆可通用故必加此一句以見同族之意如刪去門戶句勤奮下當添矣字方妥此等處俱宜細味耿耿念念不忘之意翕然人言如出一口也勗勉同義擡頭與稟父母同

廣用

▲如伯先有信或郵片「姪以至敬維」改（奉到○誨言謹敬捧讀恭諗）

▲如叔主客邊「姪以至安綏」改（奉到○誨言謹敬捧讀恭諗○旅居納福）

▲如先已寄函此係第二次「姪以至內疚」改（某月某日曾肅寸稟未知已達○慈覽否）

▲如伯來信有勸勉語「姪以至頌慰」改（奉到○誨言字字金玉）「而稟資愚魯」改（無如稟資愚魯）「惟有努力」改（此後惟有努力）「聞

之滋愧」改（聞之更形滋愧）

▲如叔伯來函戒濫交「姪以至滋愧」改（奉到○誨言字字金玉姪稟資愚魯不能鑑別人品至煩○長者憂慮無任悚惶）「亦時稱至勗勉」改（亦時以擇交宜慎屢相勗勉）

▲如叔伯子不勤學「名譽至羞也」改（稍有作輟姪有函勸已得回信大爲感悟異常勤奮足以仰慰○塵慮）

▲如叔伯子濫交「名譽至羞也」改（頗多濫友姪有函勸已得回信大爲感悟今已謝絕足以仰慰○塵慮）

▲如叔伯有病「實深內疚至福安」改（方深內疚乃聞○福體違和無任懸念現延何人醫治、某弟是否請假姪課程催迫不及抽閒用特馳稟奉詢務乞○格外靜攝早占勿藥并祈○鑒諒敬請○痊安）

▲如叔伯母病照上函福體違和上添（叔母）

▲如叔無子「某弟至羞也」改（上課自修以外或閱報紙略知時事間赴操場擲球藉練筋骨而已不敢妄動貽門戶羞也）

▲如伯子幼在家讀書「某弟至羞也」改（某弟在家課讀不沾校中習氣極好惟獨學無友讀書亦乏興趣如鄰近有管束嚴厲之學校似亦有益無損幼稚之見未知當否）

▲如叔正壽「敬維至肅稟」改（敬謇某月某日爲○叔父大人五旬大慶姪誼當趨叩△階除助某弟萊衣舞綵同拜○南極老人進流霞觴歌九如之什豈不快哉乃以課程嚴密請假爲難用肅丹稟藉頌難老）

▲如讀書賴叔資助「而稟資至鑒諒」改（荷○長者培植得以專心致志敢不努力前進上報○慈恩耿耿此心當能○垂鑒）

▲如因無父而資助「而稟資至鑒諒」改（荷○長者培植得以專心致志敢不努力前進上報○慈恩耿耿此心當能○垂鑒）「家嚴至羞也」改（此

吾○伯父裁成後學故天賜之以千里駒姪亦當益加勤奮勉爲門戶光也
▲如詢伯掃墓「家嚴至羞也」改（春季掃墓定於何日能在假期以內最妙
姪已稟過、家嚴矣）

▲如此外詢事餽禮寄物「家嚴至羞也」刪去隨意添入。

▲如已習商「校課」改（店務）「嚮學」改（學習）「課餘」改（專此）
「滋愧」改（欣然）「嗣後至勤奮」改（嗣後姪於商業亦當益加勤勉）
▲如伯子亦業商「某兄在某校」改（某弟在某校）

叔伯寄姪寄胞姪堂
姪皆通用

某姪如見。近日如何勤奮。極爲懸系。吾族中子姪有志嚮學者固多。而玩
憊時光。因循坐誤者亦復不少。姪如能本身作則。示以模範。則觀感有
自互相勸勉。互相鼓舞。俾悉成爲佳子弟。豈不甚善。明慧如姪。當能體
貼此意。余無事時間閱報紙。略知商業狀況。與國內政治世界大勢。此亦

國民應有之知識未知。姪於課餘曾一覽否。某兒先令在家識字學習規矩。俟屆入學年齡再送校中。并以附聞此問。近佳。

叔某手啟

釋義

此伯叔寄姪校中通用之函也。伯叔寄姪須有尊長口氣。此函全從學校發生意思。首二句問其如何用功。懸系卽懸念也。以下因問用功而推念及族中子姪之用功。一族中豈能盡用功者。故嚮學者與坐誤者並言。中間用而字一轉。則語意注重在坐誤者一邊。玩愒虛擲之義。因循悠悠忽忽也。下復歸到姪身上。言如能以身作樣子。則有所觀感。自然互相勉勵。又稱體貼。此意則措詞亦委婉。亦懇至。確是伯叔口氣。上則字法也。猶言樣子也。下則字承上以起下之語。助字細味自悟。余無事一段。實爲敷衍文字。然學生前途或爲實業大家。或爲政治大家。而報紙又爲近今所不可不閱者。則雖敷衍亦不同。虛浮濫詞。末仍言姪。

於課餘會一覽否以課餘歸到學校上語氣一貫某兒一段不過就校事而及之耳若伯叔子或已入校或幼小可刪去此函胞伯叔堂伯皆可通用凡伯寄姪函可不必用客套比之父寄子函措詞宜稍和婉耳姪空一格不必擡頭

廣用

▲如族中子姪不多者「吾族至此意」改（吾子姪中有志嚮學者得、姪爲之表率互相鼓勵共底於成豈非門戶之光榮幸體此意勉爲前導）

▲如族中子姪別無入校者「吾族至此意」改（吾族人口不多又近樸塞不知通變得、姪入校以爲之倡實深欣慰惟宜力圖上進俾後來者有所觀感尤盼尤盼）

▲如久無來信「勤奮」下添（久不接來信）

▲如接到來信「極爲懸系」改（接得來信極慰懸系）

▲如託姪購書籍「余無事至覽否」改（余欲購書數種可以怡悅性情又能

增長識見者聞中華書局頗有善本幸爲代購又初等小學國文與修身各二三冊一併付郵「并以附聞」刪去

▲如戒姪廢學「近日至懸系」刪去「姪如能至此意」改（、姪方將本身作則互相勸勉乃今所聞有大謬不然者不特無以對、堂上亦深辜吾期望之心幸早回頭加意勤奮切囑切囑）「未知至覽否」改（、姪於課餘亦當流覽）

▲如戒姪交匪友照上函「乃今至不然者」改（今乃濫交匪友流蕩忘反）「加意勤奮」改（急宜斷絕擇善而友）

▲如族中有不肖子姪令其勸導「而玩愒至此意」改（而某某竟濫交匪友流蕩忘反、姪務宜苦心勸導言語不可激切總須委婉懇至使之自悟翻然改悔成一佳子弟不獨余一人欣幸實一族之光榮也）

▲如爲議親以函詢之「吾族至此意」改（、姪青年嚮學吾友某某頗有相

攸之意其女公子品貌端莊曾入學校亦嫻文墨婚姻大事未可草率用特函詢如果合意幸卽復我然後再與、堂上接洽）

▲如姪慶壽函答之「余無事至覽否」改（余一無成就老態日增回首前塵方深惆悵乃承遠道郵寄頌詞文翰斐然每謂人曰吾家阿咸愛我如此快何如之）

▲如聞姪病「吾族至此意」改（乃近於某處得悉吾、姪氣體違和是否感冒抑用功過分所致延醫何人飲食起居又須格外謹慎倘能握管卽詳細告我以慰盼望）「未知至覽否」改（病中習靜亦可稍稍流覽以資消遣）
▲如約掃墓「某兒至附聞」改（現擬某日上春墓正在春秋假中倘可同去卽行復我爲盼）

▲如資助學費「某兒至附聞」改（學費一節自當湊拼郵匯千萬專心學業）

▲如此外詢事餽物問假期探聽友人託帶物件「某兒至附聞」刪去隨事添

入餘可類推

▲如伯出仕於外。「余無事至覽否」改（余沈浮宦海殊乏趣味現擬抽身歸里還我本來略享林泉之福并看姪輩聲海內以慰我老境何樂如之）
致外舅伯叔岳姑丈表伯皆可通用變換法見廣用

岳父大人尊前敬稟者叩辭

慈範倏忽經旬增以校課匆忙不克時時握管叩問

起居甚惶甚悚敬維

道履康綏

潭門納福如頌爲慰此間一切照常隨班上課所兢兢自勉者力圖振作冀異日粗有成就不致貽玷

門楣孤負

冰清之屬望耳春風多厲伏乞

致外舅

慈躬加意保愛。實深盼禱。校中寢息飲食。皆有常度。極益衛生。足紓塵注。令媛時有信來。專肅敬請。

福安。

岳母大人前叩安。子婿某某謹稟

釋義

此學生在校致岳父通用之函也。外舅之稱見於爾雅。今通稱岳父。則亦不妨從俗耳。增致岳父措詞宜比。伯函稍加客氣。蓋尊敬之念更勝於親愛之意矣。此函以到校後不克寫信。直遲至十數日。故首六語云云。若到校卽寫。或逾月始寫。須變換見廣用下。敬維數語。凡致親戚中之尊長。皆可通用。下一段自勉。又自負之意。門楣指岳家言。杜甫詩門楣多喜氣。女婿近乘龍。他親戚不可用。冰清指岳父言。晉衛玠爲樂廣之婿。裴叔則曰。婦翁冰清。女婿玉潤。他尊長不可用。兢兢自勉句用所字者。字乃與孤負冰清之屬望耳。耳字呼應。若刪去所

者兩字中間語氣便不貫串矣。春風句若非春天不可用變換法見廣用下寢息卽起居也。令媛有信句亦須斟酌。倘無信來或不識字宜刪去爲是。此函並無事故而滿紙頗不覺寂寞可以悟寫信敷衍之法。凡擡頭與致叔函同。

廣用

▲如到校後卽寄函「倏忽至甚悚」改（逕行赴校同學齊集卽日開課）

▲如逾月始寫信「倏忽經旬」改（轉瞬逾月）

▲如到校有數日程「倏忽至甚悚」改（於某日上車某日到校途次託○庇平安現已開課）

▲如在校中寄二三次函「叩辭至甚悚」改（前肅寸稟諒邀○慈鑒）

▲如寄二三次函而未有復信「叩辭至甚悚」改（疊肅寸稟未蒙○賜復豈都付浮沉耶）

▲如以函詢岳父病「叩辭至增以」刪去「甚惶至爲慰」改（方深懸系今

由某處探悉○道體違和氣血漸衰易受感冒務速延醫診治息心調養自當卽日霍然」「隨班至校中」刪去

▲如詢岳母病照詢岳父函「道體違和」改（○岳母福體違和）

▲如病腹瀉照詢岳父函「道體至感冒」改（○岳父有河魚之疾）

▲如答岳父詢學校事「此間至屬望耳」改（○委詢某某學校現已探悉現則嚴密課程亦均完備如、某弟^兄欲入彼校^壻可代爲報名）

▲如妻臨盆函託岳母照顧「隨班至盼禱」改（壻所念念不釋於懷者令嬪有身已將九月而家下人手太少可否懇○岳母惠臨照料各事壻得以釋然於懷專心向學實不勝盼望之至）「令嬪時有信來」刪去

▲如爲妻姊妹作媒函岳父「此間至盼禱」改（同學頗有勤敏之友而某某尤爲雞羣之鶴極所欽佩竊念、某^姊蘭心蕙質與某某真是一雙兩好不揣冒昧願作冰上人倘能附列○門楣實不愧玉潤之目是否乞卽（○賜復）

▲如妻兄同學而有不端行爲函岳父「隨班至屬望耳」改（惟、某_兄於校課不甚注意而馳情外務雖內容無從探索而正業漸以荒廢務乞○大人嚴加訓斥俾得回心向學誼關至戚不敢不言）

▲如不同校照上函「惟某_兄至注意」改（傳聞、某_弟在某校不甚注意學問）
▲如家中不和睦函岳父「此間至屬望耳」改（壻家庭之間本極雍睦今忽聞有勃谿之事已函告令媛小輩宜盡孝道萬事忍耐一面稟、家嚴不癡不聾不作阿家翁勸、母親寬容○大人聞之當亦以爲然也）「令媛時有信來」刪去

▲如春天用（春風多厲）夏天用（炎熇逼人）秋天用（秋風漸肅）冬天用（朔風凜冽）

▲如改致
表叔伯丈母姪婿
「岳父」改（姑丈岳）「壻」改（姪婿）「所兢兢至屬望耳」

改（惟有兢兢自勉力圖振作冀異日粗有成就以副○長者之期望耳）「令媛時有信來」刪去。

▲如此外各事「叩辭至壻以」「此間至屬望耳」刪去隨事添入無不可用。
▲如欲添入以上各事則以上函爲原本隨意變換無乎不可。

▲如壻不讀書「校課」改（店務）「隨班至自勉」改（留心商業兢兢自勉）「屬望耳」改（屬望也）「校中」改（店中）

外舅寄壻寄內姪表姪姪壻皆可
通用變換法見廣用

某某賢倩文几久不奉

惠書校課匆忙可以想見卽維

學業深造有得日進無疆甚慰甚慰。愚無心問世領略山色湖光消磨歲月惟望

賢倩開拓胸襟期規遠大異日小兒輩得以提挈真不愧吾家

乘龍快婿也。小兒頗有志願。不妨彼此課餘時通箋牘。互相商榷。以冀益進高明。未知

意下如何。小女定於某日歸寧。已遣人關照。尊府矣。勿念。此頌。

前程萬里。并詢。

愚舅
某某手啟

釋義

此岳父寄婿校中通用之函也。婿亦可稱倩說文。倩男子之美稱方言齊魯之間。婿謂之倩。故稱婿爲賢倩。較爲客氣。凡函婿措詞比姪尤要婉轉。文几兩字非在學校中不可用。此函因不接來信而推想其校課之忙。以代爲解釋。不來信之故。亦委婉之詞也。若子若姪。則逕云久不接來信。極爲盼望可矣。此等語氣。宜細味之。卽維二句。亦非尋常套頭。凡小輩在學校中。皆可通用。愚無心三

句倘爲商或仕不可用必在家納福不復謀事方可用賢倩數語苟墮不勤學不可用用之翻似訕笑也小兒頗有志願數語苟子不肖亦不可用總之措詞逐句皆要斟酌領略山色湖光卽俗語遊山玩水期規遠大卽以遠大之規模自期與上句接應提挈卽提拔之意箋牘信也商榷商定是非女子已嫁回母家謂之歸寧乘龍見墮致外舅釋義下函中一也字一矣字倘互易之語氣便不合細辨自悟不可語言形容也

廣用

▲如墮有信來「久不至卽維」改（奉到△惠書具諗）

▲如墮已連有信來「久不至卽維」改（疊接△惠書以事冗未暇卽復具諗）

▲如岳父仍爲商或仕「無心至歲月」改（筋力就衰老馬爲駒自問不堪世用）

▲如無兒子。「異日至如何」改（異日榮及門楣不愧吾家△乘龍快婿也。）

▲如子幼或不勤學。「小兒頗有志至如何」刪去。

▲如託壻謀事。「無心至如何」改（愚本無心問世而坐食山空不得不不出謀餽口倘△賢倩果能設法最妙或在校中有所聞見務卽函告俾可另行覓人介紹千萬留心至託至託。）

▲如託壻爲子覓校。「不妨至如何」改（苦無善校如有課程完備規條嚴整教習學問俱有根柢善能啟發者務卽△代爲訪得卽行函告俾早進一日免拋棄一日之光陰也實所深盼。）

▲如有病以函告之。「惟望至如何」改（惟以氣血浸衰遂致病魔纏擾近延某醫診治日漸奏效已能扶杖而行幸勿△遠注。）

▲如岳母有病。以函告壻照上有病函。「惟以」改（乃以內人。）

▲如女有病。「惟望至勿念」改（乃△尊府來報小女驟然感冒想係平日太

不經意以致飽受風寒現已延醫診治一俟痊可卽行奉△聞幸勿掛懷△如聞壻病「校課至安適」盡刪改（方謂校課匆忙乃近聞△尊體違和不勝懸系是否勤奮太過抑或感受風寒小女聞之寢食不安非常挂念千囑速延醫生診治或竟請假回△府調理將息請△斟酌而行倘能勉強支持寫一回音尤盼此致卽頌△痊安）

▲如託壻爲子作伐「惟望至如何」改（惟是向平之願尙未盡了某兒年已不小亟欲爲之擇偶△賢倩見聞較廣幸爲△留意不求巨室但求清門倘使婚嫁全畢逍遙五嶽矣）

▲如爲女作伐照上爲子作伐函「某兒至擇偶」改（某女已過笄年未有快壻）「但求清門」改（但求勤敏端方之士）

▲如允助壻學費「異日至如何」改（學費一節區區之數自當按期郵寄幸勿介懷但求力圖上進他日△榮及門楣實深盼望）

▲如向壻借貸。「消磨歲月至如何」改（消磨歲曆明月清風可以不用價買而米珠薪桂將從何處賒來幸望△賢倩酌措若干金卽行郵寄暫濟燃眉。如校中未有存儲能爲轉貸尤深感荷小兒或出月有款匯到定當如數歸趙叨在至戚覲顏出此幸祈△鑒諒）

▲如此外託購物件探聽消息以及規勸感激餽送禮物等種種「小兒頗有志至勿念」刪去隨事添入并細看以上各類變換法無不可以通用

▲如壻不在校中「文几」改（如見）「校課」改（政務）「課餘」改（倘有餘閒）則凡無論在商界政界皆可通用

▲如
表
叔
姪
姐
妹
寄
「賢倩」改（賢
表院
內院
倩）「惟望賢倩」改（惟望△賢
表院
內院）

「真不愧至壻也」改（何幸如之）凡寄內姪或表姪或姪壻均以此爲原本以上各事卽據之以爲變換無不可通用也

尺牘釋例 卷一

三六

尺牘釋例卷一終

尺牘釋例 卷二

甥寄母舅

寄外祖堂母舅姨丈均
可通用變換法見廣用

母舅大人尊右。敬稟者。校中定規。年假甚短。不及回里。誦渭陽之詩。方深
馳憶。而臘鼓聲中。不覺年華又換矣。敬維

履端集祐。

潭府迎祥無任欣抃。甥於停課時間。溫理舊學。間亦圍爐飲酒。藉禦嚴寒。或踢踘爲樂。流通氣血。惟是梅訊遙傳。鄉思遽動。每念家嚴異方旅食。弟妹幼弱。門戶支持全賴。母親一人布置。實不放心。務乞

大人時時惠臨。敝舍隨事照拂。并祈

諭示一切細情。以慰游子。尤深感盼。專肅敬賀

年禧恭叩

閻潭萬福

釋義

甥某某謹稟

此甥在校中寄母舅賀歲通用之函也。然使甥之父並不出門，則家嚴下一段不可用變換法。見廣用下此函前半全從年假甚短不及歸里發生思路。渭陽甥送母舅之詩也。見詩經：姨丈舅祖不可用。而臘鼓兩句由年假以至新歲之意方深，字不覺字矣。字相呼應宜細辨之。履端即歲首也。此兩語爲賀歲之辭。甥於停課下述年假後在校中之情狀用惟是二字轉入家事其妙全在梅訊遙傳鄉思遽動以爲脫卸。蓋覩新春之景物而遂動思鄉之念也。以下瑣敍家事而仍歸到母舅託其照顧則其親暱之情與孝親之心油然見於紙上矣。大抵至親尊長措詞於客氣中仍當有懇摯之意。否則與泛泛無異。非至親矣。踢踘即拋球之戲。旅食言出門者人子在外曰游子。惠臨本應單擡。因一句中已先有擡頭則可以不擡。如此句大人時時惠臨。大人已擡頭則惠臨可免。

矣。餘皆倣此。

廣用

▲如先接到母舅函「而臘鼓至敬維」改（忽頒○手諭慰極快極敬諗新歲已來）

▲如得父函并欲轉告母舅「每念至旅食」改（昨得、父親手示深以）

▲如暑_秋假不必賀歲「校中至梅訊遙傳」改（春_秋假已屆川資頗鉅不復回里

誦渭陽之詩彌深馳憶而不獲一叩○慈顏藉聆○教誨甚歎甚歎敬維○起居康勝○福履綏和無任頌慰甥於停課時間溫理舊學或踢踘爲樂流通氣血惟是對景懷人）「敬賀至萬福」改（祇請○福安○舅母大人叩安）

▲如並非放假而寄函母舅「校中至遙傳」改（甥隨班上課不敢荒嬉每誦渭陽之詩彌深馳憶而不獲一叩○慈顏藉聆○教誨至歎至悚敬維○起居康勝○福履綏和無任頌慰甥於課暇或踢踘爲樂流通血氣惟是對景懷人

)「敬賀至萬福」改(祇請○福安○舅母大人叩安)

▲如託母舅爲父謀事照上並非放假函「異方至游子」改(坐困家園時來
、手諭憂慮之情形諸楮墨可否仰懇○鼎力覓一枝棲不獨、家嚴可以紓
眉而一家同戴○慈恩游子天涯)

▲如託母舅租屋照並非放假函「對景至敝舍」改(、家嚴作客遠方不能
兼顧家務、母親昨有信來亟欲遷居并云已商諸○大人務卽○代爲覓一
潔淨之屋俾起居稍可安適仍乞)

▲如父並不出門「每念至游子」改(回念曩歲桃符新換兄弟姊妹同侍、
堂上互相戲笑或擲骰子以博采色此樂何可得又憶與某兄弟登○堂叩○長
者春禧貺以果物錫以吉詞此樂又何可得惟望時○賜訓言藉慰游子思鄉
之念)

▲如並非新年父又不出門照並非放假函「惟是對景至游子」改(以故身

體極爲堅實足紓○慈注時得家嚴手諭恆以專心向學切勿戀家爲最用是不復有思鄉之念亦望○大人時時賜訓提撕警覺)

▲如託薦醫照並非放假函「惟是對景至游子」改（以故身體極爲堅實足紓○慈注昨得家信悉家嚴遽感風寒極爲焦慮甥定省都疎久慚子職恨不著翅歸里而以季考將屆不准請假伏乞○代延名醫從速診治并囑家嚴息心調養其病狀如何務卽○賜示）

▲如有慶慰餽贈詢問種種事故照並非放假函刪去「惟是對景至感盼」隨意添入無不可用

▲如已不在校中「校中至甚短」改（年事匆促）「甥於至氣血」改（甥自新年來事務甚簡時有酬應藉聯友誼）

▲如無父刪去「家嚴至旅食」

▲如無弟妹刪去「弟妹幼弱」

▲如。有。兄。姊。「弟。妹。至。放。心。」改。(雖。有。某。兄姊。贊。助。、母。親。支。持。門。戶。然。終。覺。不。
甚。放。心。)

▲如。寄。堂。母。舅。不。必。改。寄。外。祖。姨。丈。「母。舅。大。人。」改。(外。祖。
姨。丈。大。人。)(姨。丈。「誦。渭。陽。之。詩。」改。(遙。望。○。慈。雲。))

▲如。寄。外。祖。姨。丈。函。有。以。上。種。種。事。照。上。改。函。隨。意。變。換。無。不。可。以。通。用。

母。舅。寄。甥。

寄。外。孫。姨。甥。均。可。通。

某。某。賢。甥。如。晤。春。光。澹。蕩。風。日。清。和。想。淨。几。明。窗。靜。修。學。業。

進。步。之。速。一。日。千。里。甚。慰。甚。慰。愚。自。返。故。園。坐。消。歲。月。料。理。家。務。以。外。步。
行。里。巷。間。時。或。到。

尊。府。與。
姊。閒。談。瑣。務。輒。及。賢。甥。語。以。天。資。穎。悟。居。心。誠。樸。則。往。往。喜。
形。顏。色。然。倚。門。倚。闌。之。念。時。繚。繞。於。胸。懷。以。此。見。老。母。愛。子。之。心。無。所。不。
至。幸。勉。體。此。意。焉。

尊翁時通函問諸事有愚照顧尙望壹意勤學手此卽問近安。

愚母舅
某某手泐

釋義

此母舅寄甥校中通用之函也。讀關至戚措詞不必過於客氣。然比之伯叔寄姪宜稍爲圓融。此函首三句若在夏秋冬三時不可用。變換法見廣用。下一日千里極形容進步之速。愚自返故園三語自寫近狀。然必賦閒者可用。若有職業須變換法見廣用。以下因母舅無事發生思路。遂述到甥家中敍兄弟姊妹之情。復說到甥事先之以獎言。申之以母思念其子。以動其孝思。未云勉體此意。則仍激勸之詞焉。此皆母舅對甥之語氣。若外祖姨丈皆要變換法見廣用。倚門倚闈見國策。王孫賈母曰。汝朝出而晚來。則吾倚門而望暮出而不還。則吾倚闈而望言思念之切焉。尊翁句若甥之父不出門或已故。均不可用。變換法見廣用。凡母舅寄甥函言及甥事祇空一格。卽言及其母亦空一格。蓋本兄弟姊妹也。

若言及家中事與甥之父皆要另行頂格。

廣用

▲如在夏日「春光至明窗」改（槐蟬高噪暖送薰風正日長如年）

▲如在秋日「春光至清和」改（銀漢秋高金風薦爽）

▲如在冬日「春光至明窗」改（木落霜寒北風漸厲想見愛惜流光）

▲如詢甥製衣「輒及至此意焉」改（悉、賢甥_春衣已敝尙須另製惟尺寸樣色欲稍變動卽行函告以便照辦）

▲如甥已無父「尊翁至函問」刪去

▲如甥父在家「時或到尊府」改（時與△尊翁茗樓敍話或到△尊府）「尊翁至勤學」刪去

▲如母舅有職業在家鄉「愚自返至或到」改（愚羈身職務頗極冗忙時或抽閒一到）「諸事有愚照顧」改（諸事自當照顧）

▲如助甥學費「輒及至函問」改（深以學費甚鉅無從籌措爲憂以爲、賢甥天資穎悟居心誠樸異日何患不成大器區區之資容竭綿薄）

▲如父尙在而助學費「時或至照顧」改（時或到△尊府與△尊翁及妹閒談均以學費甚鉅無從籌措爲憂愚以爲、賢甥天資穎悟居心誠樸異日何患不成大器區區之資容竭綿薄）

▲如甥家中失竊「輒及至函問」改（乃今早忽遣人來舍告失竊事亟詣△尊府細詢情狀馳報警區詳開失單大約爲數尙不甚鉅業已函告△尊翁）
▲如先得甥函如晤下添（奉到、手書具悉當此）

▲如甥母病「料理至此意焉」改（乃頃到△尊府忽、姊受感冒飲食略爲減少已延某醫診治頗能奏效不日當可全愈足以告慰）

▲如甥母病而函催甥回家「料理至勤學」改（連日在△尊府爲、妹延請
醫士料理方藥雖漸見鬆減而病中苦憶、賢甥務望卽刻請假乘輪車速歸以

慰母氏自可勿藥而愈餘容面述)

▲如母舅有子同校託甥照顧「輒及至此意焉」改（藉破岑寂小兒在校智識幼穉全賴賢甥時時訓導保護屬在至戚不可謙讓）「尙望至勤學」改（切無分心家務）

▲如探校事詢假期寄物勸戒種種事故「輒及至此意焉」刪去隨意添入無不可用或有窒礙者細觀以上各事變換法當可領悟

▲如寄外孫「賢甥」改（賢外孫）「妹閒談」改（汝母閒談）「尊翁」

改（令尊）或稱號皆不空格不擡頭「愚母舅」改（愚外祖）

▲如寄姨甥「賢甥如晤」改（賢姨甥左右）「愚」改（僕）「與妹閒談至勤學」改（見△尊堂出、賢姨甥家報書法清秀文辭顯爽又知校試連入高等無任欽佩鄙見以爲當今所急莫如科學富強之基悉出於此、高明當亦以爲然也△尊翁時通函問幸勿懸系）「愚母舅」刪去用光姓名

▲如寄外孫姨甥。有以上各事。則據上兩函爲原本。而即將母舅寄甥各函。隨意
變換。無不可通用。

▲如甥不在校。已有職業。「想淨几至千里」改（想見△職務賢勞）「尙望
壹意勤學」改（尙望勤奮所業）

表姪寄表伯

姻叔亦可通用
變換法見廣用

表叔

大人尊前

敬肅者

睽違

道範幾度月圓。依戀之忱。與時俱積。敬維

禔躬康泰。

潭第綏寧。俯如下頌。姪屈指校中歷有年所。慚無進步。虛擲居諸。惟望
時

錫訓言警。覺提撕實深感荷。昨遇友人述。表弟在某校勤奮於學。同
輩翕服。連次考試。悉冠其曹。聞之大樂。既而汗下竟體。回憶去年某

表姪寄表伯叔

假歸里。屢詣

尊府與表弟_兄討論學業。方欲並轡中原。而今何如。無地自容矣。爲長者賀。又自厲也。專肅敬敏。

鉤安。

表_伯母大人叩安。

表姪 某某肅上

釋義

此學生在校中寄表_伯通用之函也。表_伯比諸母舅又稍客氣。蓋母舅乃母之兄弟。表_伯則祖母之姪也。若論戚誼又疏一層矣。此函頗用客套。首四語質言之。則久不見面。極爲憶念耳。睽違隔離之意。道範有道之模範也。幾次月圓。則知己隔數月。依戀猶言戀戀不舍。與時俱積。此戀戀不舍之念。正從上幾度月圓來。禔卽福也。此段凡尊長客氣者。苟已隔別數月。皆可通用。姪下七語。自謙之詞。在校中者可通用。居諸卽時間也。昨遇友人一段。必實有其事。方可用。冠

曹第一名也。聞之大樂既而汗下竟體。此兩語最妙。蓋始也聞表兄之實至名歸爲之大樂。既忽自思一無進境。不覺慚愧。汗出滿身。故用既而二字。宜細味。以下又推想從前言自己未嘗無志於學。以占身分並轡中原。欲與之立於同等之地位也。而今兩語一轉。與既而呼應。下又說到表伯及自己矣也。兩語助字。倘調換用之。便不通。

廣用

▲如首數語泛言「幾度至俱積」改（依戀彌深）

▲如先接表伯叔函「敬維」改（奉到○訓言快慰何如敬諭）

▲如甫到校卽寄函「睽違至俱積」改（叩辭○道範立卽首途近已安抵校中足紓○慈注）

▲如無力入校函託謀事「惟望至自厲也」改（而學費頗鉅家中無力籌措。屢次函來。諄囑別謀生計。姪不得不仰體。堂上之意。惟落落寡交。無從設法。

伏念○長者登高四呼順風響應倘能覓一枝棲得資餉口則不獨一身銜感實全家共戴○鴻慈矣)

▲如聞表弟官費出洋函懇設法「在某校至自厲也」改（卽日航洋入某國某校聞之喜極欲狂姪頗有微志迫於境地否則聯袂同行豈不甚善伏乞○表伯大人留意設法倘能如、表兄之官費雖遲一二學期亦無所顧惜且或同在一校則至戚相逢海外各有照顧尤屬一舉而兩得明知此願極奢然素荷○垂愛尙祈○鼎力栽成實所盼禱幸○鑒微衷）

▲如復代表弟覓校「昨遇至自厲也」改（前承○委覓學校頃已探聽一處其功課程度與、表弟適相符合倘○長者或以爲然務卽○示諭當爲報名并囑、表弟將前校卒業證書帶來可免考試週折）

▲如表弟同校有病「昨遇至自厲也」改（、表弟勤奮向學同校者視爲畏友昨忽感受風寒頭目眩暉不能上課代延醫士診治今已小愈再服藥數劑

當可霍然。恐勞○垂注。容特奉○聞。請勿焦慮。)

▲如聞表伯被盜函慰「昨遇至自厲也」改（閱報悉○尊府被盜事駭甚。萑苻不靖。世道之憂。警政不修。官方安在。幸而損失尙不甚鉅。人口未至傷殘。伏望○長者厚自寬慰。如能將細情○示諭尤爲盼切。）

▲如聞表叔爲省議員函賀「昨遇至自厲也」改（日昨閱報。欣悉○長者被舉爲省議員。聞之雀躍。姪平時暢聆○閔議。謂凡人私而忘公。熱權利爭意見。皆國家之蠹。私心竊論。苟盡得如○長者爲議員。則匪獨一鄉之榮。亦全國一省之福也。而今○長者爲之前導矣。喜何如之。）

▲如聞表叔營業發達函賀「述表弟至專肅」改（述○尊號營業之發達。商務場中罕有其匹。聞之欣抃。伏思○長者熟於計。然之書。操奇計。贏自有成算。獲利之豐。豈同倖得。專肅馳賀。）

▲如此外種種事故。刪去「昨遇至自厲也」。隨意添入。皆可通用。

▲如改寄姻伯「表叔」改（姻叔）「表兄弟」改（某兄弟）「表叔母」改（姻叔母）「表姪」改（姻姪）凡以上事照此稱呼皆可通用。

▲如已不在校中「姪屈指校中」改（姪來此服務）「既而至自厲也」改（用敢爲○長者賀）

▲如不在校中以上函爲原本隨意添入上述種種事仍可通用。

寄表姪

姪可通用變換法見廣用

某某賢表阮左右塵冗少暇致疏箋候每荷遠頒
手札極慰私忱敬詒

敏勤好學

業進無疆甚快甚快僕寄跡燕都毫無善況徒以飢來驅我遂生俗狀塵容真不堪爲

賢表阮告也方今之世濟濟英俊類出少年如老朽之不才異日將無廁

足地。惟望爲

國自愛。努力前進。行且看。

賢者肩任巨業。樂何如之。小兒輩亦時以此相勗。蓋皆孔子所謂後生可畏之時也。專此奉布。敬頌

學社。

愚表叔伯某某手肅

釋義

此表叔伯寄姪校中通用之函也。表姪稱表阮者。晉時叔阮籍姪阮咸皆竹林七賢中人有名於時。事見晉書。故竹林亦切叔姪。如胞叔逕稱賢姪。堂叔則不妨稱賢阮。表姪稱表阮亦客氣之詞也。首四句必有信來可用。敬諭兩句惟在校中者可用。僕寄跡一段必在北京者可用。若在別處須變換見廣用方今之世一段。頗切共和時代尊重學生。小兒輩句必其子粗有成就方可。用飢來驅我。卽謀生之意。俗狀塵容自謙形容之鄙陋。濟濟多也。英俊才能出衆者。老朽謂

年老衰朽無廁足地言無處謀生之意肩任擔任也孔子語見論語蓋惟後生將來爲豪傑爲聖賢擔任天下大事無可限量故曰可畏一至四五十歲則已不足有爲矣此後生所宜自豪又當自懷者也徒以兩字應上兩句復發生下一句亦時以亦字承上惟望數語來蓋字申明上層意表姪與兒皆所謂後生也用語助字最宜謹慎稍誤便不通矣

廣用

▲如無信來「每荷至敬諭」改（敬想）

▲如甫有信來「每荷遠頒」改（承頒）

▲如不在北京「寄跡燕都」改（寄跡異鄉）無論何地皆可通用

▲如無兒或年太幼稚「小兒輩至時也」刪去

▲如爲商業「寄跡燕都」改（自近年來溷跡市塵）「如老朽至足地」

刪去

▲如函託譯外國報紙「濟濟至時也」改（必具有世界智識始不愧共和國民僕老朽不才闇於聞見擬懇△課餘於某國新聞擇其有關係者間爲譯出按月彙寄得以開擴眼界增長閱歷皆出自△賢者之賜也）

▲如函託代覓教習「方今之世至時也」改（此間擬創一校程度約在中學以下而苦乏教員僕實門外無從羅致但求品行端方普通智識完全者卽係合格務祈費△神代爲延訂薪金亦不十分豐厚也拜託之至）

▲如函告股票獲利「濟濟至時也」改（商務一途漸有進步故個人之營業必不如公司之發達而異日小資本家將盡吸收入大資本家如近今之美國可斷言者△尊處所購某股票現已結帳計盈餘若干萬每股得紅利若干知關△垂注特先奉△聞幸勿分嚮學心也）

▲如爲表姪作伐先行函詢「方今之世至時也」改（敝友某某品行端方性尤嗜才家有女公子姿色清慧不愧閨閣淑媛諭知△賢表阮年少英才十分

欽慕倩僕作月老願聯崔盧之姻不敢冒昧用特奉詢倘△尊見以爲然再行函告△尊公)

▲如詢表姪之父無函「小兒輩至時也」改（△尊翁職務賢勞久不聞問家報時通否望告我住址尙擬一問○起居也）

▲如致函招股照股票獲利函「尊處至學心也」改（僕現在此間靜觀時俗所需要調查既畢確有把握擬設某某公司已招集股本若干章程幾紙奉△閱倘△尊見相符亦欲入股卽望函告雖盈虧未可預知而營業之發達必可操券也）

▲如此外有種種事故「方今之世至時也」刪去隨意添入無不可用

▲如姻伯致姻姪「賢表阮」改（姻仁兄）「僕」改（弟）「愚表叔」改（弟）皆可通用

▲如姻叔寄姻姪函照上函稱呼外以上各函均可通用

▲如表姪已不在校中。「敬諗至無疆」改（敬諗△興居曼福△餐衛咸宜）
「惟望至時也」改（惟望努力自愛古來豪傑不出於一途亦不拘於一格
有志者事竟成耳。想△高明當能鑒斯意也。）

▲如表姪不在校中。以上函爲原本。凡上述各事。卽本此變換。皆可通用。

寄內兄

連襟通用
換法見廣用

某某內兄弟惠鑒久疏箋候馳念彌殷敬維

上侍多福

潭第延釐甚慰甚慰某游學異鄉已經數載不敢不勤奮從事以期不負
岳父母期望之殷與

執事相知之雅兢兢此志用以自矢今國家亦多故矣異日擔當大事。
舍吾輩學生而誰而今之學生其本根之病在於見小利而忘遠大
之圖人才之不競實由於此願與

寄內兄弟

執事共勉之。令妹聞卽日歸寧。煩語以某身體安適。萬勿遠念。是所拜託。專此奉布。卽頌

侍祺。

岳父大人前恭請 福安

妹婿某某謹上

釋義

此學生在校中寄妻兄弟通用之函也。至戚莫如郎舅。故亦不必十分客氣。首兩語必久不寄函方可用。上侍侍祺必須其人有父母。或僅有父。皆可用。言侍奉堂上多福耳。祺吉祥也。游學二語係通套下接。不敢不勤奮三語。以見翁婿郎舅關愛之情。措詞頗懇摯。兢兢兩語承上勤奮來。矢誓也。下一段卽從上意發生。而用今國家句一颺。文筆便覺挺勁。悟此可藥平庸之病。而今之學生一轉與上文謂之一開一合。凡文字欲揚先抑。欲抑先揚。此卽先揚後抑之法也。願與句不獨至戚如郎舅可用。卽知己友朋互相勉厲亦可通用。對內兄弟稱妻

爲令妹若對他親戚及友朋苟平輩稱拙荆或荆人或內子或內人或山荆皆可此函上侍潭第侍祺指岳父母言故與某某平擡執事則指內兄弟故須低一格此等處亦須商酌

廣用

▲如先已寄函「久疏箋候至馳念彌殷」改（日前曾具寸牋諒已邀○青及○）

▲如久寄函去而未有復函「久疏至彌殷」改（前具一械屈指數旬未蒙○賜復實深懸盼）

▲如要復函「是所拜託」改（爲託得暇務卽○賜復實所深盼）

▲如無歸寧事「令妹至歸寧」改（便道過敝舍見令妹）

▲如函辭入黨「久疏至敬維」改（奉到○手示具悉敬諭）「今國家至勉之」改（至於共和國之不可無政黨誠如來示所云顧學生則專心所業萬

不可分馳於他務。況所謂政黨者，皆宗旨相同，意見相合者也。學生但知求學，烏有政見，故鄙意以爲俟異日學業成就，粗有見地，再懇介紹，今尙非其時耳。幸（○高明諒之。）

▲如函邀入會「而今之至勉之」改（顧不討論研究，則歐西輸入各科學，半不合於國情，勢將爲屠龍之技。今擬廣開學會，徧集學員，從事討論，分類研究，總以適用本國爲宗旨。同人等夙慕○盛名，囑爲介紹章程一紙奉上，祈○察核。○執事其有意乎？幸卽○賜復。）

▲如函寄本校雜誌或講義「今國家至勉之」改（校中諸同志現於課暇，編輯雜誌一書，分門擔任，某亦濫竽其間，已成第一冊，今甫出版，郵呈○郢政。）

▲如寄函規諷「而今之至於此」改（顧必立品立志，先自爲學生始，倘使初基一壞，如樹之無根，未有不傾仆者，故吾輩不可不慎焉。）

▲如函催衣服「令姊至拜託」改（現需某衣，請○關照令姊，檢出，卽行郵寄。）

妹

爲託）

▲如函索銀錢「令_妹至拜託」改（校中將付學費零用亦已不敷務請○轉告令_妹由某欵項下支撥若干卽由郵匯并祈從速拜託拜託）

▲如函復不能回家「久疏至彌殷」改（奉到○手書讀悉壹是）「今國家至拜託」改（以故苟家中無甚大事雖暑假時間稍長亦不回里一以省跋涉一以溫舊課實爲兩得今此區區瑣務卽乞○執事代爲料理不勝感激并祈○關照令_妹一聲也）

▲如函詢田租「令_妹至拜託」改（今歲農事如何有十成否吾家田租所入當必不惡佃民雖未必盡善要亦未必全無良心略有忠厚保家久長之道也幸○臨敝舍一調查之并祈○示復爲盼）

▲如此外種種事故多則「今國家至拜託」刪去少則「令_妹至拜託」刪去隨意添入

▲如寄連襟「內弟」改（襟兄）「某」改（弟）「以期不負至相知之雅
」改（以期不負所學）「令妹_至拜託」改（弟頑軀粗適足紓○綺注得
暇倘能時○錫箴言尤深感盼）「岳父大人_至福安」改（○○姻伯母_伯大
人前請安○尊夫人坤吉）「妹婿」改（襟弟）

▲如寄連襟函有以上各事據上函爲原本隨事變換皆可通用

▲如已不在校中「游學異鄉」改（託迹異鄉）「勤奮從事」改（勤奮職
業）「異日至而今之學生」改（四民苟各盡其責同抱此愛國之心何至
窳敗至此而竊觀當世之士）「人才之不競實由於此」改（亭林有言天
下興亡匹夫與有責焉）

▲如不在校中而述以上各事據上函爲原本隨事變換無不可通用

寄妹丈

表妹丈
變換法見廣用

某某姊丈史席湖山間阻夢想爲勞卽維

壯志凌霄

鵬搏九萬。

企羨無涯。某伏處鄉閭。隘於聞見。每欲乘風破浪。作萬里游。

而家嚴以遠離庭闈。堅不許可。令人鬱鬱吾

弟哥已升入某校。他日畢業後。出其所學。以應世用。定有一番作爲。行拭

目俟之矣。伏望

努力加餐。爲國自愛。是所至囑。前詣

尊府謁見

姻伯母精神康健。

家姊含妹料理家務外。時時閱書臨字消遣。丈夫志在四方。

幸毋繫念故鄉。致妨學業也。此布卽頌

旅祺。

內弟兄某某謹上

釋義

此內弟寄妹。壻校中通用之函也。郎舅雖不必客氣。而措詞不妨稍稍整齊。史

寄姊妹丈

席與文凡同意湖山兩語凡平輩遠別皆可通用卽維兩語言其志之大鵬之飛也搏扶搖而上者九萬里見莊子其人非在校中不可用企望也羨慕也無涯無窮之義也某伏處一段言欲出門求學而不可得隘狹窄意謂聞見不廣也宋宗憲少有大志願乘長風破萬里浪事見南史鬱鬱心中不舒貌以下又說到姊丈凡寫信須從兩面著想一寄者一寄與者如此函某伏處一段則寄者自述也吾哥一段則皆獎勸寄與者之言然意又盡矣前詣尊府一段此旁面文字也而復想到游學異鄉往往思念鄉土以致妨學業勉之似極懇切其實無事通函之敷衍文字耳一若滿紙熱鬧至戚懇摯之情流露於楮筆間於此可悟寫信敷衍之法逐段皆有起訖語助字均極妥當宜細玩之

廣用

▲如先接到函「卽維至無涯」改（忽奉○手書如親晤對藉諗○起居佳勝爲慰）

▲如久無函來「母繫念至業也」改（如吾○哥弟之不戀故鄉固當欽佩然郵筒甚便豈遂不能一報平安乎幸卽○賜復甚盼甚盼）

▲如託覓學校「而家嚴至鬱鬱」改（而程度相當之學校苦於無從探詢務乞○留意代爲介紹一俟得有○復音卽當束裝就道決不遲延）

▲如告姊丈得子「前詣至旅祺」改（頃○○尊府遣人來報喜云舍妹於某時產一寧馨兒亟往視之啼聲甚雄此非獨○○德門之慶亦敝族之榮也宅相有人快何如之產婦極健勿念先此布聞敬賀○大喜）

▲如得女「前詣至旅祺」改（某日某時吾○哥弟獲一掌中珍舍妹極爲健旺○門楣有耀樂何如之特此馳聞敬賀○大喜）

▲如母去照顧「前詣至旅祺」改（家慈先數日詣○○府預備臨盆各事今人來報某日某時產一寧馨兒非常迅速○○德門之慶也快何如之舍妹極健勿念馳此布聞敬賀○大喜）

▲如在鐵路學校。「吾哥至至囑」改（吾國鐵路人オ才最爲缺乏未造之路十餘七八他日吾○哥弟出其所學以應世需如京張之不待借才豈不幸甚跂予望之矣。）

▲如習鑛學。「吾哥至至囑」改（吾國藏富於地束手坐視西人莫不惜之他日吾○哥弟出其所學以應世需將見地不愛寶逐漸採取不獨貢諸本國且可輸出外洋寧非富國之術乎幸甚幸甚。）

▲如謝其規勸。「每欲至鬱鬱」改（又無良師友慰導致蹈過惡而不自知今聞○良箴悚然感悟自當永矢弗谖敬謝敬謝。）

▲如姊丈無父母。「謁見至康健」改（晤見）

▲如姊丈族中借貸。「前詣至學業也」改（日前造○○府適○貴族某某因有急需擬商借若干暫濟燃眉舍妹以允否見商某則謂義關本族況又事出意外力贊成之想吾○哥弟素篤親親之誼必不以爲孟浪也。）

▲如內兄無父「而家嚴至許可」改（而家務羈身萬難遠離）不出門不在校中皆可通用。

▲如此外有各種事故「前詣至學業也」刪去隨意添入。

▲如寄表姊丈「某某姊丈」改（某某表姊丈）「姻伯母」改（表

「家姊舍妹」改（表姊）「內兄」改（內表兄）

叔伯母

▲如寄表姊丈有以上各事照上函稱呼隨意變換。

▲如姊丈不在校中「壯志至無涯」改（興居多福爲頌）「吾哥至至囑」

删去「學業也」改（職業也）

▲如不在校中而有以上各事照上函爲原本隨意變換仍可通用。

尺牘釋例 卷二

三

尺牘釋例卷二終

尺牘釋例 卷三

弟寄師

夫子大人函丈。敬稟者。睽違。

几杖屈指經旬。敬維

道履咸綏。

禔躬集吉。欣頌無量。受業資稟昏愚。憮無知識。自荷

勤勤教誨。茅塞漸開。方幸此後

馬帳常依。渥沾

時雨。而事與願違。悚愧無似。今來某校。同學雅相敬重。卽隨班聽講。

諸先生亦謂尙可造就。頗承垂青。苟非當日厚辱

師門培植。安能如此。

雲天遙望。何時重坐。

春風也。專肅寸稟。敬請

鈞安。伏希

垂鑒。受業某某謹稟

釋義

此學生已入他校寄師通用之函也。寄師之函其措詞與擡頭皆同於尊長。惟所用字面不同。如此函几杖道履禔躬可通用於尊長者也。禮記謀於長者必操几杖以從之。蓋几爲憑藉之具。杖爲扶持之物。皆年老人不可少也。函丈禮記席間函丈言與先生之席遠離一丈也。古時尊長通用而近時則惟用之師耳。若馬帳時雨師門春風惟寄師函方可。後漢書馬融設絳紗帳訓生徒孟子有如時雨化之者。言教化之速如時雨之發生萬物也。宋朱光庭自程明道先生處歸謂人曰。在春風中坐了一月。此函大意總以不能久聽教訓爲恨故。

非別入他校不可用變換法見廣用函中措詞頗爲懇摯受業一段言教育之
得益茅塞言茅草塞心喻塞窒不通也見孟子今來某校一段言非師之教育
則此間同學敎習安能如此相待承上文而言也垂青見晉書阮籍見人好作
白眼惟合意者始作青眼然不恆見也故特別看待謂之垂青雲天兩語不過
依依不舍之意耳

廣用

▲如就別業「今來至造就」改（今來某處學習某業、執事先生）

▲如無力入校「今來至如此」改（近爲家境所迫不得不不出謀生計業已四
處託人尙無消息回首○師門有孤○培植）

▲如師已出校「而事與_至如此」改（而遽移○講席未能裹糧而從回首○
師門彌深依戀）

▲如仍在此校「方幸至春風也」改（近因家事請假旋里一俟辦理就緒即

當束裝就道得以○馬帳常親重沾○時雨樂何如之○雲天遙望不久當重坐○春風也。)

▲如得師函「屈指至敬維」改（依戀方深而○手諭遙頒頓紓積悃敬諗）

▲如數月後寄函「屈指經旬」改（幾度月圓）

▲如託師謀事「悚愧至春風也」改（家事遽有變端不但無力可以進校竟至無業難以資生伏念○師門夙承○培植可否量材介紹無論何事苟得一位置俾全家足以餬口實深感戴）

▲如代師薦事「悚愧至如此」改（遽爾判別伏念○師門不可一日賦閒審知某校尙缺一席用特函介乃○盛名所播非常歡迎務請○師駕即蒞彼校功課與薪水不妨當面與某君接洽）

▲如就正文字「同學至如此」改（各種科學極爲注重而國文一門全不講求受業私見以爲國粹亦未可拋荒校課餘暇間或操觚成文若干首錄呈○

誨政夙荷○師門培植定必大加刪削)

▲如託做壽祭文「今來至春風也」改（茲有敝戚夙慕○師門文筆迥異時流欲勾一文爲某翁先生申懸弧之祝太夫人抒哀奠之忱伏乞○椽筆於酒後茶餘淋漓一寫行見萬口傳誦也壽哀啟奉呈卽希○俯察如能○速藻尤深感盼）

▲如家塾所請今忽辭去「今來至如此」改（家嚴以大勢所趨斷不能專事家修不得已遂來某校然回想○師門深孤○培植）

▲如係舊業師「屈指經旬」改（依戀彌深）「方幸至如此」改（自入校以來不獲再親○馬帳○時雨重沾而國文一事遂至日見退步孤負○師門培植悚慚何似）

▲如無事通候「屈指經旬」改（依戀彌深）「資稟至如此」改（虛擲駒光毫無進步回首當年○馬帳○時雨常沾此樂不可得矣撫今追昔悵悵何如惟有勤奮向學不負○師門之培植耳）

▲如病歸續假。「而事與至春風也」改（而無端病魔遽來侵擾。自旋里後連延醫士竟無法以驅逐之。遂至偃臥牀蓐。不得已懇續假半月。倘使藥石有靈。逐漸告痊。卽當趨侍○師門重坐○春風中也。）

▲如此外有各種事故。照無事通候函。「惟有至培植耳」刪去。隨事添入。無不可用。

師致弟

某某硯弟青及。別後不克箋候。稽生疏懶。想能恕之。卽維

健翮凌雲。

翔輝九萬。無任頌慰。兄學殖荒落。浪擲居諸。講席忝居。問心內疚。尙望英俊之士。發奮爲雄。一放學界光明。如老朽者。固已無能爲役。雖然。今之所謂教育者。竊嘗聞諸道路矣。若曰。謂普及耶。窮鄉僻壤。子弟十歲左右。入校者十不得一二。謂具普通知識耶。學校中備此資格者。幾何。

人謂科學有進步耶。凡輪電路礦暨內地各工廠無不借材異國。揆諸時事。然耶否耶。願

青年一雪此言以爲快。假期將滿。家事就緒。卽日晤面。藉罄積愫。手此

卽頌

文社 兄某某手啟

釋義

此師寄學生校中通用之函也。硯弟言同筆硯也。亦稱同學弟。亦稱賢弟。青及卽上函釋義。阮籍青眼事。猶如見之義也。與垂青語意不同。嵇生名康。與阮籍同時人。亦竹林七賢之一。性極疏懶。卽維兩語。猶寄姊丈函。鵬摶九萬之意。兄四語自謙之詞。左傳夫學殖也不殖。將落言學當進步。而今已荒疏。浪擲徒然拋棄義。講席師席。忝慚愧也。內疚不安。貌尙望三語。勉勵弟子之意。下兩語又說到自己。無能爲役。卽不足以有爲也。雖然一轉。卽承上意。發一段議論。與學

界光明意全然相反僅用一然字作轉筆文字便無神氣宜細味之不云自己所說而託諸道路之言意思便不呆笨若曰者言道路如此云云耳其實今之教育按諸事實此數語並不虛誣揆諸時事然耶否耶復入寄信者之口氣青年句呼應上文老朽者言昭雪其事以明言之不確凡作函重在敘事而亦不妨略帶議論耶者未定之語助字中間三用耶字彷彿三問三答謂教育已普及何以入校者甚少謂人皆有普通知識何以具此資格者甚少謂科學已發達何以各業中仍用外國人細細參辨自能領悟

廣用

- ▲如弟先有函「別後至卽維」改（奉到△手書具悉壹是卽諗）
- ▲如不復到校「假期至積慳」改（兄老矣不復來校未知何時再罄積慳）
- ▲如已入別校「假期至積慳」改（兄窘於生計今已轉入某校薪水較優藉補不足而回首同堂多年聚處忽然舍去未免黯然耳）

▲如泛論學生之弊「今之所謂至否耶」改（今之學生恪守範圍孜孜嚮學者固不乏人而隨班聽講心有鴻鵠退至自修言不及義好行小慧甚則結聚團體羣相把持教習稍或嚴厲遂起而反抗私開會議深文羅織必使之不安其位而後已△弟以爲此等事今學校中果絕跡否耶兄屢屢聞之矣）

▲如泛論教習之弊「今之所謂至以爲快」改（豈獨老朽爲然哉一校之中天資穎敏者胡可以屈指數而往往誤於教授之不合法因循敷衍迫於生計其甚者講歷史則冒頓闕氏讀如本音論作文則書券三紙未見驢字於是不得不低首貢諛於學生而學生遂浸浸志高氣傲養成驕橫之習豈不可歎老朽雖不才敢不自勉乎亦望△青年之有以自尊重也）

▲如泛論愛國「今之所謂至以爲快」改（血固未涼也擊碎唾壺聞雞起舞彼又何人耶今之時局不識世界之大勢卽不能明內國之情狀而無由激發其愛國之熱忱不顧大局攘奪權利實由於此兄則願舉蠹國者而盡剷除之

大聲疾呼告我同胞今日者正我民國危急存亡之秋全國人民苟不臥薪嘗膽戮力同心國其何以處念至此而不能不爲賈生之痛哭矣

▲如泛論作文「今之所謂至以爲快」改（亦嘗有一得之愚敢貢獻於△青年夫旣名曰文必不俚俗可知而今校中學生其文筆能雅馴乎言不雅馴而猶名之曰作文不幾令人齒冷乎顧或謂語言文字方將合而爲一又何以文爲不知此爲普及計也以識字爲宗旨以能寫白話爲卒業時間太廢恐誤生計故不可以云文也旣名曰文不可不研求古籍上宗史漢下師歐蘇而兄每上堂講國文一課學生中凝神靜聽者固未必無人然或看小說或寫家信甚則交頭簇語不措意者實居多數以爲是無足重輕耳豈知歐西之保存國粹遠勝於吾國彼普及教育固文言一致而文學家之箸述果白話乎抑雅馴之文乎今學生皆心醉歐風知此可猛省矣）

▲如有各種事故「假期至積憊」刪去隨事添入

致舊同學

某某吾兄同學睽違

几席流光荏苒。不覺節序又更矣。回思翦燭西窗。商量文字。此情此景。
令人黯然卽維

襟期恢擴。

學術闊深無任企仰。

弟駑駘之駕。頗志馳騁。而

驥驥在前。終慚竭蹶。自來此校。屈指某年。亦何敢浪擲居諸。負對
知己。顧略有心得。就正無由。古人有云。聞多素心人。樂與數晨夕。而奈
何與。

足下緣之惺乎。

渭樹江雲。曷勝悵望。倘使

惠我好音。尤深感盼。專此奉布。敬頌

致舊同學

進步。弟某某謹上

釋義

此學生校中致舊同學通用之函也。同學通函可隨意抒寫措詞無庸莊重。此函通首全從舊同學三字發揮。首三語言別離之久。几席猶言几杖。惟尊長用几杖。同輩用几席耳。荏苒與匆匆意相近。回思四語追述舊時情景。唐人詩何當共翦西窗燭。語意本此。卽維二語言胸襟之大學問之深。第四句謙詞並以馬喻駑駘者劣馬也。指己言。騏驥者良馬也。指同學言。故用而字轉馳騁進行之意。竭蹶力不能勝之意。自來四句敍述近情。申明不敢空費時間。恐對不起知己也。以下則承上文意言。雖勤奮嚮學而有所心得。無從請教。故用顧字承上轉下。古人有云者。此兩語卽晉陶淵明詩也。陶淵明言多素心人。而今與同學偏不能常敍。故用而奈何轉。素心人卽知己也。緣慳卽緣分甚淺。慳吝嗇之意。渭樹江雲言覩物思人。末兩語望其寄復信也。措詞全從舊同學著想。宜細

味之。

廣用

▲如先有函來「流光至卽維」改（馳系方深而辱荷△朶雲下懷頓慰）「
偷使至感盼」刪去

▲如別無多日「睽違至更矣」改（別來一旬而三秋之思繫於寤寐）「屈
指某年」改（隨班聽講）

▲如述校中事「屈指至憚乎」改（近方略知梗槩用陳△左右校中規模大
段完備同學人數極衆然共分幾科科又分幾班班又分幾級以故每級中殊
不擁擠教員中西兼有教法亦頗盡善弟現在某科某班某級中研求某學雖
腦力極費而不敢不踴勉從事以期無負△故人厚望惜不得見△知己者而
一罄積愫也）

▲如得良友「屈指至悵望」改（頗得同心之友某某品行端方博學於文某

某天資沈潛富於腦力於各科學極有領悟弟親之敬之介於師友之間往往課學餘閒時談吾△兄之學術品誼彼二君者極爲欽佩亦心嚮往之矣惜乎不得△知己而同聚於一堂也悵何如之)

▲如論取友之難「顧略有至慳乎」改（顧擇友之難難於擇校一校之中人類至爲不齊其庸妄狂謬者無論矣而好學之士類皆謹飭有餘敏警不足求其超類拔萃穎悟非常品行學詣兩居人上實未見一人每有管見無從就正而愈益思△足下矣）

▲如函招來校同學「古人至感盼」改（每念△足下輒用悵然鄙見以爲丈夫志在四方又奚必戀戀故鄉爲明知今日入某校明日轉某校犯聖人無恆之戒然此間則規模闊大教法盡善倘△尊見相符卽當代爲報名此後聚首一堂朝夕商榷樂何如之幸卽△賜復實深盼切）

▲如論膳宿「屈指至慳乎」改（照例不備膳宿顧吾輩宗旨專心向學決不

講求滋味。故資貼廝司。聊以充腹。尙不覺其苦。惟所賃寄宿舍。則人類不齊。散課以後。人聲喧鬧。或至徹夜飲酒賭博。無所不爲。非但不能自修。並不能安睡。欲擇二三勤學者。另行租賃。竟無從覓屋。其苦爲何如。△足下聞之。當爲一歎。)

▲如悔入此校。「屈指至慘乎」改(深悔孟浪。其管理之不善。姑無論矣。卽各種科學教法亦極有可議。方知前此與△足下互相商榷。進境殊速。而今則進退維谷。無可爲計。△知己幸有以教之。)

▲如此外有種種事故。「倘使至感盼」刪去。隨事變換皆可通用。

▲如已入政界。「自來此校至悵望」改(不得已而濫竽政界。學習簿書。然學問一途。不啻南轅北轍矣。所幸鼴鼠飲河。不過滿腹。亦聊以資餬口耳。以視△故人前程萬里。豔羨何如。)

▲如已入政界。添入以上各事宜。斟酌變換。參看下致友人函。

▲如已入商界「自來此校至悵望」改（遂爾藏身商界。藉資餉口。雖半由境困迫而出此。然自知天分有限。萬不能與△足下方軌並驅。遙望△故人。如在天上。欣羨何如。）

▲如已入商界添入以上各事宜斟酌變換參看下致友人函。

答舊同學

某某吾兄知己。暮雲春樹。想望爲勞。方擬握管裁箋。一申契闊。而遽辱
朶雲下逮。開緘捧讀。頓慰下懷。雖然。何意之摯而辭之謙也。不敢當。不
敢當。弟平生宗旨。守分安常。而獨懷西人光陰貴於黃金之說。以故驚
駘之質。略有寸長。然非得

足下時時開悟。亦安能至此。今則天各一方矣。遙望

清輝。恨不尋高惠夢中之路。與

知己一商學說。回首前塵。彌深悵悵。伏望

努力加餐。

起居珍攝。并祈校課餘閒。時通魚雁。藉慰離情。尤爲感盼。專此奉復。卽
頌

文社。

同學弟
某某謹啓

釋義

此學生校中答舊同學通用之函也。此函語氣全與上函口吻相合。蓋旣爲舊
同學。又皆好學之士。故氣誼相孚。措詞於懇摯謙抑之中。均帶自負。如此函略
有寸長。前函略有心得。皆是如雖係舊同學。而並不深交。又不好學。此兩函不
可用。宜參看下致友人函。斟酌變換。暮雲兩句。杜甫詩。渭北春天樹。江東日暮
雲。言憶念也。方擬二句。名曰補筆。因旣稱知己。不可無函。此云方欲寄函而已。
先有函來。則語意圓到矣。契闊別離。意在雲函。也不用卽諗云云。以知己可以
脫去尋常俗套。雖然一轉承上函意。弟平生一段。自述得力處。大凡學問效驗。

答舊同學

之速無過於有恒而愛惜時間苟青年之士守此二語無有不成大器者然非一轉說到同學亦謙詞也今則一段述思慕之情高惠戰國時人與張敏友善每相憶輒夢中往尋迷路而反前塵猶言前事也伏望二語以前不用俗套故於此補之魚雁皆指函言

廣用

▲如述校中近狀「伏望至感盼」改（此間校事一如曩日并以附△聞伏望△起居珍攝爲囑）

▲如調換敎習「伏望至感盼」改（此間校中某先生已辭謝新來某敎習昨始上堂善於啟迪餘如曩日并以附△聞卽惟△餐衛咸宜爲頌）

▲如大起風潮「伏望至感盼」改（況近日校狀迥非昔比敎習稍不留意同校諸君遽形反抗管理者又橫加壓力遂至全校罷課風潮愈演愈大弟閉門靜坐不敢爲左右袒因歎△足下有先見之明也縷述近狀幸有以△教之諸

惟△珍攝。)

▲如述家況「今則至悵悵」改（惟是心爲境役。家況漸窘。點金乏術。學費難措。若就此中止。似乎可惜。現擬四處張羅。以竟一簣之功。辱承△知己。敢布苦衷。）

▲如復述校事「今則至悵悵」改（尊校如此美備。令人神往。亦有一二知己。平弟則近與某某諸君。稍稍研求學術。此外無可言者。遙挹△清輝。益增惆悵。）

▲如復得友「今則至悵悵」改（顧△足下又得良友矣。將何以處。弟思之悵然。復承數千里外。齒及故人。感何可言。惟是獎借太過。轉滋慚恧。而愈增離羣索居之感矣。）

▲如復取友之難「今則至悵悵」改（故人生一世。獲友益爲最多。雖父師不如也。則取友尙焉。顧友分兩類。其一性情。其一學問。而心術品行。則必求其方

正苟心術品行不愧方正之目。則友其性情雖無學問可也。昔孔子云。三人行必有我師。師之易得如此。而況於友若如△足下。言竟未見一人。此必△足下之才冠絕一時。然豈竟無性情之交乎。設有人也。學問遠勝△足下。而行爲荒謬。舉止輕率。議論乖僻。將亦取之以爲友乎。恃△愛率陳。幸恕狂直。

▲如復辭來校同學。「今則至悵悵」改（倘使仍得朝夕聚首。互相商榷。獲益當更十倍於前。顧鄙見期期以爲不可者。誠如△尊旨。犯聖人無恆之戒也。故必卒業後再商行止。不然交好如吾兩人。寧願一日遠離哉。蓋亦深思熟慮。而忍以出此。幸△知已其諒之。）

▲如復允來校同學。「今則至感盼」改（故弟視△足下爲性命之交。何忍一日舍去。第以素性守分安常。用此遲疑。今則毅然決矣。現已轉稟、家嚴竟蒙允許。卽懇△代爲報名。料理行裝。不日首途握手匪遙。欣慰何如。）

▲如復論膳宿。「今則至珍攝」改（顧聞起居飲食諸多不適。爲之慨歎。飲食

一事。△尊論極爲欽佩。寄宿地方。嫌其嘈雜。則與鄙見小有不同。吾輩胸中。自有主宰。無論外來之境。如何喧擾。儘可不見不聞。勤我自修。安然酣睡。若如△足下言。是居於被動地位。而胸中未免無主宰矣。試體此意。如何。卽希△天君靜攝爲禱。)

▲如此外有種種事故。「伏望至感盼」刪去。隨意添入。皆可通用。

▲如已入政界或商界。「今則天各一方矣」改「今則執業各異。夫又何言。」「一商學說」改「一聲積憮。」

▲如已入政界或商界。添入以上各事宜斟酌變換。參看致友人函。
致新同學

某某仁兄同學賜鑒仰企

芝暉匪伊朝夕。一旦附驥末座。獲聆
塵教。懽若平生。伏念。

丰標峻潔。

學術闊深無任欽佩。弟買棹歸鄉行裝卸後旋訪一三舊雨罄訴離悰。繼述校中情狀遂詳陳。

足下之品行才識諸君子不覺眉飛色舞神爲之往深願聯牀接席一識。

荊州其傾倒蓋亦至矣倘所謂異苦同岑臭味相投者耶未知能容弟

紹介一攀

儲生否鱗鴻多便尙祈

惠我好音專此奉佈敬頌

文祉同學弟某某謹上

釋義

此學生寄校中新同學通用之函也新同學非如舊同學有情誼可敍故措詞

頗難著筆。然新同學而至於通函，則必氣誼相孚可知。從此落想，便有思路。首兩語敍未見時之思慕。一旦三語敍已見後之懽樂。附驥見史記顏淵雖篤學，附驥尾而名益彰。以驥喻新同學，自謙忝附其列。質言之，即同在一校中也。塵教者晉人談論，必揮塵尾。即今之拂塵也。伏念二語上言立品之高，下言學問之大。弟買棹一大段，即從舊友相敍，說到新友，并述思慕之意，是爲對面文章。舊雨卽舊友也。杜甫詩敍舊雨不來，今雨來，眉飛兩語，狀其傾倒之意。荊州卽唐韓朝宗，曾爲荊州刺史。李白文云：生不願封萬戶侯，但願一識韓荊州。故世凡仰慕其人而欲見之者曰識荆。本此。晉郭璞贈溫嶠曰：及爾臭味異苔同岑。言氣味相同也。紹介見國策，勝請爲紹介而見之於將軍，蓋居間引進者嵇康。清介絕俗，一攀言仰慕之意。此函通首全寫仰慕之情，因新同學別無可措詞也。

廣用

致新同學

▲如寄二次函「仰企至平生」改（前蕭寸穢諒蒙△青睞）「買棹至遂詳陳」改（家居無事與二三舊雨評量人物因臚陳）

▲如函告來校「買棹至詳陳」改（歸里與二三舊雨敍話并陳）「鱗鴻至好音」改（迅速光陰假期已滿把晤匪遙面罄積愫）

▲如函復紹介某友「行裝至諸君子」改（旋訪某友因傾筐倒篋盡白△足下愛慕之忱某友）「未知至嵇生否」改（何彼此針芥之暗合也）

▲如稱頌文字「行裝至神爲之往」改（手攜△鴻文遍示舊雨讀之皆不覺拍案叫絕）

▲如函告造訪「買棹至卸後」改（歸里）「其傾倒至奉佈」改（因共定議逕發剡溪之棹登元禮之堂同瞻△眉宇其欣慰當何如耶先此奉△聞）
▲如函招來家「買棹至卸後」改（歸里）「未知能容至奉佈」改（不揣冒昧買舟奉迓△文軒△惠然肯顧跂予望之專此奉訂）

▲如約同到校。「買棹至詳陳」改（歸里後與二三知己敍話細述）「鱗鴻至奉佈」改（假期將滿如肯△枉駕一臨敝廬同行赴校途中庶不落寞吾鄉士人亦藉以遂瞻△韓之願真一舉而兩得也先此奉約）

▲如謝其指教「買棹至才識」改（資性愚闇陋等蹲鷗自得△高明開陳指導胸中茅草漸次芟夷歸後與二三舊雨敍述△足下才之高學之博議論之警敏）「鱗鴻至奉佈」改（專此奉達異日得有一知半解皆出△足下賜也銘鏤心版感何如之）

▲如別後詢校中事「行裝至嵇生否」改（校中消息一無聞知開學之期未有通告△足下耳目較長當有確信吾輩神交已久雖敍晤尙無幾時而氣誼之投訴合無間非古人所謂傾蓋如故者耶不揣冒昧敬乞探聽）

▲如病歸續假「買棹至嵇生否」改（抱病歸里延醫診治淹纏牀蓐日與藥爐爲緣因念吾兩人傾蓋之交懽同舊雨匪獨性情相契殆佛氏所謂有香火

因緣者耶。而遽爲病魔所阻。大約尙有一旬之別。伏乞△代爲續假十日。恃愛瑣瀆。)

▲如問疾。「伏念至欽佩」改(而△足下遽爲造化小兒所苦。實深懸系。)「

其傾倒至嵇生否」改(均以△清恙爲念。想日內當占勿藥矣。)

▲如在校中問疾。「伏念至文祉」改(而△足下遽爲造化小兒所苦。實深懸系。何日安抵○尊府近延何醫診治。竊謂△清恙由於勤奮太過。若興居寢饋。△足下日有常度。外界之風雨寒暑。必不能侵擾。自當節省思路。爲第一要義。諸惟△珍攝定占勿藥。吾輩一見如故。用特肅函省候△起居並頌△痊祉。)
▲如此外有各種事故。「買棹至嵇生否」刪去。隨意添入。

答新同學

某某仁兄同學惠鑒。耳叔度之名久矣。一旦追隨左右。遂成莫逆。復荷

手書遠辱。辭翰優美。而獎借太過。讀之慚汗直下。敬詫。

榮問令譽。

飛騰寓內。慰頌無既。別後返里。杜門不出。素性孤冷。知己寥寥。獨足下之聲音笑貌。時時縈寤寐中。何

足下感人之深也。非古人所謂傾蓋如故者耶。又承不惜

齒牙。逢人說項。弟之譸陋不才。何足比數。而令諸君子傾倒至此。曹邱生過矣。恐終爲羊公之鶴。有負

故人耳。遙望

清輝。感愧交并。專此布復。敬頌

撰祉。
弟
某某謹上

釋義

此學生復新同學通用之函也。通篇全與上函語氣相呼應。首三語言聞名已

答新同學

久故相逢卽成知己。叔度後漢人姓黃名憲，名高四海耳。卽聞也稱知己曰莫逆。莊子莫逆於心。相視而笑復荷四語。先言書之遠辱。次稱許其辭翰用而字一轉。謂辭翰固美矣。而贊揚太過。不覺慚愧。流汗不止。獎借卽贊揚之意。敬諱數語。言聲名之遠布。別後四語。先申明不肯濫交。於是獨足下數語。其推崇契合之意。遂躍現於紙上。凡作文或寫信。能用襯筆。則本意更易明顯。如此函素性兩語。卽襯筆也。傾蓋兩車之蓋。相傾言車中相語。今借喻初相逢也。傾蓋如故。漢鄒陽文言。一見如故也。又承一段答上函詳陳足下云云。意說項見全唐詩話。楊敬之贈項斯詩云。平生不解藏人善。到處逢人說項斯。故今謂稱道人善曰說項。曹邱生見史記。楚之辯士季布任俠。得曹邱生爲遊揚。而名益聞。羊公鶴見世說。羊叔子有鶴善舞。嘗向客稱之。客試使驅來。斃斃而不肯舞。以喻有虛名而無實學也。此函措詞稍多客氣。亦畧用典故。宜細玩。

廣用

▲如連接兩函「辭翰優美而」改（方擬裁答而△郇雲又承下逮）

▲如將到校「遙望至交并」改（爲我謝、諸君子高情厚誼銘鑄五中光陰迅速覲面有期）

▲如答復紹介事「又承至故人耳」改（平生嚴於取友而某君則景仰之私已非一日得承△雅誼代達鄙忱方深欣幸不謂孔北海亦知世間有劉豫州耶喜極而狂矣然秋水伊人徒深停雲之想奈何奈何）「感愧交并」改（神馳無極）

▲如復稱頌文字「杜門至故人耳」改（方以文筆膚淺杜門補課區區拙作不足以供△大雅一粲△足下不爲藏拙而遽播揚之持布鼓過雷門行見笑於△大方之家矣豈垂愛知己者所忍出此顧、諸君子猶謬辱獎賞無亦爲昌歎羊棗之嗜乎。）

▲如復造訪「弟之謾陋至交并」改（遂令、諸君子頓發子猷清興△寵臨

敝里蓬蓆生輝行掃榻以俟藉舒仰止之忱何幸如之)

▲如復允往伊家「遙望至交并」改（辱荷△寵招已命榜人挂一帆風飛渡△珂鄉一瞻、諸君子丰標藉慰飢渴定當作十日游也）

▲如復辭不赴「遙望至交并」改（△寵召極應趨詣而竟令榜人空返非特有孤△雅意并負、諸君子之盛情歎仄萬分惟事與願違萬難抽身他日有暇當買棹一行藉舒△景仰之私幸爲△轉達諸惟△鑒諒）

▲如復同到校「遙望至交并」改（假期將滿本擬迂道△珂鄉得與諸名流晉接一慰飢渴今何兩地一心耶易曰同心之言其臭如蘭吾兩人之謂歟）

▲如復指教「獨足下至如故者耶」改（獨△足下之崇論闡議時時榮寤寐中不謂謙抑太過竟視弟爲他山之石不敢當不敢當）

▲如復校中事倘在家「非古人至交并」改（承詢一節略有所聞教員稍有變動章程一仍其舊開學之期定於某日已發通告△尊處竟未接到豈爲郵

局沈浮耶。久不見黃生。遂令鄙吝滿懷。把晤匪遙。又可一滌塵襟矣。快何如之。)

▲如復校中事。仍在校。「別後至交并」改(弟枯坐校中。溫理積課。而△足下之聲音笑貌。時時縈寤寐中。何△足下感人之深也。承詢一節。略有所聞。教員小有更動。章程悉仍其舊。開學之期。定於某日。已發通告。△尊處竟未接到。豈爲郵局沈浮耶。久不見黃生。遂令鄙吝滿懷。把晤匪遙。又可一滌塵襟矣。快何如之。)

▲如復病歸續假。「復荷至不出」改(又以△清恙歸里。方深馳系意。謂卽日霍然而奉到△手書。尙復延醫診治。造化小兒。欺人太甚。弟)「又承不惜至交并」改(而竟以病魔肆虐。間阻我知己。悶悶何如。萬望息心靜養。正氣充足。則邪氣自消。定占勿藥之喜。此間已代爲續假。幸勿縈念)「撰祉」改(瘞祉。

尺牘釋例 卷三

▲如此外有種種事故。「遙望至交并」刪去。隨意添入。

尺牘釋例卷三終

尺牘釋例 卷四

致友人

某某仁兄雅鑒。仰企

芝暉時殷葭溯。敬想

興居清勝。

餐衛咸宜。甚慰甚慰。弟駒陰虛。擲馬齒。頻增回首前塵。徒喚負負。每念執事青年英俊。決不久列閒散。今果伯樂一顧。遂大展其驥足。洵吾言之不誣矣。羨何如之。世事如弈。天意茫茫。不識高明有何創見。鄙陋如弟。則惟箇口不言耳。迢遞

雲山。胸臆難寫。鱗鴻未阻。時

錫好音。專此奉達。順頌

致友人

日社。弟某某謹上

釋義

此無論在校中不在校中寄友人通用之函也。學生已有致舊同學新同學各函故另作此函以便泛泛通候者通體均屬敷衍惟中間每念一段苟其人屈於小就不甚得意不可用若使商界而爲執事或經理政界與學界而爲主任或非執事經理主任而能獨當一面者皆可通用首四句凡友人除知己不必用客套者餘均可用芝暉言其丰采霞溯見詩經蒹葭蒼蒼溯洄從之言思慕之義餐飲食也衛營衛也猶言食量氣體皆宜駒陰四語謙詞也亦極空泛凡友人皆可用莊子言人生如白駒之過隙故光陰稱駒光亦稱駒隙凡馬一年增一齒因借以自喻負負愧之甚也後漢書負負無可言者伯樂善相馬驥良馬足馳千里喻才之大也三國志諸葛亮稱龐統必治中別駕之任方始展其驥足耳世事一段亦係泛論如弈者不定之意創見一人獨具之見也籍口如

有物以籍其口•胸臆•胸中之意皆敷衍話•

廣用

▲如僅小就「今果至何如之」改（今乃長才屈於小就自是時機未熟鹽車服駕幸勿灰心會當騰驤天衢也）

▲如方賦閒「今果至何如之」改（今竟置之無用之地可勝惋歎顧鵬搏暫息會當扶搖九萬請堅素志幸勿灰心）

▲如託謀事「世事至不言耳」改（顧弟無一技之長而家有八口之累伏思△太邱道廣必有位置不論何事苟餽口有資則全家戴△德素承△垂愛用敢瀆懇）

▲如已久別「每念至何如之」改（經年闊別一牋未通而相憶之情未必不兩地一致也△執事之才長駕遠馭近當益展其抱負以視弟之伏處里閈聞見淺陋者誠不可同日而語欽佩何如）

▲如別未久「青年至何如之」改（天生偉器時時聆△丰采言論足以磨厲頑鈍今又天各一方矣思之黯然）

▲如開公司或店「每念至不言耳」改（顧不敢不自策勵無負△執事相知之雅近與諸友創議設一某某大公司商店現已妥定章程廣招股分且四處調查籌商製造運銷之法亦略有把握雖大段以營業爲目的而未嘗不欲於商業場中放一異彩故敢爲△知己道也）

▲如託招股分「每念至不言耳」改（顧不敢不自策勵無負△執事相知之雅近與諸友創議設一某某大公司商店現已妥定章程廣招股分且四處調查籌商製造運銷之法亦略有把握雖大段以營業爲目的而未嘗不欲於商業場中放一異彩△執事倘有意乎此間股本尙未足額并可代爲招集多多益善章程附呈乞△察核）

▲如招伊同事「每念至不言耳」改（顧不敢不自策勵以期無負△知己近

與諸友創議設一某某大公司。現已妥定章程廣招股分且四處調查籌商製造運銷之法亦略有把握惟人才太少兼顧爲難△執事幹練之材同人咸所欽佩可否屈△駕以當一面）「時錫好音」改（速惠△好音無任盼望）

▲如代友薦事「世事至不言耳」改（敝友某某才極幹練而李廣數奇所如輒左△尊處倘有位置以資臂助不特爲敝友計亦爲△執事計也幸加意焉）

▲如勸募善舉「每念至不言耳」改（顧寸心未冷尙欲勉自策勵以免行屍走肉之誚因廁身慈善界惟籌款一事最爲難題同人等旣竭棉薄遂各擔任分投勸募附呈募啟若干伏懇△執事大發慈悲慨解△仁囊鉅細勿拘并祈△轉募諸君子聚沙集腋救濟同胞當亦△仁人所深許也。）

▲如勸戒賭「決不久至如弟」改（正奮發有爲之秋而終日寄情擲蒲劉盤龍亦豪傑士顧其一擲百萬尙在少時久六場中有何結果徒耗寶貴之光陰忝在△知己用敢直陳如不以弟言爲然）

▲如勸戒治遊。「決不久至如弟」改（豈徵歌選舞之時杜牧之才士風流揚州一夢深悔當年放誕明達如△執事豈不能鑒及紅粉場中回頭試想有何趣味宜及早絕迹以端立品恃△愛直陳定能△俯諒如不爲然）

▲如勸戒酒。「決不久至如弟」改（而縱情麴蘖傷身誤事莫此爲甚彼陶彭澤李青蓮豈沈湎人哉不過遭時不偶聊以寄情△執事固非其流亞也惟望節飲勿荒正務△知己當能△鑒諒如仍終日醉鄉）

▲如此外有各種事故。「每念至不言耳」刪去隨意添入再參觀上久別與別未久兩函則無不可變換矣。

答友人

某某仁兄執事河梁握手別年矢催人遙望

清暉方深馳系而

蘭緘遠賁頓慰下懷藉証

近祉康綏。

闔潭安吉。允如頌忱。弟寄跡異鄉。毫無善狀。兢兢奉職。幸免隕越。足以

仰紓

塵注然視

執事之故里。優游蕭然物外。遂不覺如
天上人矣。時局變遷。本難逆料。而居今之世。則雖諸葛復生。恐難窮其
究竟。敬如

尊旨。箝口不言耳。寒煖不時。諸維
珍攝。肅復卽頌

時祺。弟
某某謹上

釋義

此復友人通用之函也。通體語氣與前函呼應。首四語先述未接到函以前。若

答友人

以文字論是謂題前一層河梁送別之地李陵與蘇武詩攜手上河梁游子暮何之後世用河梁本此矢箭也猶俗云光陰似箭言其速也下兩語述接到來函方字與而字接應如方或改彌字則而字便贅須刪去蘭纊函也賁寵臨之意近祉兩語亦通用頌揚語寄迹四語針對前函每念一段前函言大展驥足此云兢兢奉職謙詞也隕越顚蹶之意言辦事不妥當也然視三語針對駒陰一段稱其在家納福優游自得時局一段復前函世事數語自古以來時局不可逆料此猶泛言耳而字一轉則意更進一層昧此可悟寒煖兩語通套話皆可用

廣用

- ▲如復小就「寄跡至優游」改（斗筲之才本無遠志苟餽口有資已屬幸事安敢別存奢望每念△執事故里優游）
- ▲如復薦事「然視至不言耳」改（承△委一節定當留意惟目前人浮於事

而機會難得。△執事又不可一日家食。務祈△尊處亦遍託知已。所謂多方並進。必有一獲者也。非敢推卸。幸乞△鑒諒。)

▲如復薦事已成。「然視至不言耳」改(△執事長才竟賦閒居方深詫異。因推轂於某君。則亦早耳。△盛名非常欽佩。務即束裝就道。△駕臨某處相見之後。定能水乳交融。代爲欣幸。)

▲如復久別。「年矢催人」改(轉瞬經年。)

▲如復別未久。「年矢催人」改(忽已經旬)。「寄跡至善狀」改(甫卸行裝。旋卽消假。)

▲如復開公司或店。「然視至不言耳」改(吾國商務之不振久矣。見小利無大眼孔。坐此遂爲他人入室。代執牛耳。△執事與諸君子負偉大之才。創設一大公司。將於商業場中放一異彩。聞之如河伯之望洋而歎。既又不覺欣幸過望。然尙有一言進者。務乞貞之以毅力。堅之以不撓之志。則更爲前途萬里賀。)

▲如復託招股分「然視至不言耳」改（△執事與諸君子負偉大之才創設一大商店將於商業場中放一異彩聞之不覺起舞爲吾國商務前途賀章程亦極完備行當廣爲招徠并四處傳播營業發達之理由現已集成若干股此後源源而來容再續△聞）

▲如復允赴招「寄跡至不言耳」改（寄跡此間本同雞肋辱承△寵召敢不遵△命惟襯線之才不足以當一面卽日束裝就道覲面匪遙幸有以△教誨之）

▲如復不允赴招「然視至不言耳」改（辱荷△寵招極應趨詣而素性戀舊不忍言離且亦水乳交融一時又無從啓口方△命之憇幸祈△鑒諒）

▲如復代友薦事「時局至不言耳」改（、貴友才高數奇聞之扼腕夫不知其人視其友以△執事卓犖之器則亦可知、貴友之梗概矣頃已設法留存一席務望卽日戾止無任歡迎）

▲如復不允薦友「時局至不言耳」改（、貴友才高數奇聞之扼腕顧青萍
結緣不患無薛燭下和其人也此間人浮於事尙擬裁汰無以應△命不勝悚
愧）

▲如復勸募善舉「然視至不言耳」改（△執事消閒之歲月猶不肯虛度而
廁身慈善界其熱忱濟世至爲可敬弟雖無似敢不獻一掬之水以輸河海此
外當廣爲勸募源源奉寄決不負△大君子慈悲之意也）

▲如復勸戒賭「寄跡至不言耳」改（性嗜博鑿從公多暇往往聚集三五友
人以消日力今聞△明訓懼然驚悟行當投五木於爐火以仰副△知己雅愛
敬以奉謝）

▲如復勸戒冶游「寄跡至不言耳」改（從公餘閒間與友人涉歷花叢然爲
消遣計耳弟自待頗不菲薄豈敢溺情聲色今聞△明訓從此琵琶門巷無弟
之蹤跡矣感謝之至）

▲如復勸戒酒。「寄跡至不言耳」改（雖非豪士頗類酒狂日與麴秀才作緣。頻至困殆今聞△箴言深悟其非雖未能擯諸門外而亦不敢泥飲間或友朋相聚藉以爲歡用副△雅意）

▲如此外有各種事故「然視至不言耳」刪去隨意添入

上本邑縣知事

敬肅者叨依

樾蔭時切葵傾徒殷御李之私未遂瞻

韓之願恭維

某某老公祖勛華彪炳

景福駢臻

琴鶴兩行

著清風於棠舍

圖書四壁。

馳雅望於花封。仰企

喬暉式符頌。憇治晚梓桑息影。樗櫟散材中。沚菁莪有懷樂育。滿城桃

李無地栽培。願同坐

洛水之春風。兼共沐

尼山之時雨。不勝翹盼惶悚之至。專此敬肅。敏請

鈞安伏惟

垂鑒。治晚。某某謹上

釋義

此校中致本邑縣知事之函也。無事不必與地方官往還。此函之意。因校中經費不支。乞助於知事。故不妨通函。或函中用治晚等下稱。某某學校治晚。某某等。則名爲公函。以其爲公家事也。函致本邑官長。詞宜莊重。用對偶爲得體。首

句言得其蔭庇兩木相交曰櫟。次句言其傾慕如葵之向日。御李事見後漢書。李膺聲名極盛。得御其車以爲榮。韓卽韓荊州也。勛華兩語言功之偉福之多。琴鶴事見宋史。趙抃帥蜀以一琴一鶴自隨。言其清廉也。棠舍見詩經召伯聽訟舍於甘棠之下。圖書四壁。言其別無長物。花封見晉書。潘岳爲河陽縣令。封內悉栽桃花。故稱知事之境內亦曰花封。企望也。裔暉豐采也。頌惄言心中所頌禱者。式符言與函中所稱相合。梓桑家鄉也。詩經維桑與梓必恭敬止。樗櫟不材之木。借以自謙無能。詩經菁菁者莪。在彼中沚。言樂育人材之意。今借以喻辦學校。唐詩滿城桃李屬春官。桃李指學生言。無地句言無款項也。春風時雨見前寄師函。

廣用

▲如曾見過。「徒殷至之願」改(幸遂瞻○韓彌殷御李)。

▲如上道尹「老公祖」改(觀察)「琴鶴至花封」改(○厚德鎮浮○叶

清風於鷺羽。○清標勵俗。○昭威望於豸章。)

▲如上財政廳長。「老公祖」改(廳長)「琴鶴至花封」改(○績奏會稽。

○蘇積歲凋瘦之境。○學優經濟。○展平生盤錯之才。)

▲如上政務廳長。「老公祖」改(廳長)「琴鶴至花封」改(○才氣無雙。

○作百僚之表率。○贊襄上座。○蘇千里之圻封。)

▲如上省長。「老公祖」改(省長)「琴鶴至花封」改(○棨戟生輝。同仰

○凌霄之雅望。○鼎彝紀績。大書。○匡國之奇猷。)

▲如上督軍。「老公祖」改(督軍)「琴鶴至花封」改(○威動風雷。○壁
壘煥龍蛇之色。○望隆鎖鑰。○戎旌靜刁斗之聲。)

▲如上師長旅長。「老公祖」改(師長旅長)「琴鶴至花封」改(○弢略傳
家。○蘊胸中之兵甲。○旂常載績。○靖閩外之烽煙。)

▲如上司法廳長。「老公祖」改(廳長)「琴鶴至花封」改(○雪到冤盈。

○肅一邦之法典○風清肺石○持三尺之平衡

▲如上警察廳長「老公祖」改（廳長）「琴鶴至花封」改（○德普闔閭

○釐奸則明窺銖兩○風清道路○馭黠則威震豺狸

▲如邀請來校「中沚至惶悚之至」改（歌中沚之菁莪植滿城之桃李謹於

某月日開紀念大會幸移○仙杖光賁賓筵佇望○鶴軒彌深鵠侍無任欣喜

盼切之至）

▲如或無事通候「中沚至惶悚之至」改（偶歌中沚之菁莪忝植滿城之桃李竊歎○鳴琴績奏○澤普千村益欽○製錦才優○恩垂四境）

▲如有別故邀請來校照上邀請來校函「開紀念大會」刪去隨事添入

▲如非學校照上無事通候函「偶歌至桃李」改（慚馬齒之徒增凜駒光之虛擲）

致本邑紳士

某某鄉老先生尊鑒。仰瞻

道範。非朝夕矣。亟欲一叩。

龍門而自慚。吳蒙輒趨趣不進。用特肅函上塵
清聽。幸恕冒昧。敬稟

神襟凝遠。

德宇淵闊。欽慕無既。晚息影蓬廬。無心問世。獨念教育關繫國家前途。

遂不自量。糾合同志。創立一校。顧蚊力負山。何能勝任。伏念

先生熱心社會。事事提倡。凡屬梓桑。久叨

嘆。蔭。况培植人材。尤國家之命脈乎。倘蒙

贊許。則一言重於九鼎。其

嘉惠寒畯。

德深江海矣。章程一紙。乞

察閱務

賜訓言不勝盼禱悚惶之至專肅敬敏

道安 鄉晚某某謹上

釋義

此創辦學校致本邑紳士之函也。紳士爲一鄉之望。凡爲公益事。苟仗其力較爲容易。故函中語意極爲推重。然不用對偶者。以究屬同鄉。不必過客套也。首兩語言思慕已久。亟欲一段言。不敢登門。所以函告道範。有道之模範也。後漢書登李膺之門者。人謂之登龍門。三國志呂蒙少失學。後發奮用功。吳主謂之曰。卿非復吳下阿蒙。故吳蒙謙言不學也。趨足不前之貌。塵汚瀆之意。敬稔兩語。美其胸襟氣宇之深遠。息影兩語。翻說無心世事。以喝起下文。文字較爲有力。蓬廬茅屋也。獨念一段。首言教育之重要。次言創設學校力量之不勝。莊子使蚊負山。言力小任重之意。伏念一段。先言社會尋常之事。無不提倡。家鄉子使蚊負山。言力小任重之意。伏念一段。先言社會尋常之事。無不提倡。家鄉

久受其恩惠下用況字拍到學校意蓋謂非尋常社會事應當提倡可不煩言此卽文字之賓主也上爲賓下爲主然伏根在教育關繫句宜細味之一言九鼎事見史記平原謂毛先生一言而使趙國重於九鼎言其有價值也

廣用

▲如曾見過「亟欲至不進」改（曩曾一識○荊州而雲泥分隔不敢輒瀆）

▲如賑濟勸募「獨念至勝任」改（惟是天災流行餓殍載道豈忍坐視遂糾集同志商定辦法各盡棉薄復廣爲勸募遍歷受災地方四處放賑顧杯水車薪何能濟事）「况培植至一紙」改（况嗷嗷哀鴻乎定能慨解○仁囊并希○代爲募集源源而來多多益善則○功德滂沱災黎永拜○仁人之賜矣勸募啓一紙）

▲如勸助幼稚園「獨念至一校」改（惟是教育基於蒙養關繫人材匪細用不敢辭勞糾合同志創一幼稚園）「况培植至寒畯」改（况蒙以養正尤

教育之基礎乎。倘荷○解囊資助敝校則○嘉惠童稚。

▲如本鄉事懇代表電政府「獨念至勝任」改（獨念本鄉某某一事關繫利害匪淺屢次開議畧有頭緒惟人微言輕必無效果）「況培植至一紙」改（況茲事體大尤爲重要乎。倘蒙○贊許代表全邑電達政府則一言重於九鼎定可挽回想○仁人必能體恤輿情也擬電一紙）

▲如電省長照上函「電達政府」改（電達省長）

▲如電督軍照代表電政府函「電達政府」改（電達督軍）

▲如維持公益事「獨念至勝任」改（獨於公益諸事必不肯稍卸仔肩顧自創辦某某以來於地方上頗受實惠而經費不支勢將中輟）「況培植至江海矣」改（某某一事固亦○仁人君子所贊許者務懇○鼎力設法維持）

▲如募校中特別費「倘蒙至寒畯」改（近已籌議建築校舍購辦儀器并一切需用傢具預算經費不敷甚鉅倘蒙○慨助巨金則○嘉惠藝林）

▲如募校中經常費「倘蒙至江海矣」改（敝校經營伊始事事節省規模初具已費不資同人之棉力盡矣而預算經常用度竟爾闕如已稟邑尊請撥公款小資補助此外不敷尙鉅分投勸募按年擔任想○大君子樂育爲懷必能慨解○義囊○嘉惠藝林也）

▲如請開義倉「獨念至勝任」改（獨是米價騰貴小民生計益艱苟非設法平糶市面必致恐慌）「況培植至察閱」改（況關係閭閻生命忍恝然置之乎吾鄉義倉專備荒歲發棠之請此其時矣務請與當道會商卽日開倉則○嘉惠窮黎○德深江海矣）

▲如論粥廠之弊「獨念至勝任」改（顧本鄉公益事則不敢推諉且必細查利害之所在以期補救卽如粥廠一事匀算地點分設若干廠斛米入鍋持籌發粥就表面言之有何弊竇一推究之而司事之暗運侵吞攬雜他物羸弱之擁擠不前飢餓踣道實惠所沾十不及五）「況培植至察閱」改（今方主持

廠事務祈澈底調查總使款不虛糜事歸實際則○嘉惠窮黎○德深江海矣。

▲如論平糶之弊「獨念至勝任」改（顧本鄉公益則不敢推諉且必細查利害之所在以期補救卽如平糶一事調查戶口分給票據似極妥貼一推究之而極貧小民未沾實惠殷實之家無恥者反遺傭人攘臂而前持票購米甚則身充調查員遍填親戚之名以市情誼豈不可歎）「况培植至察閱」改（此等弊端務望澈底調查則○嘉惠窮黎○德深江海矣）

致商界

某某先生執事久耳

盛名無由覲面敬想

興居納祐

籌算延釐無任欣慰。弟迂拙儒生虛拋歲月恨不從范少伯一讀計然

書遂至操奇計贏之術。懵無所知。伏念

執事乘時傑出。爲商界

泰斗。豈獨長袖善舞已哉。方今商戰之說。浸淫遍於海內。顧不能與各國角逐大市場者。病在見小利而無大學識。計個人而不知有團體也。商業之衰落原因。半由於此。尙望

宏才卓識。集合同志。補救挽回。商業前途。其庶幾乎。一得之見。高明以高明。以爲何如。幸有以

惠教之專肅敬頌

財社
弟
某某謹上

釋義

此學界致商界通用之函也。學界與商界本屬兩途。無通函之必要。而此特致一函者。必爲商界素有名望之人。或有求其補助校中經費之意。因於無事時

先通一函以爲後日預留地步故措詞極其謙抑全首皆從商業立論首兩語言久已聞名無從見面耳聞也覲見也敬想三語亦套話然持籌握算指商界言政界學界不可用弟迂拙一段自謙無商業知識范蠡字少伯計然蠡之師也范蠡嘗累致千金皆本其師之書事見史記操奇計贏言操奇術以計贏餘如白圭之人棄我取人取我與以獲厚利與今商業中囤積販賣相似伏念數語亦贊揚之詞也唐韓愈爲學界泰山北斗今借以稱商界之極有名望者史記長袖善舞以喻多財善賈之意豈獨云云申明上兩語意推崇可謂至矣方今一段泛論商界頗中弊病尙望數語仍說到其人言必設法補救商業庶可以振興通體無細微事實而前後皆成片段悟此則寫信不致枯窘矣

廣用

- ▲如曾見過「久耳至覲面」改（曩日趨叩○崇堦暢聆○教益欽佩莫名）
▲如勸設商業學校「尙望至庶幾乎」改（然其根本之病則在不學○宏才

卓識如○執事當早鑒及故鄙見謂當今急務莫如多立商業學校○執事何弗大發宏願集合同志先行創辦爲海內先謹擬定章程一紙呈○閱

▲如開夜班招生「虛拋歲月」改（寄身校務）「尙望至何如」改（然其根本之病則在失學敝校有鑒於此特開夜班招集商業青年每日兩小時課以各科學雖未必深造有得而獲益究竟匪淺○執事商店林立何妨悉令青年一臨敝校以平時空廢之時間移而研求學術其得失不待賢者而知章程呈○閱）

▲如募助校費「商業至何如」改（細究病根誤於失學故今日最要急務莫如學校不揣謬陋糾合同志創設某某一校迄今多年頗著成效頃以經費支絀勢將中輟因念○大君子救濟爲懷仁漿義粟普及窮黎况培植人材之大者乎伏懇○慨賜巨金維持敝校則不獨數百單寒得沾○大德亦商業前途之福也。）

▲如論投機事「商業之衰落至於此」改（於是無論何業皆有買空賣空名曰投機實同賭博小則傷名譽大則壞身家害人實匪淺少）

▲如論集合公司「商業之衰落至庶幾乎」改（故鄙見謂今日大勢非吸收小資本家集成大公司必不能存立於商界上譬諸製一物焉分工治之易而速一身兼之勞而寡效此事之至明白者卽小商店與公司之別也）

▲如勸設工廠「方今至何如」改（顧今日中國之弊在於工廠太少而游民太多以故宵小竊發閭閻不靖○執事大實業家不難鳩集同志開設工廠卽招集數百人然苟有以餉口而贍身家匪特安輯地方并多製國貨亦抵制輸入之一端使海內聞風踵起將見游民絕迹而國貨暢銷則皆○執事爲之先導有以致此實一舉而數美備焉）

▲如論貨物暢銷外國「病在至庶幾乎」改（以不悉外國人之性情嗜好也似宜糾合團體派人分至歐美諸國都會體察樣式種類繪圖郵寄照圖製造

則貨物之輸出暢銷自可操券)

▲如論抵制外貨輸入「方今至庶幾乎」改（顧今日商業之不發達不僅在不能輸出而在不能抵制輸入卽以布紙磁器言其供給全國之用者輸入之貨什百倍於本國所製造故研求實業者必探察國人之性情嗜好以爲製造之方針而後國貨可暢銷也）

▲如論商會「商業之衰落至庶幾乎」改（此商會之設所以祛前之弊病其用意爲至善惟今日之商會僅僅爲調停聯絡機關而發達營業之計畫未嘗與分同業相殘兩敗俱傷其病在不重視商會而商會之權力遂不足以指揮維持此商家之過非商會之過）

▲如論展覽會「方今至庶幾乎」改（方今商戰之世商業之盛衰視乎進步之遲速展覽會者國家所以促商業之進步者也貨物陳列良惡同見復以獎牌第其高下則惰者奮奮者愈奮而國貨漸次改良其法至爲善美）

▲如論廣告法「方今至庶幾乎」改「方今商戰益烈。不獨改良貨物爲無形競爭。即推廣銷路。其告白亦種種不同。必使此商標人人印入腦筋中。則銷路決不至於頓滯。此亦今日商界所宜研求者也。」

▲如此外有種種事故。「方今至何如」刪去。隨事皆可添入。

商界答

某某先生講席某日辱荷

教言開緘。伸紙雒誦。再三悚愧交并。卽諗

道履綏和。

絳帷康福。慰頌無量。弟碌碌庸材。濫竽商界。方以乘時逐利。塵容俗狀

見笑。

大方之家。而猥不鄙棄。

獎借逾分。何敢當。何敢當。伏念

先生樂育爲懷。凡屬青年一沾時雨之化。便成偉器。

教澤所布。馳聲遠邇矣。竊謂今日急務。莫如教育。卽商業衰落。亦根基於學術之不昌。苟得海內如

先生者數輩。婆心苦口。啟迪後生。則人才且蒸蒸日盛。市肆陋談。未知

有當

大雅否。肅復敬請

道安。弟某某謹上

釋義

此商界復學界通用之函也。此函語氣全與上函相應。首四語言接到來信。開緘卽拆封也。若明片用開緘字。便不通。雒誦見墨子言再三諷誦也。悚愧者因函中有推崇之言。卽諗兩語。凡爲敎習者皆可通用。碌碌一段。先自謙。次述不

敢當之意碌碌。凡庸貌濫竽言無其才而居其位事見韓非子齊宣王使吹竽必三百人。南郭先生請爲王吹竽。宣王悅之。廩食以數百人。宣王死。湣王立。好一一吹之處士逃。今言濫竽充數本此方以數句承上啟下用而字一轉言方以乘時求利容狀陋俗爲大方家所笑。而乃不以爲鄙而棄之。且稱揚過分實不敢當。此文章小小開合也。大方家見莊子猥有曲就意。伏念一段與前函相應。上函稱商界之泰斗。此稱其教育界之巨擘。彼此皆極意贊美。馳聲遠邇。言聲名馳於遠近也。竊謂數語針對上函方今一段說苟得數語與前尙望數語相應。凡作復函此爲正格。婆心慈悲心也。啟迪訓導也。市肆句言商家淺陋之談大雅博雅士也。

廣用

▲如復允設商業學校「苟得至大雅否」改（設立商業學校一事久抱此志而以創辦爲難今得○先生提倡深慰鄙願因招集同業出○尊定章程均表

贊同頃已籌得欵項務乞○惠臨面罄一切他日吾業中子弟稍有成就皆出
○大雅之賜也。)

▲如復不允設校「竊謂至大雅否」改（奉到章程一紙至爲完備欽佩無似
敝業中久抱此志以巨欵難籌遂寢其議孤負○先生一片婆心惶悚惶悚）

▲如復允入夜班「苟得至大雅否」改（故敝店學生頗欲令其畧具普通通知
識計共若干名遣赴○尊校既不虛擲寶貴之光陰而又得○先生循循善誘
誠一舉而兩得也。）

▲如復不允入夜班「竊謂至大雅否」改（奉到章程極爲美備誠如○尊諭
所謂以廢棄之時間移而研究學術○苦心孤詣欽佩無似惟敝店學生每晚
本在校中課讀決不令其虛拋寶貴之光陰也有孤○盛意惶恐惶恐。）

▲如復允助校費「苟得至大雅否」改（曩聞○先生與同志創設某校成績
昭著方深欽佩今乃以經費支絀中輒則前之一片婆心均化烏有豈不可惜。）

謹勉盡棉薄。并商諸同業。共集若干金。雖一掬之水。不足以潤江海。亦聊盡區區而已。」

▲如復不允助校費。「竊謂至大雅否」改（乃○貴校以費絀。不克支持。聞之曷勝扼腕。惟弟近以潮流所趨。商業停頓。金融奇絀。不能稍貢芹忱。尚望○大雅鑒諒爲幸。）

▲如復論投機事。「竊謂至大雅否」改（而又鑒及商界之弊。言言箴砭。足以藥投機。諸君顧不能絕跡於市上。且或轉盛者。以利令智昏。雖嚴禁亦末如之何也。敬聞○名論可勝慨歎。）

▲如復論集合公司。「伏念至不昌」改（伏念○先生學貫中西。并異日商界大勢之所趨。明如燭照。弟則謂西人託辣斯已有其前例矣。然公司之利益。固非小商店可比。而集合公司之人才。則必出於教育。）

▲如復允設工廠。「竊謂至大雅否」改（竊謂今日教育。固宜注重工廠。尤不

可緩失業之人隨處夥聚而一切貨物均仰資於他國言之痛心平生誓發宏願多設工廠頃已糾集同志畧具規模然此特其濫觴耳容特馳○聞藉副○雅意）

▲如復不允設工廠「竊謂至大雅否」改（竊謂今日教育固宜注重工廠尤不可緩失業之人隨處夥聚而一切貨物均仰資於他國言之痛心惜乎有此宏願而竟無此財力不足仰副○雅意歉甚）

▲如復論貨物暢銷外國「竊謂至大雅否」改（顧又留心商務憫輸出之不多爲之設法規畫盡善敬佩○高誼永矢弗諼惟是吾國商界團體不堅建是議者頗不乏人而卒中止不行以考察無巨資故也惜小費而遺大利言之可勝浩歎）

▲如復論抵制外貨輸入「竊謂至大雅否」改（顧又留心商務以爲抵制輸入必須國貨改良此根本之言也敬佩敬佩惟是吾國製造家凡所出貨物往

往牢守舊習近雖大勢所趨漸知改變然欲與輸入之貨爭美或并駕而上之恐爲時尚早也奈何奈何（）

▲如復論商會「竊謂至大雅否」改（顧又篤念商人憫其失學謂商會之設爲發達營業之計畫而遂成畫餅敬佩○高論并廣爲宣布以當我商界晨鐘暮鼓也）

▲如復論展覽會「竊謂至大雅否」改（顧又熱心商界詳述展覽會之利益○

○崇論卓識敬佩弗諉）

▲如復論廣告法「竊謂至大雅否」改（顧以商人闇於學識承○示廣告方法以爲發達營業之一助○隆情厚誼實深感佩此事近漸發明業已從事研究他日銷路大暢皆○先生賜也）

▲如此外有種種事故「竊謂至大雅否」刪去隨事皆可添入

尺牘釋例卷四終

尺牘釋例 卷五

賀壽男女戚友并各界均可
通用變換法見廣用均可

桂冉駒光挹

清暉而馳慕。逖聽。

鵠報欣吉語之遙傳。敬詒。

某某先生。瑞靄門楣。

祥凝壽寓。

張玳筵於蘭榭。培前獻。

東海之棗梨。

檢寶籙於蓬萊。席上頌。

南山之松柏。

賀壽

鶴齡算永。鳩祝歡臚。弟跡阻河山。情深江樹。緬想萊衣之舞。簫管沸騰。遙添

海屋之籌。雲霞輝映。聊具微禮。藉伴蕪函。伏乞

哂存無任翹企。專肅奉布。敬請

台安并賀

弟某某鞠躬

釋義

此通用賀壽之函也。無論親戚朋舊。以及商界學界政界軍界。與五六十
十。以至百歲。苟有子者。無不可以通用。惟女子則須稍爲變換法。見廣用。然究
竟太泛。廣用下復臚列各類。較爲貼切。賀壽無非祝頌之詞。用對偶似稍得體。
首兩語光陰易過。時時思慕之意。下兩語即引起祝壽。以下通體皆本此立言。
鵠報喜鳥也。吉語吉祥之言。敬謗兩語言其壽誕瑞氣滿門。張玳兩語言開壽

筵張開也。肴饌之精者曰玳瑁。筵蘭榭猶言芝蘭之室。仙人安期生住東海。有棗梨如瓜大。檢寶兩語賓客祝頌意。寶錄仙籍也。蓬萊仙山也。詩經如南山之壽。如松柏之茂。言壽長身健。上聯堵前指子姪。故稱獻獻果物也。下聯席上指賓客。故稱頌頌嘏詞也。鶴壽最長。借以喻之。算數也。鳩不噎之鳥。因以祝之。弟兩語言在他鄉。不能來賀。緬想兩語言。遠想子舞於堂上。樂作於庭中。熱鬧可知。老萊子極孝。著綵衣而舞。萊衣本此。遙添兩語。亦祝壽之詞。昔有老人。每見滄海變桑田。則屋中添一籌。故添籌喻壽之長也。此函全屬客套。故措詞雖極整齊。其實皆敷衍耳。然應酬場中。實不可少者也。

廣用

▲如父壽「荏苒至門楣」改(○○某某先生侍福久隔○鴻儀系懷方切。俄聽○鵠報吉語遙傳欣諗○○老母大人七八旬榮慶○瑞靄門楣)

▲如妻壽「荏苒至壽寓」改(○○某某先生尊鑒仰企○芝暉時殷葭溯聽

○鵠聲之譽報欣○鴻案之相莊敬悉某月某日爲○○嫂夫人設帨良辰遙想○慶篤齊眉○歡承繞膝。)

▲如父母雙壽「荏苒至壽寓」改(○○某某先生倚福遠違○芝采時切葵傾聽○鵠報之遙傳撫蟻忱而滋慕敬諗○○老伯暨幾旬雙壽遙想○蘭桂承芬○椿萱益茂。)

▲如夫妻雙壽「敬諗至壽寓」改(藉悉○○某某先生暨○○尊夫人幾旬雙壽慶衍齊眉○歡承繞膝。)

▲如祖父母雙壽「荏苒至門楣」改(○○某某先生閣下遠隔○櫛暉時殷葵嚮撫蟻衷而滋慕聽○鵠報之遙傳欣諗○○太老伯暨幾旬榮壽瑞靄重闢。)

▲如五十歲「張玳至松柏」改(○學易則年華假我○大衍方占○稱觴而麗澤來賓○純禧永錫。)

▲如六十歲「張玳至松柏」改（○年逢賜杖○欣○弧矢之延釐○詩頌如松
張○瓊筵以篤慶）

▲如七十歲「張玳至松柏」改（○檢蓬萊之寶鑑○德邵古稀○張玳瑁之
芳筵○福膺繁祉）

▲如八十歲「張玳至松柏」改（○筵開北海○堦前羅曼倩之蟠桃○頌晉
南山○渭上叶子牙之彪夢）

▲如九十歲「張玳至松柏」改（○值伏生授書之歲堦前獻○東海棗梨○
符太公佐武之年席上頌○南山松柏）

▲如百歲「張玳至松柏」改（○竹苞松茂已度○期頤三萬六千之韶光○
日升月恆更祝○崆峒一千二百之眉壽）

▲如在春天「堦前至松柏」改（○春生曼倩之桃○檢寶鑑於蓬萊○天錫
安期之棗）

▲如在夏天「堦前至松柏」改(○曲奏南薰○檢寶錄於蓬萊○星輝北斗)
▲如在秋天「堦前至松柏」改(○銀漢延秋○檢寶錄於蓬萊○金盤賜露)
▲如在冬天「堦前至松柏」改(○欣歌難老之詩○檢寶錄於蓬萊○喜值
小陽之候)

▲如政界「祥凝至松柏」改(○祥凝壽寓共祝○萬家生佛黎民張○玳瑁
之筵行看○一路福星紳士致○岡陵之頌)

▲如軍界「張玳至松柏」改(○北門坐鎮○節樓靜刁斗之聲○南極增華
○寶錄注松喬之壽)

▲如學界「張玳至松柏」改(○播菁莪之雅化○桃李成陰○歌松柏之長
春○萊臺進頌)

▲如商界「張玳至松柏」改(○胸熟范蠡之祕策○操奇計贏○口啖方朔
之仙桃○長生不老)

▲如專祝女壽。「荏苒至江樹」改(敬肅者頒到○赤柬敬諭某月某日爲○

○伯世太伯母

大人設帨吉辰

遙想○瑞靄門楣○輝騰寶婺○姑射飲神人之露。

○標氣象於山河○瑤池擎曼倩之桃○頽升恆於日月○鶴齡算永鳩祝歡
臚某駒隙虛過亮趨莫遂)

賀娶媳

妻妻孫媳姪媳續娶嫁女嫁孫女嫁姪女嫁妹銀

生并屋落成遷居年節皆通用變換法見廣用

某某先生足下自遠

籤閣遠隔河山雖鯉素之時通少抒蟻悃而

鵠音之吉報竟阻鷗程敬諭某月某日爲

某姻兄合巹之喜遙想

祥開鱗定

慶衍螽斯

賀娶媳

七

歌南國之風詩。

如琴如瑟。

紹東萊之著作。

肯構肯堂。引企。

德門式符。朴頌。弟鳧趨莫遂。燕賀情殷。喜今宵戶燦二星。織錦有同心之樂。卜來歲爻占一索。

含飴添繞膝之歡。微物數端。用介尺牘。伏希

哂納。藉表鄙忱。專肅奉賀。敬請

台安並頌。

世兄嘉禮。

弟某某鞠躬

釋義

此賀娶媳通用之函也。無論親戚朋舊、政界學界、軍界商界，苟通函問者，皆可

直錄不必增損一字。首兩句言別籤閣家中辦事之所也。次四語以雖字開而字轉，名曰流水對。言雖時時通函，少慰相思。而喜事竟以路阻，對偶函中用此等句法，可免板滯之病。下則說明娶媳合巹見禮記，卽俗所謂吃團圓飯也。詩經麟之定詠公子之仁，螽斯羽美子孫之多，故用開字衍字，以爲頌詞。周南國風第一篇曰關雎，言文王娶太姒之事。末章曰窈窕淑女，琴瑟友之。此歌南國兩語所本也。宋呂東萊娶妻後，作博議一書，至今行世。構堂見書經，謂賢父子倘無此語，與娶妻混，此紹東萊兩語所本也。弟兩語謂路遠不能來賀，下四語先言當時子媳之和睦，次言友人抱孫之樂。詩經三星在戶，言婚姻之及時，燦光采動目貌易經，一索而得長男，頌其婚後有子。後漢書馬太后曰：吾但當含飴弄孫，不能復關政矣。故含飴指孫言，此函通體全爲應酬頌揚語。而前後亦頗有次序，倘能熟玩，并細看下，廣用各種變換法，則異日寫應酬函牘，決無枯窘之慮矣。

廣用

▲如久不通函。「雖鯉至鷗程」改（雖鯉簡罕通而○鵠音來報）

▲如娶妻。「某某先生足下」刪去。「某姻兄」改（○○某某先生）「如琴至肯堂」改（○瑟琴留韻○寫東萊之箸述○筆墨生香）「織錦至之歡」改（輝映屏間之孔雀卜來歲爻占一索欣看○池上之鳳毛）「並頌世兄嘉禮」刪去。

▲如娶孫媳。「某姻兄」改（○孫世兄）「如琴至肯堂」改（○好逑嘉耦○寫東萊之箸作○秉訓重闡）「喜今宵至之歡」改（遙知綰帶同心今夕見三星燐戶回想○含飴繞膝來年又一索占爻）「並頌至嘉禮」改（并頌○潭福）

▲如娶姪媳。「某姻兄」改（令姪某姻兄）「祥開至肯堂」改（○芝蘭擢秀○芥菜興歌○蘭帖成名○逸少擅東牀之選○竹林濟美○仲容稱北道

之賢。」「織錦至之歡」改（嘉耦協雎鳩之樂。卜來歲爻占一索奇徵來○玉燕之祥。）「世兄嘉禮」改（○某某姻兄嘉禮。）

▲如續娶。「某某先生足下」刪去。「爲某至之喜」改（○○某某先生續鸞膠之喜。）「祥開至德門」改（○鯤絃重譜○鳳卜新諧○鴻案相莊○碧落訂三生之約○雀屏再中○赤繩綿百歲之緣引企○喬暉）「織錦至之歡」改（鴛鴦餚夢卜來歲爻占一索○鸞鷟呈祥。）「並頌至嘉禮」刪去。
▲如娶妻。「某某先生足下」刪去。「某月至之喜」改（○○某某先生納寵之喜。）「祥開至抒頌」改（○歡騰璇室○春煖蘭闈○桃葉初迎○伴琴書以偕老○荔枝側挺○承堂構之貽謀載詠○小星式符私頌。）「亮趨至之歡」改（閒情無賦嫁綫徒勞遙知喜抱鴛衾定有催妝之句從此○香凝燕寢應傳○得寶之歌。）「並頌至嘉禮」刪去。

▲如嫁女。「某姻兄至之喜」改（○令媛于歸之喜。）「祥開至肯堂」改（

○祥凝璇室○喜溢蘭闈○爲韓姞之相攸○旗章爭煥○得伯高之快壻○冰玉同清○「喜今宵至之歡」改（省識雀屏中選增喜氣於門楣懸知鴻案相莊○四才名於柳絮）「並頌至嘉禮」刪去

▲如嫁孫女「某_姻兄至之喜」改（○令孫女迨吉之期）「祥開至肯堂」改（○祥凝璇室○喜溢蘭闈○將百兩之車○卜和鳴於鳳侶○篤重闡之慶○中妙選於雀屏）「喜今宵至之歡」改（柳絮吟成疾和催妝之句兼葭可倚來瞻○太嶽之尊）「並頌至嘉禮」刪去

▲如嫁姪女「某_姻兄至之喜」改（○令姪女于歸之喜）「祥開至肯堂」改（○祥凝璇室○喜溢蘭闈○良緣締王謝之姻○才高柳絮○好逑遂室家之樂○詩賦桃華）「喜今宵至之歡」改（知今宵翠幙五絲同入鴛鴦之夢想當日○白圭三復欣張○孔雀之屏）「並頌至嘉禮」刪去

▲如嫁妹「某_姻兄至之喜」改（○令妹于歸之喜）「祥開至肯堂」改（

○祥凝璇室○喜溢蘭闈○左鮑多才○碧落會雙紗之侶○潘楊締好○赤繩綿百歲之緣)「喜今宵至之歡」改(遙知戶燦三星詩有宜家之頌卽卜爻占一索易先○歸妹之辭)「並頌至嘉禮」刪去。

▲如銀婚「某某先生足下」刪去「爲某姻兄至之喜」改(○○某某先生暨○○尊夫人舉行銀婚禮式)「祥開至肯堂」改(○祥凝璇室○喜溢蘭闈○同心共璧鸞牋○倡和玉臺之麗句○回首初諧鴛牒○逍遙錦瑟之華年)「喜今宵至之歡」改(遙知鶼鷺情深依舊懷明星之爛最是○芝秀挺崢嶸逾弱冠之年)「並頌至嘉禮」刪去。

▲如金婚「某姻兄至之喜」改(○老伯母舉行金婚大禮)「祥開至肯堂」改(○祥凝璇室○喜溢蘭闈回看○繞膝萊衣○近屆杖家之日正值○齊眉梁案○重開花燭之筵)「喜今宵至之歡」改(佳話流傳更甚○黃金之貴舊縞重結彌敦白首之情)「並頌至嘉禮」刪去。

▲如鑽石婚。「某姻兄至之喜」改（○太老伯暨母舉行鑽石婚大禮）「祥開至肯堂」改（○祥迎璇室○慶衍瓊闈迄今○重畫蛾眉○壬林有錫回念○初諾鴛牒○花甲已周）「喜今宵至之歡」改（梁案相莊挂枝愈見同心之樂。萊衣翩舞○含飴更多繞膝之歡）「並頌至嘉禮」刪去。

▲如男女畢業結婚。「某姻兄至之喜」改（○某姻兄與某某女公子舉行婚禮）「祥開至抒頌」改（○畢業歸來結縭伊始以○畫眉之才子偶○不櫛之書生○婚書與校證同輝○彩筆照香匱生色引瞻○盛典式洽頌誠）「織錦至之歡」改（鴛鴦酣夢卜來歲爻占一索○鴛鴦呈祥）

▲如生女。「某某先生足下」刪去。「某月至之喜」改（○○某某先生弄瓦之慶。「祥開至肯堂」改（○蘭閨篤祜○璇室延釐○珠捧掌中○燕雀入家。人之夢○帨懸門左○蛇虺徵女子之祥）「喜今宵至之歡」改（今朝湯餅開筵會嘉賓以進爵他日○門楣有喜看快婿之乘龍）「並頌至嘉禮」刪去。

▲如生子。「某某先生足下」刪去。「某月至之喜」改(○○某某先生弄璋之慶)。「歌南國至肯堂」改(○一索爻成同泰○渥洼之神駿○九苞羽煥爭看○丹穴之長雛)。「喜今宵至之歡」改(今宵北海開樽應念伊人於遠道他日西窗翦燭當試○英物之啼聲)。「並頌至嘉禮」刪去。

▲如生孫。「某某先生足下」刪去。「某月至之喜」改(○○某某先生抱孫之慶)。「慶衍至肯堂」改(○慶衍龍孫○奕葉重光○桂室叶熊羆之夢○桐枝啟秀○蘭房呈鸞鷺之祥)。「喜今宵至之歡」改(方欣燕翼貽謀既式穀之有子益姜○象賢繼起復含飴而弄孫)。「並頌至嘉禮」改(並賀○世兄麟喜)

▲如生曾孫。「某月至之喜」改(○孫世兄弄璋之喜)。「祥開至肯堂」改(○釐延世胄○慶篤曾孫○集四世於同堂○喜看重秀○萃一門之五福○快覩新枝)。「喜今宵至之歡」改(今朝賓客喧闐開歡筵於湯餅他日

雲仍繼續充○喜氣於門閨）「並頌至嘉禮」改（並頌○潭禧）

▲如雙生「某某先生足下」刪去「某月至之喜」改（○○某某先生孿生之喜）「祥開至肯堂」改（○四乳叶吉○八士徵祥○玉刻雙璋喜○瑤環之並秀○錦挑對祿看○弧矢之交輝）「喜今宵至之歡」改（敢以易安駢儻之辭聊充林甫饗書之賀○筵開湯餅○喜溢門閨）「並頌至嘉禮」改（并頌○潭禧）

▲如新屋落成「某某先生足下」刪去「某月至之喜」改（○○某某先生華屋落成之喜）「祥開至肯堂」改（○門楣煥彩○壇爽延釐○松茂竹苞○有花木清妍之致○翬飛鳥革○騰樓屋金碧之暉）「喜今宵至之歡」改（方欣堂構之相承爰居其所竊比○奐輪之美禱聚族而歌）

▲如遷居「某某先生足下」刪去「某月至之喜」改（○○某某先生喬遷之喜）「祥開至肯堂」改（○門楣煥彩○壇爽延釐○少陵之屋灑東西○

○儘許鋤雲犁月。○子美之鄰錢千萬。○賒來明月清風。」「喜今宵至之歡
」改（自慚蠅角幽栖。尙隔桃源之路。倘或羲舟遠訪。當游○韋曲之莊。）

▲如賀年「某某先生至肯堂」改（驛傳春信鶯囀新聲。望○梅閣之迢遙。益
葵忱之傾嚮。敬維○○某某先生履端篤祐○首祚凝釐○鳳歷初更○旭日
絢五雲之彩○兕觥同薦○東風噓萬象之暉。」「喜今宵至鄙忱」改（自
知馬齒徒增愧。椒觴之送暖。行見○鵬搏直上占○芸閣之迎祥。）「並頌至
嘉禮」改（並頌○潭禧。）

賀開張

各業通用
換法見廣用變

某某先生左右夙仰

槃才。體私念切。辱頒

華柬。雀躍情殷。欣誌月之某日

貴寶號開張之喜。敬維

釐延闡闔。

慶溢市塵。

師祕術於計然。

默運五都之貨。

匹大名於猗頓。

儼同千戶之侯。翹企。

喬暉式符頌愴。弟居諸虛擲。籌算無能。占市利於巽。詞神馳燕。賀操奇
贏而鼎盛。

大啟鴻規。謹奉幃聯。藉仲鄙意。伏希

哂納。無任光榮。敬頌

籌安並賀。

開張大吉。

弟
某某鞠躬

釋義

此賀開張通用之函也。無論店鋪行機是何行業。卽賀者亦無論商界、學界、政界、軍界、照函直寫。均未嘗不可。惟究屬太泛。故廣用下復於各業切定數語。以便變換較爲妥貼。函賀無非恭維之言。故用對偶爲得體。首兩句言思慕榮才大才也。謹私卽謹慕事見莊子次兩語言得信後之樂華東卽開張之請帖。雀躍如雀之快樂也。敬維兩語。商界通用之頌詞。闔閭市肆通稱與市塵義同。中四語頌其商業之發達。范蠡師計然以致富。五都見漢書。皆屯積貨物之大都會。猗頓以商販致富。凡大商富賈其氣象與千戶侯等說詳史記。貨殖傳。弟兩語自謙之詞。持籌握算商人之專門。此云無能。謂爲謙詞可也。卽借以通用。學政軍各界致賀之詞亦可也。占市利句易經巽卦爻象爲利市三倍。大啟句甚言其發達也。通體泛言商界。故均可通用。然必貨物交易。若旅館、酒店、菜館、錢鋪、銀行似亦未必盡可用也。均宜注意。

廣用

- ▲如銀行「貴寶號至之喜」改（○貴銀行開幕之喜）「師祕術至之侯」改（○利溥金融○隻手握五都之貨○才優經濟○一身平三賈之財）
- ▲如票號「開張之喜」改（開市大喜）「師祕術至之侯」改（○經濟才優○振中華之實業○金融利溥○懷山陝之成規）
- ▲如錢莊「開張之喜」改（開市吉期）「師祕術至之侯」改（○利擅金融○師周易與求之象○書成貨殖○陋范蠡什一之謀）
- ▲如典當「師祕術至之侯」改（○惠濟單寒○霑深恩於挾纊○利權子母○分闡澤於同袍）
- ▲如衣莊「師祕術至之侯」改（竊看○聯袂偕來○煥文明於繡市○最是○裁縫合度○欣衣被夫蒼生）
- ▲如綢緞店「師祕術至之侯」改（○藻繪文明○豔比七襄之組織○樣翻錦

繡○染成五色之斑爛

▲如織布廠「貴寶號至之喜」改(○貴廠開工之喜)「師祕術至之侯」改
(○杜中國之漏卮○敦崇本業○裕斯民之生計○獎勵女工)

▲如織呢廠「貴寶號至之喜」改(○貴廠開工之喜)「師祕術至之侯」改
(○開闢利源○毛採駝羊於北地○振興實業○名行領袖於東方)

▲如製革廠「貴寶號至之喜」改(○貴廠開工之喜)「師祕術至之侯」改
(○取北地之革皮○仿西人之製造○振興實業暗杜漏卮○開闢利源宏
裕生計)

▲如縗絲廠「貴寶號至之喜」改(○貴廠開工之喜)「釐延至之俟」改
(○經綸展布○業務鼎新○抽來乙乙之絲知○利源之不竭○理去庚庚
之緒欣○組織之有方)

▲如肥皂廠「貴寶號至之喜」改(○貴廠開工之喜)「師祕術至之侯」

改(○資功用於衛生○滌汚蕩垢○挽利權於實業○配合化分)

▲如火柴廠「貴寶號至之喜」改(○貴廠開工之喜)「師祕術至之侯」改(行看○物質文明○化神奇於朽腐從此○經營進步○規遠大於纖微)

▲如棉花行「貴寶號」改(○貴行)「師祕術至之侯」改(○輸來吉貝之花○蒼生衣被○操得奇贏之術○紅利豐盈)「操奇贏而鼎盛」改(展

長才於貨殖)

▲如布莊「釐延至之侯」改(○興居迪吉○籌祉增綏○利溥懋遷○闢生涯於闔閨○才長貨殖○資衣被於閭閻)

▲如米店「貴寶號」改(○貴_行號)「師祕術至之侯」改(○轉輸盡輓粟之勞○倉無紅朽○平準寓唱籌之法○家有素封)

▲如木行「貴寶號」改(○貴行)「師祕術至之侯」改(○資妙選於工師○儲材待用○盡歡顏於廣廈○度木有方)

▲如林業公司「貴寶號」改（○貴公司）「師祕術至之侯」改（○三寶通商○記梗柟於貨殖○十年樹木○得楨幹之良材）

▲如茶鋪「貴寶號至之喜」改（○貴鋪_機開市大喜）「師祕術至之侯」改（

○鳳餅龍團身價特高於異域○雲腴霞腳品題早著於陽坡尤稱焙製得宜

○識高盧陸想見經營進步○術擅陶朱）

▲如藥房「釐延至之侯」改（○救世爲懷○活人有術○研精化學鎔歐亞於一爐○配製丹方陋神仙之九鼎○存心利濟○造福無涯）

▲如藥店「師祕術至之侯」改（○靜鍊神丹○鼎內有長生之藥○廣搜芝草○壺中留永命之方）

▲如書局「釐延至之侯」改（○書城坐鎮○藝苑叢英○搜羅一代奇編藏書淵萃○嘉惠四方後學○出版風行○紙貴洛陽○名馳海內）「籌算至鴻規」改（學術荒蕪今朝羈旅興懷未及訪名山於宛委此後文明輸灌當

同登○福地之鄉娘○

▲如報館「貴寶號」改（○貴報館）「師祕術至之俟」改（○發爲言論自由則○萬言日試可當毛瑟之萬枝○導以文明進步則○一紙風行可範羣治於一軌）「籌算至鴻規」改（識見粗疏顧獨謂報界天職以筆伐口誅爲春秋之褒貶以國利民福爲政治之先驅○諸君聞之得無葫蘆乎）

▲如銀樓「師祕術至之俟」改（○入治祥金○奇術擅天工之巧○翻花時樣○新妝添女士之歡）

▲如靴鞋店「釐延至之俟」改（○寶纂納吉○福履延綏○遇赤子而無欺○價原不貳○喜青雲之平步○彩自成雙）

▲如帽子店「師祕術至之俟」改（○遠近偕來○盡是彈冠之客○交易以禮○爭修脫帽之儀）

▲如香粉店「師祕術至之俟」改（○龍腦吐芬○恍入芝蘭之室○蛾眉逐

隊○爭聯粉黛之緣)

▲如珠寶店「師祕術至之侯」改(○奇寶同珍○室有連城之巨璧○重洋爭購○家藏一斛之明珠)

▲如古董店「師祕術至之侯」改(○臚陳今古奇珍○供才人之欣賞○蒐集漢唐名迹○來異域之搜求)

▲如牋扇店「師祕術至之侯」改(○結文士之因緣○扇裁齊素○重藝林之聲價○紙貴洛陽)

▲如紙店「師祕術至之侯」改(○追蹤蔡倫之成規○洛陽價重○方駕薛濤之妙品○藝苑馳名)

▲如大餐館「貴寶號」改(○貴館)「師祕術至之侯」改(○品重西歐○恍啖瑤池之饌○樽開北海○爭傳異國之珍)

▲如酒館「貴寶號」改(○貴館)「師祕術至之侯」改(○宏開北海之

樽行見○座中客滿○羅列東厨之饌爭稱○醉裏天寬○

▲如旅館「貴賓號」改(○貴旅館)「師祕術至之侯」改(○賓至如歸)

○翦燭話西窗舊雨○客來不速○投車問東道主人)

▲如醬園「師祕術至之侯」改(○煮水爲鹽○握府海官山之利○濾豉作
醬○佐金齧玉膾之鮮)

▲如南北貨店「師祕術至之侯」改(○萃山珍海錯之奇○志成食貨○辨
北斗南箕之好○業重懋遷)

▲如洋廣貨店「釐延至之侯」改(○名馳中外○品列東西○實業懋遷○
挾美雨歐風而並至○通商互市○看梯山航海而偕來)

謝賀壽凡男女親戚朋舊以及婚嫁生子女暨孫曾
孫并各業開張皆可通用變換法見廣用

蒹葭道阻欣

鯉簡之遙頌

筐篚情深。益蠟忱之銘篆。敬維

某某先生。禔躬篤祐。

福履延釐。

鼎貺榮施。對賓客而

驚加華袞。

儀型在望。瞻

雲天而報乏。瓊琚飲

德滋慚撫懷增感。

弟鬚眉徒負蒲柳先零。自憐駒隙虛拋。用特蛩鳴誌

謝覩此

駢蕃之錫彌殷

鵠侍之心專肅復謝。敬請

台安。惟希

惠照不悞。弟某某鞠躬謹復

釋義

此謝壽通用之函也。無論親戚朋舊商界學界政界軍界苟壽翁自作復函無不可照函直鈔。此函通體從送禮致賀發明道謝之意故苟將鬚眉至虛拋刪去稍稍變換則凡遠道送賀禮者無論何事皆可用此函道謝法見廣用下首兩語言遠道來函詩經蒹葭蒼蒼道阻且長鯉簡函也文選遺我雙鯉魚中有尺素書知此可悟以意運典之法次兩語言送來禮物極爲感激筐篚竹器古入盛物以送禮故借以用之銘篆卽感激之意禔躬兩語普通頌詞鼎貺兩語極言其寵榮鼎盛也貺賜也意蓋謂盛賜頒來適賓客滿堂有如華袞之榮華袞古時貴者之服也儀型兩語言惜乎道路遠隔不能稍稍酬報儀型與道範意同瓊琚玉名詩經投我以木瓜報之以瓊琚語意本此飲德受惠之意鬚眉數語因壽發生自謙之詞也鬚眉男子之通稱徒負者猶言不成丈夫也蒲柳

之姿望秋先零謙身體之早衰蛩鳴喻謝詞如蟲之鳴而已覩此兩語又說到禮物言見所送物愈增想念之情矣此等函均無深意全以措詞工穩爲貴本書中亦止有數函以示一斑然苟將廣用中變換法細細研求不難舉一反三廣用

▲如謝父壽「敬維至榮施」改（猥蒙○○某某先生於某月某日、家嚴幾十壽辰在遠不遺辱承○盛禮伏念○鼎貺榮施）「鬚眉至虛拋」改（職虧梓舍蔭託椿萱堵差欣鶴算長添）

▲如謝父雙壽「敬維至延釐」改（辱蒙○○某某先生以、家嚴幾十雙壽渥承○厚禮伏念）「鬚眉至虛拋」改（職慚斑彩蔭託椿萱差欣鶴算長綿）

▲如謝妻壽「敬維至延釐」改（辱蒙○○某某先生以拙荆賤辰遠遺○厚禮竊喜）「鬚眉至誌謝」改（雞鳴有警駒隙虛拋媿挽鹿車早添鶴髮）

▲如謝夫婦雙壽「敬維至延釐」改（猥蒙○○某某先生以賤齒與拙荆初度渥承○厚禮竊喜）「早添鶴髮」改（同添鶴髮）

▲如謝祖母壽并雙壽「敬維至延釐」改（猥蒙○○某某先生以家祖慈嚴幾十雙壽誕渥承○厚禮竊喜）「鬚眉至誌謝」改（忝同舞綵陪侍重闈方欣杖履相隨竟而葑菲不棄）

▲如六十以下原函可用

▲如七十以上「鬚眉至先零」改（龍鍾已甚鳩杖時依）

▲如謝娶媳女「敬維至延釐」改（猥蒙○○某某先生以小兒授室歸某郡○隆

儀下逮遂覺）「鬚眉至先零」改（擬了向平之願漸籌陸賈之金）

▲如謝娶妻「鬚眉至虛拋」改（筆賒京兆才乏東萊恰當鳳卜初諧）

▲如謝續娶「鬚眉至虛拋」改（鯤絃甫續鴛夢又尋自憐鳳卜重諧）

▲如謝娶妾「鬚眉至虛拋」改（小星初嚙大婦能歡但求熊夢有徵）

▲如謝娶姪媳「敬維至延釐」改（猥承○○某某先生以小孫女舍姪授室○隆儀下逮遂覺）

▲如謝嫁孫女「敬維至延釐」改（猥承○○某某先生以舍姪女于歸某郡）

○隆儀下逮遂覺）

▲如謝金石「敬維至延釐」改（猥承○○某某先生以愚夫婦重筵花燭

○隆儀下逮遂覺）「鬚眉至先零」改（齊眉偕老扶杖相依）

▲如謝畢業結婚「敬維至延釐」改（猥承○○某某先生以某日結婚某處○

○隆儀下逮遂覺）「鬚眉至先零」改（夫婦才無片技縷結同心）

▲如謝生女「敬維至延釐」改（伏念○○某某先生猥以新獲一女遠承○

隆儀下逮遂覺）「鬚眉至虛拋」改（一珠入握片帨懸門居然蛇夢有徵）

▲如謝生子「敬維至延釐」改（伏念○○某某先生猥以新獲一雄遠承○隆儀下逮遂覺）「鬚眉至虛拋」改（材同樗櫟產靈芝差欣熊夢有徵）

▲如謝生孫「敬維至延釐」改（伏念○○某某先生猥以新獲孫兒遠承○隆儀下逮遂覺）「鬚眉至先零」改（但得含飴尋樂何妨扶杖消閒）

▲如謝生曾孫「敬維至延釐」改（猥承○○某某仁兄以新得曾孫遠荷○隆儀下逮遂覺）「鬚眉至先零」改（門羅四世日度殘年）

▲如謝雙生「敬維至延釐」改（猥承○○某某先生以學生兩兒遠荷○隆儀下逮遂覺）「鬚眉至虛拋」改（居然一索幸獲雙丁差欣熊夢有徵）
▲如謝新屋落成「鬚眉至虛拋」改（一生辛苦半畝經營居然燕壘初成）
▲如謝遷居「鬚眉至先零」改（鳩巢重借燕壘新移）

▲如復賀年「蒹葭至銘篆」改（春生鳳籥寵荷○鱗書承○藻飾之過情撫蓬衷而滋愧）「鼎貺至不餒」改（○寅斗初回○竹爆迓慈祥之淑氣○辛盤同薦○蘭堦延藹吉之太和翹企○喬暉式如私祝弟居諸虛擲節序頻更自憐馬齒徒增竟回溫於黍谷遙憶○兕觥同舉願晉頌於椒香專此肅復

敬賀○年禧并頌○春祺百福)

▲如謝賀開張「鬚眉至先零」改(才疏籌算術乏計桑)

謝賀壽

1111

尺牘釋例 卷五

三四

尺牘釋例卷五終

尺牘釋例 卷六

唁父喪祖父母兄弟姊妹妻妾子女
母喪孫皆可通用變換法見廣用

某某仁兄禮次關河間阻正念故人忽

素簡傳來驚悉

老伯大人遽歸道山彌深感悼素誌

伯母錦堂棄養而傷懷覩

仁兄誼篤天親孝行夙著當此乍膺大故撫

遺容而零涕至性所發必有萬難已者顧念

老伯大人懿行嘉言鄉里矜式况又生盡其歡沒盡其禮於子職無少欠

缺者乎亦可稍釋

皋魚之痛矣弟辱叨至愛不敢以浮詞相慰惟望

唁父母喪

順變節哀。仰體。

先人遺意。盡人子繼善之道。是所至禱。謹具楮儀代薦。
靈帷藉伸。叩奠肅泐。布唁並候。

素履統惟

垂鑒弟某某謹啓

釋義

此唁人喪父通用之函也。凡作弔唁函通體不可用一祝頌語。蓋遭死喪之戚。方撫膺悲痛之時。此函先言極應傷痛。次言死者毫無遺憾。末言不可過哀。以繼善爲要。逐層說來。實則皆慰藉之言耳。首兩語言正在相念。次卽述到凶問。素簡訃聞也。凡男子老年去世者。均可稱歸道山。女子年老有子無夫者。可稱錦堂棄養。素諗一段。稱其平時極孝。當此忽遭大事。自然見父母之物與其遺容。必有非常悲痛者。勸其節哀。而先言非常悲痛。此亦措詞一定之法。手澤指

父之物•梧捲•指母之物•以下顧念一轉•言生前毫無遺憾•懿行兩語言平時鄉里欽敬•況又數語•言生前死後奉事之無虧•皋魚以不得久養父母•嘗曰樹欲靜而風不止•子欲養而親不待•事見韓詩外傳•蓋既毫無遺憾•則固可以少抒悲懷•於是辱叨數語•勸其節哀•舍小節而重大體•詞極宛轉可聽•凡唁函均宜照此•以下述弔禮亦老套也•

廣用

▲如祖父喪「老伯至道山」改（太老伯重闇棄養）「誼篤至傷懷」改（繞膝承歡情深孺慕•當此乍膺大故•念○祖德而傷懷）「顧念老伯」改（顧念○○太老伯）「況又至痛矣」改（況又生已盡•養沒已盡•禮固毫無遺憾者乎）「順變至之道」改（○勉抑哀思•善體○繩武之意）

▲如弟喪「禮次」改（足下）「忽素簡至道山」改（忽接○訃音驚悉○令兄弟某某兄修文赴召）「誼篤至零涕」改（誼篤友于•驟遭事變•撫○墳篋

以傷懷。覩○荆花而零涕。」「顧念至大人。」改（顧念○令兄）。「況又至痛矣。」改（生平自有不可磨滅者。此外修短有數。聽諸天命可也。）。「順變至至禱。」改（○勉作達觀。少釋哀思。不然謝家夢冷。徒增形影之痛。亦非所以慰○令兄於九原也。）。「素履」改（日祉）。

▲如_姊喪「禮次」改（足下）。「忽素簡至_{道山}棄養」改（忽荷○手書。遽有○令妹之喪。）。「天親至所發」改（友于。覩此事變。回想○左芬才調不亞太沖。一旦○魚軒遽歸天上。哀痛之情。）。「顧念至垂靈」改（顧念○令_姊芳範。足式閨幃。他日輶軒重續。更生列傳。采入志乘。則不壽者年而壽者名也。○執事閱之。庶幾一塞怨哀乎。若謂弟之爲是言也。有同貢訛。寧謂弟之作是言也。與○執事釋鵠原之痛也。○友愛者定能鑒此微衷矣。奠金一函。乞○賜納。專此奉慰。敬請○日安。）

▲如妻喪「禮次」改（足下）。「忽素簡至_{道山}棄養」改（奉到○訃音手書。驚悉○如嫂

夫人 謐鸞仙去)「誼篤至痛矣」改(篤於愛情。一旦人間天上。回想○(伉儷多
華(妻)年竟同逝水。則對○空簾而無人覩○遺容之如在。怨痛自不能已。顧
之歌(妻)東坡

華生

鼓盆

梨花(妻)夢(妾)

東坡

語

莊生事

以爲慰藉之事。惟望○勉

曠必能○鑒及)

○

惟望至之道

改(援

東坡

語

以爲慰藉之事。惟望○勉

節哀思)「代薦至素履」改(聊伸微意。伏乞○賜納。專此奉布。敬頌○日安)

▲如喪

子

「禮次」改(執事)

「忽素簡至垂鑒」改(忽奉○手書。驚悉○執

事

西河抱痛

掌珠。遽碎彌深。悼惜回想○

令嬪

蘭質蕙心

竇

實○尊門之祥瑞。曩時趨訪○

台階

嘗見而欣賞之。謂不減

衛玠

丰神

而遽令摧折天道。豈有知耶。微特○執

事痛之。

卽弟亦扼腕不置。雖然修短數也。死生命也。此非可與造物爭衡者○

執事天懷高曠。必能洞知其理。知之而猶作無益之怨哀。亦非所以安○

令嬪

世兄

於泉下矣○達人定能解此。奠金一函。聊伸芻意。專此奉慰。敬請○日安)

▲如喪

孫「禮次」改(執事)

「忽素簡至垂鑒」改(奉到○手書。驚悉○令

孫傷逝之耗。伏念○執事貽謀燕翼○鍾愛龍孫。一旦△桐枝遽折。自必抱痛異常。然顏回短命。李賀早夭。修短之數歸諸天命。實亦無可如何之事○達人宜有以自寬也。而況○老來遇此逆境。尤不宜過事悲傷。萬祈○桑榆自愛。一以付諸達觀。是所至禱。敬致奠金一函。尙希○察納手此祇頌○履安諸惟○珍衛不備)

慰失意凡水火竊盜疾病詐騙誣謗商業失敗
意外禍災皆可通用變換法見廣用
某某先生閣下。天下多意外事。惟

賢者能處之。且有以自寬解也。渴欲一見

叔度聊白鄙忱。以盡友誼。而道途修阻。末由奉達

清聽奈何。奈何自古英雄。往往歷經塵劫。非天真欲困苦之。蓋將有以

玉成之耳。

執事之際遇窮矣。偶出問世。事輒齷齪。胸中才氣。無由表見。微特

當局痛惜旁觀亦早代爲扼腕。雖然孟子有言天將降大任於是人必先空乏其身行拂亂其所爲所以動心忍性增益其所不能則是今日之

檠根錯節皆異日

大任之基礎幸勿賦北門之交謫而遽下

阮生之淚也願少待之且釋愁懷專此奉慰敬請

台安惟希

垂鑒弟某某謹啟

釋義

此慰人失意通用之函也慰者與慰之者無論屬於何界均可通用而所慰之人苟賦閑無事或有事而不足以贍家或屢不得志或有長才而屈於小就且遭人輕視至有不能餬口者並可照函直寫若另有意外事如溺水失火種種

宜小變換法見廣用此函通體皆從失意發生思路而慰藉之詞則託於異日之必可得志實敷衍之語耳然語意極婉轉懇切宜細味之首數語陡然而發似太突兀然與失意人言不必作泛泛浮談須直截以示關切言極應得志而竟出諸意外此首句意也下言惟賢者能處不得志之境且能寬解愁悶渴欲數語言欲當面勸慰而路遠無由晤談自古數語又推展一層言天苦英雄歷遭劫難將以成就之也以下緊接執事云云隱隱以英雄待之偶出數語甚言際遇之窮也雖然一轉引孟子語與自古一段相應證明異日之必能得志幸勿四句則慰藉之本意也詩經北門一篇賢者不得志而家中人交相訶謫阮生卽阮籍途窮輒痛哭而返

廣用

△如慰墜水「聊白至友誼」改（細詢墜水況狀藉舒懸憶）「末由至清聽」改（末由晤對）「塵劫」改（危險）「執事至扼腕」改（○執事身履

亨途。從未遇風波之厄。一旦馮夷作惡。招遊逍遙津。不特○當之者心驚。卽旁觀亦幾膽破。」「則是至異日。」改（況此生死關係。何莫非○盤根錯節。爲異日。）「幸勿至待之。」改（幸勿占濡首之爻。而遽云天公薄待也。願少安之。）

▲如乘船失事。「渴欲至奈何。」改（遽聞○執事乘船中流。竟爾傾覆。幾占滅頂之凶。始而驚駭。繼而釋然。何以言之。）「塵劫。」改（危險）「執事至扼腕。」改（○執事身履亨途。未涉風波之險。一旦馮夷招遊逍遙津。不特○當之者心驚。卽旁觀亦幾膽破。」「則是至異日。」改（況此生死關係。何莫非○盤根錯節。爲異日。）「幸勿至愁懷。」改（幸勿偶占濡首。而遽云天公薄待也。願少安待也。願少安之。且飲一杯壓驚。）

▲如輪船失事。「渴欲至奈何。」改（閱報載○執事所乘某輪失事。不覺失色。旣聞安然出險。又欣然以慰。）「執事至扼腕。」改（○執事身履亨途。未慰失意。

嘗波濤之厄。一旦海若作惡。招遊龍宮。不特○當其境者心驚。聞之者亦幾膽破。」「則是至異日。」改（況此生死關係。何莫非○槃根錯節。爲異日）「幸勿至愁懷。」改（幸勿偶遭奇險。而遽云天公薄待也。願少安之。且飲一杯壓驚。）

▲如家中失火。「渴欲至奈何。」改（遽聞祝融君降臨○尊府不勝驚駭。既而思之。）「非天至苦之。」改（天非果薄待之也。）「執事至扼腕。」改（○執事勢燄隆隆。遂至火師火官助君威炎。焚燬赫烈。以震驚○左右。）「則是至異日。」改（則是焚如之禍。乃所以試○執事冰雪襟懷。以爲異日。）「幸勿至淚也。」改（幸勿嗔回祿橫暴。而以柳州之賀爲無情也。）

▲如失竊。「渴欲至待之。」改（駭聞○尊府有梁上君子惠臨。試其胠篋手段。豈○同夢方酣。遂爾不覺耶。抑妙手空空兒。別有飛行絕迹之能耶。喪失如何。自當開具失單。詳報警廳。閭閻不靖。固由警務之廢弛。然或○懷竇而藏。致宵

小生心耶。如弟之室無長物。卽折柬邀之。亦未必惠然肯顧也。聊博一粲。

〔如盜劫。「渴欲至待之」改（遽聞○尊府竟遭盜劫。不覺駭然。地非曠野。室近市塵。而明火持械公然降臨。眞成匪世界矣。巡警所司何事。而竟至此。豈不可歎。失物若干。自當報官晒緝。然此亦照例文字。若求珠還合浦。恐成虛語耳。惟○闔府受此奇驚。均安好無恙否。若財產則本爲身外之物。塞翁失馬。安知非福。幸○大度置之。）〕

▲如問病。「渴欲至愁懷」改（頃諗○尊軀爲造化小兒所苦。日與藥罐作伴。其能有以自寬解乎。夫倉公越人。但能察脈論方。不能怡情易性。病之去來。惟○執事自知。亦惟○執事自治。千萬○珍重息心○調攝定當勿藥有喜。）

▲如受詐騙。「渴欲至鄙忧」改（刻聞○執事所遇有類念秧寧。非意外事急欲一爲寬解）「自古至待之」改（方今世路之危。危於蜀道。人心之險。險於山川。稍一不慎。立陷機阱。然皆入世未深者耳。不謂○明哲之士。久歷風塵。

而亦墮入籠中。宜○襟懷之鬱鬱矣。竊謂寶鏡蒙塵。增一番磨拭。卽增一番皎潔。小小損失。請以○大度置之。)

▲如遭誣謗。「渴欲至鄙忱」改(○執事遽遭讒口。急欲一爲寬解)。「往往至待之」改(恆遭誣謗。雋不疑竊金第五倫笞婦翁○執事何人。乃得追蹤前賢。方將爲○執事慶顧。曾參殺人慈母投梭○當局之不能無耿耿宜也。然許由罹謗。正如青天浮翳。無礙太虛。請以○大度置之。竟付一笑。)

▲如商業失敗。「執事至表見」改(以○執事長才熟於奇贏之術。方謂富可立致。而竟困於運命)。「幸勿至交謫」改(幸勿謂李廣之數奇。)

▲如意外禍災。「執事至表見」改(○執事宅心行事無愧仁人長者。而無端禍災。天外飛來)。「痛惜」改(痛心)。「幸勿至淚也」刪去。

謝唁
父凡祖父母兄弟姊妹妻妾子女
母孫喪皆可通用變換法見廣用

某某先生垂鑒承

手書賜唁並頒

厚賄情意殷拳。感均存沒。不孝無狀。罪戾山積。乃不墮厥身而禍延。

先父劬勞深恩。未報萬一。仰白雲之在望。覩風木而增悲。天乎天乎。

百身莫贖辱荷

先生憫其孤露。遠道存注。而又

寵賚先父

輝生靈。凡謹於素帷前。揮淚頌

雲天高誼。苟先父有知。定當拜

嘉惠於九原也。苦由餘生。專肅復謝。敬請

台安。伏惟

矜鑒。不孝某稽顙

釋義

謝唁父母

此謝唁_{父通用之函也}。此等謝函與尋常餽送禮物及慶賀等事不同。不可用恭維語。惟寫其哀思與感激之意耳。如此函首兩語言慰唁與弔禮次兩語言情意之厚。死者與生者均皆感激。不孝一段。自述哀悔之意。言自己爲人無狀。罪惡之多。有如山積。己身不墮而禍竟延於父母。回想父母生吾之劬勞。其深恩未報萬分之一。見白雲而思親。則親已不在。惟有白雲在望耳。樹欲靜而風不止。子欲養而親不在。則愈增悲痛耳。凡人至無可如何之際。則往往呼天天乎天乎者。哀之甚也。百身莫贖者。罪之大也。辱荷一段。述感激之意。無父母者謂之孤露。言無上人蔭庇也。遠道句。卽賜唁之意。寵賚句。卽厚賄之意。輝生句。與上函代薦靈幃句相應。謹於數語。進一層立意。言不獨一身感激。已將此弔禮報告父母。九原有知。同感高誼矣。素帷。卽孝帷也。苦由。孝子所居苦草席也。由土塊也。孝子居喪。寢苦枕由。寢苦者。哀親之在草枕由者。哀親之在土。

▲如祖父母「而禍延至增悲」改（而禍延、先祖母西山之日遽落重闈之風淒其）「寵賚先父」改（○寵賚先祖母）「先父有知」改（先祖母有知）「不孝某某」改（承重孫某某）

▲如兄弟「賜唁」改（遠慰）「不孝至孤露」改（弟遽遭、亡弟之變骨肉深情痛何能已而今而後姜被不溫謝池夢冷翹首遺容心如刀割辱荷○先生）「寵賚先父」改（○寵賚先兄）「先父有知」改（先兄有知）

「苦臼餘生」「伏惟矜鑒」刪去「不孝至稽頰」改（弟某某謹啟）

▲如姊妹「賜唁」改（遠慰）「不孝至孤露」改（弟遽罹亡姊之喪骨肉深情痛何能已而今而後徐勸之書不達大雷緬想音容泣如雨下辱荷○先生）「寵賚先父」改（○寵賚遠貲）「先父有知」改（先姊有知）「苦臼餘生」「伏惟矜鑒」刪去「不孝至稽頰」改（弟某某謹啟）

▲如妻妾「賜唁」改（遠慰）「不孝至孤露」改（弟命坐孤鸞遽遭內子之變妻）

小妾又棄妾遺衣掛壁長簾空牀此境此情卽起蒙莊而見之恐亦無以塞其悲

我而去

元稹

蔡確

琵琶

之咏

亦徒令人鬱鬱耳乃荷○先生

「寵賚先父」改（○

寵賚遠貢

）「謹於至餘生」改（○雲天高誼不獨弟感戴之卽死者亦拜

○嘉惠於九原也）「伏惟矜鑒」刪去「不孝至稽顙」改（弟某某謹啟）

▲如子女「賜唁」改（遠慰）「不孝至孤露」改（弟愆尤叢集不自悔悟

天降之罰遂令小女

夭折

愧恨之餘彌深驚痛乃荷○先生

「寵賚至餘生

」改（○寵賚亡

兒女

雲天高誼不獨弟感激之也卽亡

兒女

在九原亦將拜○大

惠矣嗟夫人非草木豈能無情骨肉之愛而遽至此縱不敢蹈西河喪明之轍而亦豈能如季子弛哀羸博間耶如何如何」「伏惟矜鑒」刪去「不孝至稽顙」改（弟某某謹啟）

▲如孫「賜唁」改（遠慰）「不孝至孤露」改（弟愆尤叢集不自悔悟天

降之罰遂令小孫夭折愧恨之餘彌深驚痛乃荷○先生）「寵賚至餘生」

改（○寵賚亡孫○雲天高誼不獨弟感激之也卽亡孫在九原亦將拜○大惠矣人非草木豈能無情骨肉之間而遽至此回憶曩時含飴繞膝不覺老淚涔涔下也奈何奈何）「伏惟矜鑒」刪去「不孝至稽類」改（弟某某謹啟）

謝慰失意凡水火竊盜疾病詐騙誣謗商業失敗
意外禍災皆可通用變換法見廣用

某某先生閣下辱荷

手書辭意勤懇所以

慰藉之良厚不覺感激涕零弟胡辜於天而事事齷齪至不能有一枝託足之所豈命途多舛耶

來諭云云亦聊相寬解耳生平遭際早在

洞鑒中殆所謂生長秋江不識春風爲何物者每念海內舊交情同秦越未嘗有一箇通而

謝慰失意

執事古道照人時加

青睞。寤寐飲德矣。日來蟄伏敝廬。頗有交謫聲。然堅塞兩耳。緊閉兩目。
付諸不見不聞。亦一消愁法也。

知己聞之。得無解顏一笑乎。鱗鴻多便。尙望時

惠好音。落寞窮途。藉破岑寂。專此復謝。敬請

台安。諸惟

愛鑒不備。弟某某謹啟

釋義

此謝慰失意通用之函也。無論何界中人。苟在不得志時。而有友人遠慰。均可
照函直鈔寄復。爲失意人立言。故感激之中。多帶牢騷之意。首數語謝其書意。
殷勤與非常感激。弟數語言。有何得罪於天。而遇事相左。竟至賦閒。此亦命運
不順耳。舛猶不順也。來諭數語。針對上函。今日槃根錯節。異日大任基礎。言書

命運如此不順有何希望則亦不過爲寬解之詞耳殆所謂兩語申明生平遭際之苦如江上之花生在秋天從未一見春風言未有吹噓之人也每念一段言舊時朋友無一有函來者此層陪筆而獨遠道慰藉寤寐之中亦不能忘此層正意蓋必用此陪筆而愈見其人之殷勤矣秦在北方越在南方漠不相關之意也日來一段名爲消愁法實則不得意之狀況與無可奈何之情均躍現於紙上蟄伏杜門不出之意因貧而來室人之責備因責備而遂至閉目塞耳此何景狀乎若論文字是爲進一層法

廣用

▲如謝墜水「不覺至舛耶」改（至爲感激弟才非李白寧事捉月而擲身波濤中險登鬼籙豈命中應歷此一劫耶）「早在至青睞」改（頗爲順當然學鳩小鳥僅志榆枋未有乘風破浪之想而馮夷乃惡作劇迄今思之殊覺膽裂乃承○執事遠道存問申之以頌詞）「日來至法也」改（幸頑軀強健

安適如恆而談虎色變此後卽一灣溪水亦望而卻步矣」「落窯窮途」刪去。

▲如謝乘船失事「不覺至舛耶」改（至爲感激弟買舟赴某地而風伯肆虐榜人失於操縱險從三閭大夫游豈命中應歷此一劫耶）「早在至青暎」改（頗履順境以故未嘗有乘風破浪之志而何以河伯遽折柬召耶承○執事遠道存問又申之以吉語）「日來至法也」改（日來驚魂初定頑體照常然坡老所云縱一葦之所如凌萬頃之茫然此後將謹謝不敏）「落窯窮途」刪去。

▲如謝乘輪船失事「不覺至舛耶」改（至爲感激弟上輪後開駛大洋方胸懷開豁極目天際而遽遭奇險賴有救星得慶更生）「早在至青暎」改（事事順適豈天不許乘風破萬里浪而遽令海若作祟耶承○執事遠道存問且申之以吉語）「日來至法也」改（日來驚魂甫定蟄伏螭廬不敢再

涉風濤重嘗危境）「落寞窮途」刪去。

▲如謝失火「而事事至之所」改（敝屋數椽聊蔽風雨而亦令祝融收去）
「早在至青睞」改（固未歷迹遑然亦未有炙手可熱之勢何至類相感應。
竟兆焚如之厄承○執事存問申以吉語）「日來至法也」改（日來收拾
餘燼捲土重來平生英氣尙未消磨盡也）「落寞窮途」刪去。

▲如謝失竊「不覺至岑寂」改（至爲感激弟室無寶藏剩有青氈而宵小生
心惠然下顧檢點所失尙不甚鉅雖開報警廳亦屬具文已早付諸定命矣雖然
小竊之多由於生計之艱難地方官不設法與官紳巨室廣開工廠則此輩
游民無從消納閭閻無安靖之一日○尊府苟門戶稍有不慎行且有君子惠
臨矣勿謂弟之多言而中也一笑）

▲如謝劫盜「不覺至岑寂」改（至爲感激弟豈慢藏誨盜而匪類竟闔門直
入聲勢洶洶約十數人無可抗拒家中老幼俯首就縛翻箱倒篋悉數捆載呼

嘯而去。事後檢點。計值數百金。然一生辛苦所有。已罄盡矣。彼藏鋤釗。纍纍盈櫃者。不惠顧而下。臨敝廬此。何故耶。幸人口無恙。驚魂初定。開列失單。報官躡緝。顧已杳如黃鶴矣。區區財物。誠如○尊諭早置度外。

▲如謝病。「而事事至一笑乎」改（而淹縕牀褥日夕呻吟。豈命中應歷此苦趣耶。○來諭云云。誠爲至理。然臥不能貼枕。食不能知味。間欲扶杖小立庭中。一吸新鮮空氣而已。非常疲倦。或邀知己略談心曲。不逾刻而耳眩目花。此境此情。將何以怡情適性乎。每念○執事強飯健步。如天上人羨何如之）「落寢窮途」刪去。

▲如謝詐騙。「胡辜至之所」改（素性直爽。不虞人欺。以致墮入彀中）「生平至簡通」改（今日世途荆天棘地。不聞孟東野詩乎。誰謂天地寬。出門一步窄。乃世間弟所遭事。往往目笑存之者）「頗有交謫聲」改（頗有誹議。）「消愁法也」改（消遣法也）「落寢窮途」刪去。

▲如謝誣謗「至不能至之所」改（至今日而竟興無風之波浪）「殆所謂至物者」改（殆歐陽公所謂脣不著齒無事得謗者）「頗有至聲然」改（銷聲匿跡）「落寞窮途」刪去

▲如謝商業失敗「胡辜至之所」改（廁身商界頗思有所建樹而遽遭傾跌）「生平至舊交」改（平生無貨殖之才而強逐市中之鹿誠不自量然謹慎小心未嘗有一事孟浪早在○洞鑒之中今乃出事以後平時舊交）「日來至法也」改（古人云亡羊補牢未爲晚也自顧年力未衰尙擬捲土重來一雪前恥）「落寞窮途」刪去

▲如謝意外禍災「而事事至之所」改（而遽罹无妄之禍）「生平至舊交」改（平生守己安分有何開罪於世而竟遭妒口陷諸風波之地平時舊交）「日來至笑乎」改（今雖昭雪而心膽已殘擬挈眷入深山與人世隔絕以免再蹈危機○知己聞之得無謂嫉俗太甚乎）「落寞窮途」刪去

尺牘釋例 卷六

二四

尺牘釋例卷六終

尺牘釋例 卷七

邀友人飲

游山游湖泛月看戲訂盟邀請結婚司儀贊禮證婚造訪皆可通用變換

廣用法見

某某仁兄左右久不晤

叔度時於寤寐中得

玉山之照猶覺朗然在懷也近想

逸致豪情一如曩昨甚慰甚慰弟嘗味孔北海語座上客常滿樽中酒

不空不覺欣然用撥甕頭春奉邀

玉趾同游醉鄉並耳

東皋快論席無珍羞座無生客幸於某日

惠顧可作竟日敍也先此訂約敬頌

日祉。弟某某謹上

釋義

此邀友人飲酒通用之函也。然必主人能飲者方可用。若不能飲變換法見廣用邀飲之函無甚意思。不過請其來吃酒耳。此函首數語述相念與欽佩之意。言雖久未晤面而寤寐中亦覺其風度之高朗。近想兩語言其飄逸之致豪邁之情當仍如從前也。以下引起飲酒之意。孔北海名融後漢人嘗言曰座上客常滿樽中酒不空吾願足矣。蓋好飲而又愛客者味者有細辨意不覺欣然者有豔羨意。於是遂設酒請客。甕頭春酒也。玉趾猶俗言貴步敬辭也。左傳聞君親舉玉趾將辱於敝邑。函中用玉趾本此。唐王績性嗜酒嘗作醉鄉記故後世凡言飲酒謂之游醉鄉。東皋卽王績之別號。此用東皋卽從醉鄉而來珍羞佳肴也。倘友人不能飲酒宜變換見廣用。

廣用

▲如常見「久不晤至懷也」改（數日不見△叔度鄙吝復萌矣）

▲如主人不能飲「弟嘗至海語」改（弟飲不過三蕉然每味北海語）

▲如友人不能飲「並耳至快論」改（明知東坡居士無五柳先生之癖而一聆醉後之△快論如何）

▲如遊山「弟嘗至敍也」改（某山風景絕佳弟神游已久頃已覓得醇釀數斗願與△執事豁醉眸一賞晴嵐翠色某月某日謹迓△芳躅作竟日遊也）
▲如泛湖「弟嘗至敍也」改（湖光灔灔紅落杯中青來筆底屈△文旆一泛浩歌拍浮當使馮夷起舞魚龍翔躍某日某刻用迓△芳躅毋負此好風光也）
▲如泛月「弟嘗至敍也」改（每念雨中連榻花下飛觴進艇長波散髮弄月紫簫玉笛颯起中流白露可餐天河在袖此人間之勝而弟得與△執事共之樂何如之某日某刻用迓△芳躅勿辜負此良宵也）

▲如游春「弟嘗至敍也」改（當此春光明媚羣花爭妍擬與△執事攜斗酒

雙柑出郭門。飲柳陰下。一聽黃鸝聲。如何敬迓△文旆。且過敝廬。勿姍姍其來遲也。」

▲如看花。「弟嘗至敍也」改（春色撩人。羣花欲笑。如此豔陽時候。那容辜負韶光。△執事定增幾許詩情矣。已翦春韭。濯壺觴。敬迓△文駕。幸卽△惠顧。同醉倒於紅紅紫紫間也。）

▲如看梅。「弟嘗至敍也」改（歲暮又一混沌。天使梅花開闢之驛使仙娥徘徊待△君久矣。幸勿使爭香寒鵠。寂寞笑人。敬迓△文駕。同醉窗前明月也。）

▲如看牡丹。「弟嘗至敍也」改（九十春光已過半矣。而姚黃魏紫。偷邀△品題。風雨應教莫妬也。勿以西園自有天香。吝此△五雲之步。幸移△文駕。同醉芳樽。）

▲如看芍藥。「弟嘗至敍也」改（花事將開到荼蘼矣。敢屈△元稹之過。以效樂天之詠。△清才以斗。計當留醇釀酬之。）

▲如看海棠「弟嘗至敍也」改（春風用意勻染臙脂△執事見之將謂沉香亭畔鬢亂釵橫疑妃子醉矣幸移△文駕以斗酒度春宵燒高燭照之勿令睡去如何）

▲如看桃花「弟嘗至敍也」改（春色撩人羣花欲笑而一片臙脂綴成紅粧滿樹△執事能蹈成谿否卽移△文駕同醉春風）

▲如看菜花「弟嘗至敍也」改（田間菜花大地黃金天工富貴何必洛陽千種始稱繁豔耶遲△執事於陌頭賞之一醉芳樽卽移△文駕無任翹盼）

▲如看荷花「弟嘗至敍也」改（湖光十里中有芙蕖千萬柄亭亭直立出淤泥而不染清品也擬與△執事纖棹其間一吸凌波卽移△文駕無任翹盼）

▲如看桂花「弟嘗至敍也」改（秋風涼爽正月中桂子雲外天香願與△執事攜斗酒一伴姮娥寂寞何如幸移△文駕無任翹盼）

▲如看紅葉「弟嘗至敍也」改（秋色將闌紅葉滿山擬邀△執事一賞勿令

暮收笑吾輩煩囂。專逐逐豔陽春色也。卽移△文駕行且緩酒林間以拚一醉。)

▲如看菊花。「弟嘗至敍也」改(江楓懸錦籬菊堆金更有榆錢散地弟已簡取換村醪與△執事醉弄秋色也卽移△文駕無任翹盼。)

▲如元夕邀飲。「弟嘗至敍也」改(新年忽忽又屆元宵管絃沸月火樹爍花弟翦春韭濯壺觴擬與△執事酣歌浮白遲遲玉漏預戒漫相催也卽移△文駕無任翹企。)

▲如花朝。「弟嘗至敍也」改(春信剛半百花爭妍牀頭斗酒期△君共醉爲羣芳祝壽卽移△文駕勿姍姍其來遲也。)

▲如清明。「弟嘗至敍也」改(匆匆春信又百六韶光矣郊外芳草如茵羣花爭艷願與△執事攜壺榼同醉杏花村裏卽移△文駕無任翹盼。)

▲如上巳。「弟嘗至敍也」改(詰旦擬攜小榼游芳垌以草色作茵褥以鳥聲

作管絃花枝作酒籌二三游侶劇飲放歌醉則臨流祓禊便作蘭亭佳致願△執事早來）

▲如送春「弟嘗至敍也」改（谷風習習烟花如綺芳草如翦漸聽子規聲徹無計留春呼童洗盥願與△執事一醉未到曉鐘時也卽△惠臨是荷）

▲如立夏「弟嘗至敍也」改（青梅如豆櫻桃絢紅已開到荼蘼時矣願與△執事同醉薰風中卽移△文駕無任翹盼）

▲如端午「弟嘗至敍也」改（時際天中蘭水競拂一樽白墮醉藉梅林與△執事痛讀離騷如何卽移△文駕無任翹盼）

▲如七夕「弟嘗至敍也」改（七夕靈匹渡河弟具斗酒與△執事月上時招涼

流酌坐看牽牛織女星也卽移△文駕跂予望之）

▲如中秋「弟嘗至敍也」改（十分月色一半秋光攜得劉白墮奉邀△執事一醉想△庚興不啻當無俟稚子候也）

▲如重陽「弟嘗至敍也」改（籬落黃花爍爍賒得斗酒遲△君一醉相與放膽題餚更無望白衣人至也卽移△文駕無任翹盼）

▲如暑飲「弟嘗至敍也」改（一雨洗去驕陽適往池亭上挹荷風竹露望遙山爽氣飄飄然心骨欲仙走价招△執事追歡河朔也幸移△文駕拱聽△履聲）

▲如暑飲未雨「弟嘗至敍也」改（炎威逼人賴有綠陰滿庭白雲在榻欲效河朔諸子科頭放歌作逃暑飲知△執事不惜枉轡東門也敬俟△飛軒）

▲如雪飲「弟嘗至敍也」改（天濱翦水風攬長空銀海光中千山欲白雖無黨家味已呼童煖壺酒興△執事一賞之諒不減子猷清興也卽移△文駕無任翹盼）

▲如觀潮「弟嘗至敍也」改（時逢八月江濤澎湃從海上來此錢塘奇觀也願與△執事一闊眼界不必乘長風破萬里浪已有望洋之歎矣卽移△駕儀

舟同往。)

▲如看戲「弟嘗至敍也」改（聞新到梨園聲色可人邀△君過我一物色之無謂下里巴人不足供△周郎一顧也。）

▲如訂盟。「弟嘗至敍也」改（近世交情非驕卽媚欲訂同氣數人爲金石盟幸早移△文駕爲牛耳之執毋使青松白水貽憾古人也。）

▲如同行「弟嘗至敍也」改（長途結伴得步後塵望洋四顧汽車聲中與△君促膝談心共破岑寂快何如之已收束行裝恭候△玉音卽當首途也。）

▲如接風「弟嘗至敍也」改（行裝初卸長途得毋辛苦耶弟薄具村釀與△執事洗塵幸移△文駕一訴別後相思。）

▲如餞行「弟嘗至敍也」改（聞將有遠行弟薄具村釀爲△執事一唱陽關之曲庶醉中分袂可不悲耳然落月停雲益增別後之相思矣。）

▲如贐以禮物「弟嘗至訂約」改（聞將有遠行未識△行旌何日遄發不腆

之儀•聊供長途所需•非敢云折柳也•伏乞△哂存爲荷•專此奉布•)

▲如邀遊博覽會「弟嘗至敍也」改（某地博覽會業已開幕•萃全國之精英•而羅列於一地•誠奇觀也•△執事欲往一游乎•請附驥以從•何日首途•謹俟△玉音•）

▲如約赴歡迎會「弟嘗至敍也」改（某君新自某處返國•曾游歷歐美各洲•見聞必廣•此間二三至好擬假某地爲開歡迎會•並請•某君演說•屆時必有名論•足以饜飫吾人也•卽乞△蒞會•藉圖良敍•附呈入座券三紙•如有至友•并可相約偕來•）

▲如約赴追悼會「弟嘗至敍也」改（月之某日•某地_{商學}界爲•某某先生開追悼會•痛哲人之遽萎傷故友之彫零•△執事與•某先生交誼素篤•而弟亦辱有一日之雅•擬躬蒞會場•一伸哀悼•屆時當過△尊齋同赴某地也•）

▲如邀作證婚人「弟嘗至敍也」改（茲懇者舍弟兒擇於月之某日與某女士

行結婚禮擬請 △執事作證婚人以昭鄭重素荷 △垂愛不嫌冒昧上瀆定蒙
△金諾贊成附呈請帖全幅並觀禮券十張乞 △察核)

▲如邀作結婚司儀「弟嘗至敍也」改（茲懇者舍小兒姪弟擇於月之某日與某女士行結婚禮素諭 △執事嫺於禮數希屈 △駕賁臨指示一切謹呈請柬一通並觀禮券十紙幸 △賜察納倘能將禮節先期 △示教尤爲感荷）

▲如邀作結婚贊禮人「弟嘗至敍也」改（茲懇者舍小兒姪擇於月之某日與某女士行結婚禮素仰 △賢夫婦齊眉有慶爲當代 △鴻光擬請屈 △尊同蒞會場贊襄典禮并希 △指示一切以免失禮之譏謹具請柬兩函卽祈 △察核）

▲如邀作結婚招待員「弟嘗至敍也」改（茲懇者舍小兒姪弟於月之某日與某女士結婚假某地爲禮堂夙仰 △執事肆應長才與各界均甚接洽務希 △台駕光臨至爲榮幸再 △令夫人妹在某女校肄業素嫺禮節爲女界所引重可否屈請偕蒞會場贊襄典禮附呈請柬數通觀禮券四十紙尙乞就 △貴相知中分贈

爲幸)

▲如約期造訪。「弟嘗至敍也」改(刻有要事未便倩中書君代達某日某時。

請△台從稍待當詣△尊齋面陳一切)

復友人飲

游山游湖泛月看花佳節暑寒招飲觀潮看戲訂盟接風
餞行赴會邀請結婚司儀贊禮證婚造訪皆可通用變換

法見廣用

某某仁兄惠鑒相距數條巷而不獲時親

塵教疏懶之愆夫復何辭乃承

手書見召不覺欣然昨過

尊齋脫略禮數快談肝膈而

郇廚風味又不減五侯鰯觥籌亂飛時忘賓主

君亦何遜孔北海耶。弟遂醉飽而歸夜來夢五臟神訴菜園踏破也。

專布申謝敬頌

日祉
弟
某某謹上

釋義

此友朋復謝飲酒通用之函也。此函通體語意與前函相針對。前函言久不晤叔度故此函言不獲時親塵敎古人揮麈而談故曰塵敎塵卽今拂塵也因相隔不遠而不能時見面則疏懶可知故有疏懶之愆夫復何辭兩語愆過也。下兩語述招飲昨過三語與座無生客并耳東皋快論相應而郇廚二語與席無珍羞相應唐韋陟封郇公性好奢靡廚中飲食香味錯雜人入其中多飽飫而歸時人語曰人欲不飯筋骨舒夤緣須入郇公廚事見世說補故稱人肴味之美曰郇廚漢王氏五侯不相能賓客不得往來婁護傳食於五侯間各得其懽心競致奇膳護乃合以爲餚世傳五侯餚以爲奇味事見西京雜記不減云者極言味之美也觥籌三語與前函孔北海語云云相應觥酒盃也籌飲酒行令之具也弟下述謝意語頗諧謔啟顏錄載有人常食蔬忽食羊夢五臟神曰羊

踏破菜園謙言平時僅食蔬菜而語意頗有趣味。

廣用

▲如不赴飲。「昨過至申謝」改（方擬一叩△尊齋與△知己作數刻談而遽爲某事所羈豈口福未修耶。有方△雅命惶悚惶悚緩日當踵△門叩謝此復。）

▲如雨不赴飲。「昨過至申謝」改（方擬一叩△尊齋與△知己作數刻談不謂雨師妬客阻人清興而家中又無仲容之屐遂裹足不得前。豈藜藿之命無福餐膏粱耶。惶恐惶恐緩日當踵△門叩謝也此復。）

▲如病不赴飲。「不覺至申謝」改（極欲一詣△尊齋與△知己劇談而不意爲造化小兒所困。日與藥爐爲緣旨酒佳肴無福消受。有方△台命定能△鑒諒一俟賤軀少調再當踵△門叩謝此復。）

▲如復游山。「昨過至申謝」改（而奇峰翠嶂遂幻現於目前神爲之往矣行

蠟阮屐以從△執事後屆時俯聽泉聲仰看雲氣又以佳釀佐游興不知添△吟情幾許也先此奉復）

▲如泛湖「昨過至申謝」改（謹如約趨△前褰衣從△執事後相與飲醇醪看湖光一色萬頃琉璃魚躍波心船行鏡裏樂何如也先拜△嘉惠草此奉復）

▲如泛月「昨過至申謝」改（想廣寒宮裏姮娥悶坐得△執事載酒河干慰岑寂而弟亦得以追隨其後△恵幸多矣謹秉燭以從先此奉復）

▲如游春「昨過至申謝」改（謹如約詣△尊齋同踏芳郊想見煙花如綺碧草如茵與△執事傾壺觴聽鶯聲宛轉一洗塵俗心樂何如也先拜△嘉惠草此奉復）

▲如看花「昨過至申謝」改（弟汨於塵俗辜負春光久爲羣芳所笑而△執事雅人深致園中嫣紅姹紫鬪豔爭妍卽當趨詣△尊齋傾佳釀一賞之詩情

已消歸鳥有矣。偷有△佳什當可快讀。)

▲如梅花照看花函。「園中至爭妍」改（園中冷蕊疏枝巡簷索笑。）

▲如牡丹照看花函。「園中至爭妍」改（園中一叢深秀國色天香。）

▲如芍藥照看花函。「園中至爭妍」改（園中婪尾殿春得無有金帶圍乎。）

▲如海棠照看花函。「園中至爭妍」改（園中春陰漠漠錦障橫陳此春睡未足時也。）

▲如桃花照看花函。「園中至爭妍」改（園中紅雲迷眼絳雪點衣雖非前度劉郎。）

▲如菜花照看花函。「園中至尊齋」改（靜對祇園看長老施法力鋪成遍地黃金卽當趨△前同倚紫陌「詩情至有矣」改（不知比天雨曼陀花何如。）

▲如謝游山泛湖泛月。「昨過至踏破也」改（卽詣△尊前追隨△執事後作竟日談味饜△郇廡倚醉尋幽勝此行與△康樂同游不知何修得此歸來擁被

睡夢中猶覺身在異境與△知己嘖嘖賞也。)

▲如謝游春看花梅牡丹芍藥海棠桃花菜花「昨過至踏破也」改（弟汨於塵俗辜負韶光承△執事不遐棄開佳釀賞名花自非△故人之貽安得享此清福不知△詩情又添幾許矣能△賜讀否弟歸來擁被睡晨起披衣尙覺清芬流袂也。）

▲如謝看荷花「昨過至申謝」改（日昨隨△執事倚棹舷飲碧筒酒尋玉井船湖光濯錦綠水隔塵恍疑身在水晶宮歸來暑氣盡消餘香尙沁鼻觀也敬謝△主人貽我清福。）

▲如謝看桂花「昨過至踏破也」改（昨過△尊齋承△執事開佳釀倚醉對廣寒仙子宛宛有別雲姿態遂至宵深△故人惠我多矣。）

▲如謝看紅葉「昨過至踏破也」改（昨隨△執事登某山地望一片紅霞絕勝春色化工豈有意點綴秋林耶遂狂飲醉顏與丹楓相映△故人惠我多矣。）

▲如謝看菊花。「昨過至踏破也」改（昨過△尊齋承△執事開佳釀。銜杯對東籬處士。遂爾陶然如見△故人清節矣。）

▲如謝元夕花朝清明上巳飲。「昨過至踏破也」改（弟汨於塵俗。辜負韶光。久爲羣芳所笑。今得隨△執事後見嫣紅姹紫。鬪艷爭妍。同傾大白。勿虛度此良辰美景。△故人惠我多矣。）

▲如謝送春飲。「昨過至踏破也」改（昨過△尊齋相與傾佳釀。醉中見柳顰綠眉。花濺紅淚。春冉冉其欲去矣。△執事乃強欲挽住之耶。今竟何如。歸來臥聽曉鐘。恨未借△尊酒一餞。東君耳。）

▲如謝立夏端午七夕中秋重陽飲。「脫略禮數」改（對△知己。逢佳節。）

▲如謝暑飲。「昨過至踏破也」改（炎威逼人。無從覓韓持國涼堂。過△尊齋芙蓉透水。香沁鼻觀。暑氣頓消。遂疑別一世界。而△執事又出佳釀。飲之便如一斛菖蒲。竟拜涼州刺史矣。謹拜△嘉贊。）

▲如謝雪飲「昨過至踏破也」改（琉璃世界如行銀海中衝寒過△尊齋承

△執事出佳釀劇談盡醉寧知瓊樓玉宇高處寒耶謹拜△厚惠）

▲如謝觀潮「昨過至踏破也」改（日昨從△執事後登海門高處鬢髮見素

車白馬驅銀山滾滾而來奇觀哉△詩情當不減姚武功矣幸△賜讀爲荷）

▲如謝看戲「昨過至踏破也」改（承△邀過某舞臺聆某伶奏技聲情肖合老杜詩曰此曲祗應天上有人間那得幾回聞請爲△君詠之）

▲如復訂盟「昨過至申謝」改（近世交道如市以盛衰爲親疏豈不可歎吾輩意氣相孚郭景純所謂異苔同岑者忝附弘正蘭薄之末幸何如也請△執事少待之專此布復）

▲如復同行「昨過至申謝」改（方以客旅寂寂意興蕭條今得伴△執事長途劇談頓免異鄉之感矣定某日出發請卽△惠臨同赴某埠至盼至盼專此布復）

▲如謝接風。「相距至何辭」改（久不奉△塵教極深馳系）「脫略禮數」改（暢訴離情）

▲如謝餞行。「昨過至踏破也」改（弟本擬趨詣△尊齋一伸別悃今更飽飫△郁廝風味不減五侯鯖也。感謝感謝別後託△庇某日安抵某處客中寂寞少可談話回首△故人觥籌亂飛時忘賓主益不勝戀戀之情矣）

▲如謝贐禮。「手書見召」改（手書下賁）「昨過至踏破也」改（何△故人見愛之深也謹拜領△嘉惠匆匆就道不及趨叩△尊齋一伸別悃甚歉甚罪抵某地後無復故鄉風景舊雨寥寥回念天涯△知己益增離索之感矣）
▲如復游博覽會。「昨過至申謝」改（弟本擬一游而△執事先得我心准於某日趨△前同臨某地一觀盛會當事用意陳列全國貨物而第其高下以獎勸爲振興實業之計劃吾輩到此亦可驗商務之興衰與不能抵制各國之理由固不獨游覽而已△高見以爲如何先此奉復）

▲如復赴歡迎會。「見召至申謝」改（見約並入座券三紙拜領之餘藉諗△興居曼福甚慰甚慰、某君環游歐美各國新自某地歸來學問既富聞見尤

宏極願一瞻言論丰采遵△教約某某兩友屆時逕到會場先此奉復）

▲如復追悼會「見召至申謝」改（見約不覺悽然某先生生平磊落光明同人欽佩而一旦有河山之感自當開會一伸哀悼弟尤深悉其行誼屆時預備演說述一二軼事以告社會△執事願同行赴會請△枉顧敝廬可也先此奉復）

▲如復作證婚人「見召至申謝」改（下逮就諗△令弟郎姪於月之某日行結婚禮邀作證婚人如弟涼德何以當此惟念△兩美作合百年之好金石不渝正不必以證婚人爲輕重則弟亦無妨證成嘉禮參與來賓末座耳重荷△華柬相邀愧仄奚似先此致復賀敬壹函希△哂納。）

▲如復作結婚司儀「見召至申謝」改（下逮欣悉△令弟郎姪於月之某日行結

婚禮邀作司儀無任惶悚弟本應趨赴△華筵贊襄一切而遽蒙△獎借何以克當屆期謹當奉陪△雙玉藉觀△盛典菲敬一函聊伸賀悃幸△哂收手此奉復)

▲如復作結婚贊禮人「見召至申謝」改（下逮欣悉△令姪_郎於月之某日行結婚禮而遽以贊襄婚禮見委弟名德不彰儀容未習深恐隕越貽羞但老夫婦儕相△玉人得復於歡天喜地之場並肩行禮無上光榮無上快樂也耑此奉復）

▲如復作結婚招待員「見召至申謝」改（下逮并觀禮券若干欣諗△令姪_郎於月之某日行結婚禮而以招待見委且承△獎飾有加悚惶無似屆時弟自當趨赴△華堂酬應各界來賓勉副△尊意家_舍姊妹粗識之無未諳禮節而重以△台命已令偕蒞會場同觀△盛典賀敬壹函附呈乞△哂收先此奉復）
▲如復約期造訪「見召至申謝」改（下逮遽訂於某日△枉顧蓬華增輝矣

欣慰何如。弟屆時擬命小奚奴取龍津茶。煮天泉水預拚半日清談。謹遲△高軒望之。」

通候兼餽贈無論友人遠近與各種物件并尊長幼輩皆可通用變換法見廣用

某某仁兄雅鑒。許久不奉。

清輝時深落月停雲之想回念

高齋羣集。把酒劇談。此景此情。宛然在目。能不令人惆悵耶。卽維寢興佳鬯。

餐衛適宜。如頌爲慰。弟嗜友如命。願得二三素心人。樂數晨夕。而執事又天各一方。輒喚奈何。適某書局有精印舊刻。購得數種。不忍自

祕。敬以奉餉。藉表故人拳拳之意。明知

博雅之士。珍本盈篋。不足罕異。然見物如見其人。當亦知已所能默諒乎。

鱗鴻多便。勿吝子墨。耑此奉布。敬請

台安諸惟

惠照不悞。弟 某某謹上

釋義

此通候友人并贈書通用之函也。學界、政界、軍界、商界並可用。然苟尋常書本則不可用。變換法見廣用。凡友人互相餽贈，其交情必厚。而餽贈之時必附加以函。函中措詞必非尋常泛交可比。此函通體語氣均極懇至。首兩語言久不相見，時時相念。落月滿屋梁。杜甫憶李白詩也。停雲陶淵明思親友詩也。今思念友人用落月停雲。本此回念五句。追念從前聚首之樂。劇談暢談也。惆悵心中不快之意。弟下一段自述愛友情狀。言願得二三知己。時時晤談。而惜乎天各一方。不能朝夕相見。於是不得已只好喚奈何而已。適某書局五語言贈書事。餉卽贈意。用餉字者較贈字稍雅耳。拳拳猶念念不忘也。言書不足貴。借以

表明此念念不忘之意。則措詞彌見懇摯。明知三語論文法則爲推展一層論語意。則爲自謙。言博雅者佳本盈箱。本不罕異。下然字一轉云。見物如見人。與拳拳意相應。皆與尋常泛交通候文字不同。子墨猶言紙墨也。勿吝者。望其速寄復函也。

廣用

▲如尋常書本「適某至舊刻」改（適見某書局新出某某等書。頗可悅目。）
「珍本至罕異」改（圖書四壁。必不欣賞。）

▲如文具「適某至諒乎」改（適購得文玩數事。見四友並聚一堂。因念吾兩人交誼而不克時時會晤。用特奉贈○知己聊佐○文壇清興。對此如見故人也。）

▲如筆「適某至諒乎」改（適有中書君數輩。用特遺伴○文壇服勞○左右藉表故人拳拳之意也。）

▲如墨「適某至諒乎」改（因念黑松使者辱在華門僅効雕蟲之一臂特爲勸駕用充記室供○博雅者之驅遣聊佐○文壇清興亦藉表故人拳拳之意也）

▲如硯「適某至諒乎」改（案有鳳喙一枚端方堅潤用特命前聽役○文房漸磨之下當知其爲耐久朋而○執事與弟之交誼亦視此矣）

▲如紙「適某至諒乎」改（家有赫蹄數束用特奉呈○案頭少供○揮灑行見墨花飛簇好句題來淋漓興酣之時也）

▲如紙呂宋皮絲煙「適某至諒乎」改（適有微物數匣產自閩海奉呈○左右聊助

○清興雖非葛老抽刀切金絲而飼鶴竟若王喬吹管種瑤草而呼龍請嘗試之沁入心脾亦以見故人拳拳之意也）

▲如照相「適某至諒乎」改（茲寄上最近攝影一張奉伴○左右不知肥瘦近如何耶卽乞○惠存倘風雨之夕不忘故人則鏡中人亦復呼之欲出也）

▲如綢緞。「適某至諒乎」改（適有新樣某緞用特奉寄將意。非敢有損○儉德亦以○執事錦心繡口不可無此以光輝之並表故人拳拳之意也。）

▲如布。「適某至諒乎」改（適有本廠布數端聊寄將意。明知○錦繡文字自宜○身被雲霞。無需此粗野物。然布衣之交。藉表拳拳於○左右也。）

▲如扇。「適某至諒乎」改（奉上摺扇幾柄。卽乞○惠納。從此人而不見。秋生手裏懷伊月入懷中起想（摺扇）行見○執事拳拳故人之心更十倍。曩日矣。）

▲如人力車。「適某至諒乎」改（方今航路四達。未始非長房縮地之方。卒不能時時敍晤。豈不可怪。今由某車奉_{馬力車}一輛。幸爲○叱入。雖遙飛轆迅速。聊勝薄笨。猶更能憑軾長驅。一○臨敵廬慰故人慇惓之意乎。）

▲如衣服。「適某至諒乎」改（適有便人奉上某衣一襲○執事固非范睢比而弟則戀戀△故人之念類於須賈贈此區區聊將微意。）

▲如裘。「適某至諒乎」改（適有便人奉上某裘一襲。弟非季路。而○執事之

德則粲於三英。卽乞○惠存。聊將微意。)

▲如履。「適某至諒乎」改（適有便人奉上洋襪幾量卽乞○惠存願○執事著之動與福并此則故人遠禱之意也）

▲如著衣鏡。「適某至諒乎」改（適有容成侯在敝處特遣侍○左右○執事鑒之。將謂毫髮無隱亦以見吾兩人心地之光明也。）

▲如山水畫。「適某至諒乎」改（適有便人奉上某繪山水一軸雖非佳品而光景可人懸之○齋壁不知可當少文臥游否幸乞○惠存聊將微意。）

▲如花卉畫。「適某至諒乎」改（適有便人奉上某繪花卉幾紙雖非佳品而頗具生趣懸之○齋壁能免風雨之妬也幸乞○惠存聊將微意。）

▲如琴。「適某至諒乎」改（因諗○雅人深致素工流水高山之奏特奉素琴一張從此○信手閒彈如見故人於五絃之間也。）

▲如洋琴。「適某至諒乎」改（適有便人奉上洋琴一張此雖來自遠方而鑑

鏘鏘鑑鑑頗堪入耳。從此○信手敲來音韻瀏亮如振發故人之聾瞞也。)

▲如琵琶「適某至諒乎」改（適有便人奉上琵琶一張素諭○執事精於此藝。從此○信手揮來如見故人於曉風楊柳秋雨梧桐之間也。）

▲如簫笛「適某至諒乎」改（適有便人奉上簫笛數管。從此舞蛟吟龍皆在○高人彈指中惜故人之不能一聽妙音也。）

▲如酒「適某至諒乎」改（因諗○青蓮學士斗酒百篇特奉竹葉舊醅數甌。聊潤○詩腸并表故人拳拳之意。）

▲如茶「適某至諒乎」改（適有新茶數匝。雖非採自山中而頗能沁脾用特奉餉○左右聊將微意試於酒後呼樵青竹裏煎之比顧渚如何。）

▲如果品「適某至諒乎」改（奉上山果幾種聊將微意○執事試於酒後茶餘一嘗之不知○齒牙間能作蓮花氣否。）

▲如花木「適某至諒乎」改（況值夏風清涼人荷香沁脾
秋日清和黃花爭豔愈益相思因檢某本數本奉

贈卽乞○惠納聊助○雅人清興并表故人拳拳之意）

▲如筭「適某至諒乎」改（適綠竹抽芽會見十分春色用特耑人馳奉想見○汪涵大度渭川千畝在胸贈此區區聊將微意）

▲如蔬菜「適某至諒乎」改（適園中芹蔬時逢嫩熟因命擷取登薦未審○羔酒帳中能嘗山野風味否）

▲如肉「適某至諒乎」改（適有便人奉上豚蹄幾肘弟非道旁私祝而○執事固能遠謀者不過藉此區區聊將微意耳）

▲如魚「適某至諒乎」改（適有某魚幾尾耑人齎上藉將微意若味之佳惡請自鑒定弟言惡則涉謙言佳則涉夸且慮識鑒不精貽○執事之笑試烹而嘗之何如）

▲如蟹「適某至諒乎」改（適有鮮蠔兩筐耑人齎上攜奉○匕箸藉表區區微意想持螯把蓋時定增○吟興十倍也）

▲如土宜。「適某至諒乎」改（適有便人帶上土宜數種聊伴燕函故鄉風味試烹而嘗之○執事得無怦怦動鄉思乎。）

▲如送土宜非本鄉人照上函「故鄉至鄉思乎」改（敝鄉風味試烹而嘗之。

○執事如見故人拳拳之意矣。）

▲如送物泛言「適有至諒乎」改（適有某物奉上聊將微意吾輩交誼有何形跡○執事幸勿循投桃報李之常。）

▲如近在一地「時深至惆悵耶」改（時深依戀）「而執事至一方」改（而○執事又以事冗不克時作清談）「然見至多便」改（然聊貯插架如何得暇能○惠然顧我尤幸否則○中書君無恙。）

▲如近在一地送以上各物照上函「適某至如何」刪去隨事添入無不可用
▲如送尊長物閱前寄伯叔母舅等函廣用下隨意添入條內將以上各事斟酌
變換皆可通用。

▲如送幼輩物。閱前寄姪寄壻等函廣用下。隨意添入條內。將以上各事斟酌變換亦可通用。

▲如此外有餽贈之物。「適某至諒乎」刪去。隨事添入。或不必寫明所送物。則照上送物泛言函直鈔可也。

復通候兼餽贈無論復友人遠近與各種物件并尊長幼輩皆可通用變換方法見廣用

某某仁兄有道塵事勞勞時深夢想不意

尺書下賁。而又

貺以珍物。且喜且感。吾輩意氣相孚。已非一日。徒以形骸間阻。而遽有傷離之感。

曠達者宜不出此。幸毋鬱鬱焉承

惠精印舊刻。翻閱數過。古色古香。洵稱佳本。敬拜

故人雅意。弟癖於書籍。斷簡殘編。時時搜集。然皆他人吐棄之餘。今荷

厚賜巾箱生色矣。忝附

知已。不敢輒言瓊報。臨風翹企。惟希

努力加餐。復布謝忱。敬頌

潭福諸惟

垂照不宣。弟某某謹上

釋義

此復友人通候并餽贈通用之函也。凡贈精印書本無論政界、學界、軍界、商界皆可照函直錄。此函通體措詞與前函針對首兩句言塵俗之事甚忙。時時在夢中想念而已。則與許久兩語相應。下言接到函并所送物。喜者喜其有函來。感者感其送禮也。吾輩一段。則與令人惆悵及輒喚奈何兩意相應。言意氣相孚。則形骸不足以阻隔。安得有傷離之感哉。此感字與上感字不同。上感字爲感激之感。此感字爲感慨之感。曠達兩語。勸其勿感傷別離。鬱鬱不舒貌承惠。

五語贊美其所送之書。然尋常書本不可用。變換法見廣用。弟下一段。自述好書之意。癖者嗜好之病。如晉杜預有左傳癖是也。言平生有嗜好書籍之病。無論不完全之書。亦皆購買。然皆人所不要。今得所賜佳本。書箱亦增光輝矣。此蓋自謙之辭。斷簡殘編。不完全之書也。吐棄之餘。卽他人所不要者。巾箱藏書之箱也。詩經言投我以木桃。報之以瓊瑤。言有投必有報。此言知己。則不必云報酬矣。

廣用

▲如尋常書本。「承惠至佳本」改(承○惠新出某某等書。展誦之餘。議論翻新。別開眼界)。「然皆至生色矣」改(然皆古人糟粕。今承○厚賜。又添幾許新智識也。)

▲如文具。「承惠至生色矣」改(承○惠文房數事。展玩良久。彌見○故人厚愛。弟枯坐一室。得諸友來慰我岑寂。從此明窗淨几間。又添幾許點綴矣。)

▲如筆「承惠至生色矣」改（承○遺管子文辱臨敝室氣度溫文偶命揮灑無不如意從此硯席間添一良友伴我臨池塗抹皆出○故人之賜也）

▲如墨「承惠至生色矣」改（弟落落寡交賴有管城子圓轉如意石虛中器局溫潤足以伴我寂寥今承○遺元香太守惠臨益令我興酣淋漓滿紙龍蛇矣此寧非○故人之厚賜哉）

▲如硯「承惠至生色矣」改（寂寞寒齋筆耕墨耘消磨日力今又承○惠寶硯謾謾勁質落落貞姿果然耐久交也謹拜○故人厚意）

▲如紙「承惠至生色矣」改（承○惠玉版白過松花堅逾魚繭弟從此不復向蕉林中乞殘葉矣謹拜○故人厚意）

▲如鼻紙呂
皮絲
捲宋「煙」「承惠至生色矣」改（承○惠某煙小試於酒後茶餘覺齒牙間拂拂有芝蘭氣雖未絕人間火食居然餐天上煙霞矣謹拜○故人厚意）

▲如照相「而又至珍物」改（○雅意殷勤）「承惠至瓊報」改（奉到○

尊照小影一帙。丰采奕奕。傳神正在阿堵中。獨恨坐對○故人而不通一語。轉令我神馳○左右耳。)

▲如綢緞。「承惠至生色矣」改（承○惠某綢緞幾端花樣翻新光艷奪目以弟而服此則賣相者之言驗矣然恐重負○故人厚意謹敬拜登）

▲如布。「承惠至生色矣」改（承○惠某布幾端堅光細緻以弟樸野之士服之尤宜謹拜○故人厚意）

▲如扇。「承惠至生色矣」改（承○惠摺扇一握清風煩暑頓卻○明德之賜雖華陽十賚無以加之謹拜○故人厚意）

▲如馬車。「承惠至生色矣」改（承○惠某車敬領拜謝弟無長駕遠馭之才又無攬轡澄清之志而○故人之策勵我也如此滋惡顏矣）

▲如衣服。「承惠至生色矣」改（奉到某衣一襲仰見○縫袍情深披而著之煖勝挾纊謹拜○故人厚意）

▲如裘「承惠至生色矣」改（奉到某裘一襲光逾緝燕彩越綴翬從此朔風

凜冽之時裾生○惠氣袖起○陽春矣謹拜○故人厚意）

▲如履襪「承惠至生色矣」改（忽承○賜履頓有青雲冉冉生足下也敢漫踏黃塵以汗○清惠容結以拜謝）

▲如著衣鏡「承惠至生色矣」改（承○惠衣鏡一面燁燁清光明於潭水弟對之不獨鬚眉軒露直令心性胥澄矣謹拜○故人厚意）

▲如山水畫「承惠至生色矣」改（承以山水一軸○惠我懸之齋中遂覽三湘五岳石室衡廬不出戶庭可覩矣仰見○故人厚意）

▲如花卉畫「承惠至生色矣」改（承以花卉幾幅○惠我懸之齋中不出戶庭而仙葩奇卉目賞不暇從此不復問小園春色矣謹拜○故人厚意）

▲如琴「承惠至生色矣」改（承○惠素琴妙勝焦桐偶操絃一奏亦足以導德宣情謹拜○故人厚意）

▲如洋琴。「承惠至生色矣」改（弟於音樂一道懵無所知偶趨時尚撫弄洋洋琴乃承○惠賜從此當息心推敲以答○故人厚意）

▲如琵琶。「承惠至生色矣」改（弟非摩詰豈能彈鬱輪袍乎乃以琵琶○惠我從此企腳北窗下信手揮來將作天際眞人想也謹拜○故人雅意）

▲如簫笛。「承惠至生色矣」改（弟非伍員桓伊一流人而以○簫笛見遺從此春煖街頭秋深月上當爲一奏清音也謹拜○故人厚意）

▲如果品。「承惠至生色矣」改（承○惠名果涼入心脾香沁鼻觀齒牙間拂拂作蘭花氣酒腸頓滌真大快也謹拜○故人厚惠）

▲如花木。「承惠至生色矣」改（家居碌碌老圃自安種竹澆花消磨歲月乃承○異卉遙頌玩賞之餘芬芳盈袖矣謹拜○故人厚惠）

▲如酒。「承惠至生色矣」改（憶曩坐○君千頃波中已如飲醇自醉今又○遣麴秀才來伴岑寂不覺大樂遂眼花落井詩情竟烏有矣謹拜○故人嘉惠）

▲如茶「承惠至生色矣」改（弟頗有桑苧翁之癖望仙芽如金莖孤悶枯腸
澆澆作苦乃承○惠賜幾箋開裏便自清風習習注瓶細嚼快可知已謹拜○
故人厚意）

▲如筍「承惠至生色矣」改（承○惠某筍幾束使弟全家同參玉版禪清逾
蒞羹矣謹拜○故人厚意）

▲如蔬菜「承惠至生色矣」改（承○惠嘉蔬幾筐舉家食之清而能腴弟固
非士大夫之列而此味則久饜之矣謹拜○故人雅意）

▲如肉「承惠至生色矣」改（承○惠某蹄謹領○厚意竊恐弟飽飫藜藿一
日烹炮大嚼臟神將訴豕牛羊之踏破蔬畦也）

▲如魚「承惠至生色矣」改（承○惠某魚謹領○厚意江之鱸耶河之鯀耶。
烹鮮食德旨而且多藉此慰臨淵之羨）

▲如蟹「承惠至生色矣」改（承○惠大蟹足饜老饕急命家人煖酒擂薑持

▲孟大嚼不負○故人厚意而詩興則已爲餓神驅逐矣。)

▲如土宜「承惠至生色矣」改（第一別家鄉遂逾歲月久不嘗故園風味今承○厚惠恍如身入里門與○故人晤對也）

▲如土宜而非同鄉「承惠至生色矣」改（承○惠某某幾種急命家人共嘗之俾一領○貴鄉風味也謹拜○故人厚意）

▲如泛言道謝「承惠至生色矣」改（承○惠某物卻之不恭謹領○故人雅意）

▲如近在一地「徒以至鬱鬱焉」改（徒以職務所羈不克時談心曲行當撥冗趨詣○高齋一罄積愫）

▲如近在一地道謝以上各事照上函「承惠至生色矣」刪去隨事添入無不通用。

▲如此外尙有道謝之物「承惠至生色矣」刪去隨事添入或不必寫明物件。

則照上泛言道謝函直鈔可也。

▲如道謝尊長「某某仁兄至謹上」改（○○大人尊前敬稟者塵冗勞

伯母叔父
姻舅

勞不克時候○起居方深惶悚而乃○誨諭勤懇○賜之珍品且感且慚伏誌

○道履康綏○潭門吉慶欣慰無既

姪

學識淺陋昧於世務徒存一片孝敬之

心而未嘗有所貢獻於○台座遠荷○先施謹領拜謝精印舊刻古色古香洵稱佳本甥癖於書籍斷簡殘編時時搜集然皆他人吐棄之餘今承○厚賜巾箱生色矣肅稟叩謝務望○慈躬珍攝爲禱敬請○福安伏惟○垂鑒甥姪
某某謹稟）

▲如道謝尊長以上各物照上函「精印至生色矣」刪去將以上各函斟酌變通隨事添入惟執事及弟等字須留神語氣宜稍帶莊重

▲如道謝幼輩「某某仁兄至謹上」改（○某某賢賢甥兄青及如晤
管而△手書頒到侑以△珍品快何如之卽諗△起居佳勝△潭第吉祥甚慰

復通候兼餽贈

甚慰。愚齒牙漸脫。鬢有二毛。師丹老而健忘。今始信之。每念△英才。輒爲神馳。承△惠精印舊刻。古色古香。洵稱佳本。少年不學。老大悲傷。滿篋殘編。渾如隔世。亦半飽蠹魚矣。今當仰體△雅意。什襲藏之。△鱗鴻多便。幸寄△好音。此謝。

卽頌△文祺。并叩△潭福。

弟表叔 愚伯舅 某某手啟

▲如道謝幼輩以上各物。照上函「承惠至藏之」刪去。將以上各函斟酌變通。隨事添入。皆可通用。)

尺牘釋例 卷八

求友人薦事

凡代友星相堪輿說情代薦學政軍商各界并西席幕賓醫卜星相堪輿說情代薦學政軍商各界并西席幕器具房屋種種等類皆通用變換法見廣用

某某先生尊鑒。睽違。

道範不獲時候。

起居甚惶甚悚敬維

禔躬康福。

潭第吉祥。俯如下祝。某駑駘下質。寧望騰驤。顧伏櫪長鳴。芻豆不繼。

家嗷嗷同吸秋風。惟祈

伯樂之一顧。則鹽車服駕。亦誠甘心。伏念

樽輝所被。

求友人薦事

樾蔭同叨矧如某之素承

關愛者乎幸

矜憐之倘使

垂仁噓植得有枝棲實爲欣感而隸列

帡幪親聽

指麾尤深盼禱專肅奉懇敬請

台安諸惟

惠照不備 某某謹上

釋義

此懇託友人薦事通用之函也。凡託人薦事或代友謀事措詞皆宜格外謙虛。此函係逕託友人謀事起首卽極尊敬曰先生曰尊鑒曰道範曰惶悚皆非平等通函之語。蓋旣爲知己不必用函。函託薦事其爲泛交可知。稍推尊之世情。

應爾卽下稱某而不稱弟亦此意也。駑駘一段言才具凡庸猶駑駘劣馬耳。豈敢望得志若千里馬之騰驤天路哉。惟是家居賦閑如馬伏槽中徒然長鳴而已芻豆飼馬者不繼以喻無所得食一家兩語申明無所得食之意伯樂古之善相馬者一顧之顧與上顧字不同上顧字爲轉筆之語助字此顧字乃賞識意言得伯樂賞識畀之以事雖勞苦亦屬情願。駑駘駕鹽車以喻事勞苦而祿不豐者伏念兩語又推展一層語言其權力所及人之被薦者多矣況某之素所關愛者乎則語意較爲緊切此等處儘管泛交亦不妨強言關愛蓋閱者斷不批駁幸矜憐之則哀鳴之辭也。倘不十分箇迫此語可刪倘使三語託其代薦而隸列三語則言願在友人手下辦事幘帳覆庇之意言在伊覆庇下也。

廣用

▲如代友謀事「某駑駘至甘心」改（某有敝友某某君不凡才也而時運乖迕鬱鬱不得志偷不令○伯樂一顧則將伏櫪老耳）「矧如至偷使」改（

求友人薦事

矧如某某君之才者乎。幸○推屋烏之愛。

▲如託友照顧。「某駑駘至甘心」改（某碌碌無可告白。獨此嗜友之心。迄今不變。敵友某某君佳士也。因事赴○貴地。絕少舊雨。已令趨謁○尊前面聆○教益。）「幸矜至盼禱」改（幸○推屋烏之愛○指示一切。不啻躬被○厚惠矣。）

▲如代友說情。「某駑駘至甘心」改（某碌碌如恒。毫無善狀。可以告慰敵友某某久隸○幃帳。聞小有舛誤。可否○大度置之。）「矧如至盼禱」改（矧久在屬下者乎。幸○推屋烏之愛。恕其初次。則使功不如使過。異日必有以報○先生也。）

▲如代友薦學界。「某駑駘至甘心」改（某碌碌如恒。毫無建白。深滋愧恧。敵友某某君固教育名家也。寧忍閒散置之。用特紹介於○左右。）「矧如至盼禱」改（矧如某某君足効○指臂一助者乎。倘使○畀以一席。則不獨某某

君得所亦教育前途之幸也請一見之自能○青眼)

▲如代友薦政界「某驚駘至甘心」改（某碌碌如恒毫無建樹深滋愧恧
友某某君相知有素深於政界經驗寧忍閒散置之用特紹介於○左右）「
矧如至盼禱」改（矧如某某君足効○指臂一助者乎倘使○畀以位置自
能勝任愉快幸先一見定荷○青眼知某言之非誣也）

▲如代友薦軍界「某驚駘至甘心」改（某碌碌如恒毫無建樹深滋愧恧
友某某君固豪傑士也能上馬殺敵下馬作露布用特紹介於○左右）「矧
如至盼禱」改（矧如某某君固萬夫之防乎倘使隸諸○帡幪定垂○青眼
知某言之非誣也）

▲如代友薦商界「某驚駘至甘心」改（某碌碌如恒毫無善狀可以告慰敝
友某某君久於經商頗多閱歷近甫賦閒用特紹介於○左右）「矧如至盼
禱」改（矧如某某君固足効○指臂一助者乎已令謁謁○台端知○先生

見之定能○青眼知某言之非謠也。)

▲如薦西席「某駑駘至奉懇」改（某碌碌如恆毫無善狀可以告慰敝友某某君品學兼優循循善誘現在安硯尙無定所聞○尊府欲延聘西席則某某君正其人也用特介紹於○左右倘使○世兄以素絲之質一經啟廸定有春風時雨之化○先生見之亦必沆瀣一氣知某言之非謠也幸卽○賜覆耑此奉布）

▲如薦幕賓「某駑駘至盼禱」改（某碌碌如恆毫無建白深滋愧恧敝友某某君才士也下筆千言兼人之器游歷四方長揖公卿間不忍令其閒散特薦之○幕下試○虛左迎之必能爲○前席之助知某言之非謠也○先生固今世之烏大夫而某某君亦何慚溫生石生乎倘欲令其一見務希○賜示卽當趨叩○崇堦）

▲如薦醫士「敬維至不備」改（刻諗

△令
○先世
兄媛

氣體違和極擬趨○前一問

○平安而塵俗勞勞竟少暇晷素承○雅愛當不以爲推諉之辭也。敝友某某君精於岐黃弘濟無量特不肯以醫名某則深知其博極羣書才學識三長兼有者偷信某言之非誣卽當邀其趨詣○尊齋出長桑君祕授爲△世令先媛夫人生兄診治定有著手成春之妙卽乞○賜覆俾可關照某某君專此奉布敬請○台安并頌○痊福)

▲如薦西醫照上函「敝友至祕授」改（敝友某某君畢業於某國醫學校如飲上池水能洞見臟腑之癥結歸而濟世應效如神偷以某言爲非誣卽當邀其趨詣○尊齋一奏妙術）

▲如薦卜者「某駑駘至奉懇」改（某碌碌如恒毫無善狀可以告慰茲有某君固嚴君平司馬季主者流○先生倘有疑乎當令趨謁○崇堦一試之知占驗之如神矣專此奉布）

▲如薦星士「某駑駘至奉懇」改（某碌碌如恒毫無善狀可以告慰茲有某

君精於星學。推算不爽鏹銖。眞季主虛中復生也。敬令趨叩○崇堦。幸垂○青眼。毋曰命之理微。而失之冰鑑。則幸甚矣。專此奉布。)

▲如薦相士。「某駑駘至奉懇」改（某碌碌如恆毫無善狀可以告慰。茲有某君固姑布子卿袁天罡一流人。令謁○台端一瞻○燕領虎額。定知非江湖術士。購書攤上麻衣經。信口胡言者也。幸垂○青眼。）

▲如薦堪輿。「某駑駘至奉懇」改（某碌碌如恆毫無善狀可以告慰。茲有某君精熟青鳥經。雖非郭景純。亦是雷煥一流人。用特紹介於○門下。以卜牛眠。慎毋以時師目之。幸垂○青眼。）

▲如薦琴士。「某駑駘至奉懇」改（某碌碌如恆毫無善狀可以告慰。茲有某君善操琴。令趨謁○崇堦。倘俟門有不好竽者。借○先生游揚俾一曳裾其間。而○台端焚香啜茗之暇。亦時聽流水高山。當悠然意遠也。）

▲如薦畫士。「某駑駘至奉懇」改（某碌碌如恆毫無善狀可以告慰。茲有某

君工於六法。世無畢弇山。將埋沒新羅山人老矣。用特紹介於○左右。倘使○
飾以唾咳。出其餘技。尙能爲滿璧滄洲也。幸○推屋鳥乞垂○青眼。專此奉布。
)

▲如薦棋士。「某駑駘至奉懇」改（某碌碌如恆毫無善狀可以告慰茲有某
君當今之施范也。挾其技以游公卿間者有年。今特介紹於○左右。固知○台
端亦通國之弈秋。請於○公餘相對一試。爛柯人眼力如何。專此奉布。）

▲如代友徵詩。「某駑駘至奉懇」改（某筆硯久拋。正如泰山沒字碑。不知詩
文爲何物矣。敝友某某君傾慕○先生爲當今元白出徵文詩啓手卷一軸。囑轉求用呈
○台端想明窗淨几○興酣落筆時定有○驚人佳句也。幸○恕瑣瀆。）

▲如求文序。「某駑駘至奉懇」改（某筆硯久拋。正如泰山沒字碑。不知詩文
爲何物矣。久欽○先生當今作手。馳騁韓潮蘇海間。茲有家嚴壽誕徵文啟
先祖文集一部。特送呈○台端奉求○大文引爲○光寵所謂一字之褒榮於華袞者。賴○元

晏先生舌端有蓮氣耳不勝感激盼禱之至。

▲如求畫「某駑駘至盼禱」改（某碌碌如恒毫無善狀可以告慰。扇紙一柄奉瀆望○先生於酒後茶餘○清興忽來時潑墨汁一爲點染北苑南宗惟意所適能事不受促迫請遲之以歲月惟勿擲敗簏中則○惠幸多矣）

▲如求書「某駑駘至盼禱」改（某碌碌如恒毫無善狀可以告慰。扇紙一柄奉瀆望○先生於酒後茶餘○清興忽來時迅筆書之某當珍爲○墨寶能事不受促迫儘可遲以歲月勿擲敗簏中則○惠幸多矣）

▲如借銀「某駑駘至盼禱」改（某才質凡下拙於謀生寧敢謂命途多舛哉惟是交謫之聲可塞耳不聞而一家嗷嗷盡吸西風豈能長此度日○先生仁心爲質○檮輝所被○樾蔭同矧矧如某之素承○垂愛者乎請以西江之水活此涸鲋則全家均戴○仁慈矣）

▲如借銀救急「某駑駘至盼禱」改（某命途多舛遽遭意外失敗虧累頗鉅

索逋人魚貫戶外苦無點金術應之○先生仁心爲質○擇輝所被○樾蔭同叨矧如某之素承○關愛乎雖不敢望如淮陰之將兵多多益善但能使某如曲逆之宰肉分處得均則銘感○大德矣

▲如借衣「某駑駘至盼禱」改（某碌碌如恒毫無善狀可以告慰刻有某需用禮服素少酬應未及製辦幸希○惠假藉以○榮光則銘○推解之誼於無既矣望○檢交來手）

▲如客中借衣「某駑駘至盼禱」改（某旅居無聊忽忽數月溽暑蒸人夏服幸希○惠借則○綿袍之德永矢弗谖矣望○交來手）

▲如借器具「某駑駘至盼禱」改（某碌碌如恒毫無善狀可以告慰刻因有事需用某器務祈○惠假恃愛奉瀆定荷○季諾乞○檢交來手○光過卽趙

)

▲如借屋開學校「某駑駘至盼禱」改（某學術疏陋而頗有志於教育擬招

求友人薦事

數十蒙童盡一分子之義務。苦無其地。因思○夏屋渠渠空閑。可惜偷能○惠假數椽。不獨某一人之感激而已。當與諸生同拜○大德也。)

▲如借住屋。「某駑駘至盼禱」改（某覓食此間有口可餬而懸飛之鳥偏乏依棲○君家固上林樹也能○借與一枝乎。偷荷○季諾請惠○福音）

▲如此外懇求各事。「某駑駘至盼禱」刪去隨事添入均無不可。

復友人薦事

凡復代友薦事照顧說情代薦學政軍商各界并西席幕賓醫卜星相堪輿琴畫棋及乞詩文書畫與借銀衣

器具房屋種種等類皆可通用變換法見廣用

某某先生惠鑒久不接

光儀時深馳系辱承

手教方詒

鵬搏暫息。代爲扼腕。弟廁身某界。一無展布。而不能退避賢路。未免老馬戀棧之譏。

先生以乘風之翮偶然縫羽會當
扶搖九萬此間局面甚小不足以屈
長才行逢人說

項斯矣必不久辜

雅意幸少待之專肅布復敬請

台安諸惟

珍攝爲禱弟某某謹啟

釋義

此復友人薦事通用之函也謀事之函措詞固宜謙虛而復函尤要留神蓋人
當不得志之時而函中語氣如有輕視或譏諷之意往往恨之刺骨而舊交變
成仇讐者此不可不慎也此函通體措詞慰藉中允其竭力代薦失意者見之
自然心中快樂復薦事函固應如此首兩語言久未見面深爲憶念通套話也

辱承三語言接到來書方知賦閒無事鵬搏喻前程之遠大暫息言暫時休息也扼腕不得意之狀言代爲愁慮也弟下四語自謙之詞言在某界中一無作爲不能奉身而退讓賢才當路此須各界中居高位者方可用變換法見廣用老馬戀棧卽不能辦事戀戀厚俸之意與前函驚駘一段亦復相映先生三語慰藉之言鎩羽卽暫息意用鎩羽字從上句翻字來莊子有鳥焉其名曰鵬搏扶搖羊角而上者九萬里言卽要得意也此間兩語復前函隸列幃帳一層意說項見答新同學釋義末用珍攝亦慰其勿愁慮也

廣用

- ▲如非高位「廁身至之譏」改（濫竽某界逐隊依人廩祿徒糜深滋愧恧）
「此間至少待之」改（此間人浮於事萬難啟口行四處說○項或者有以報○命然具此○長才豈有久置閒散之列幸豁○襟懷毋鬱鬱焉）
▲如復代友謀事「方諗至扼腕」改（藉諗○興居佳鬯爲慰）「先生至項

斯矣」改（○先生其何以教之○貴友長才素所欽佩暫息鵬摶會當扶搖九萬此間一時無從位置容另行設法）

▲如復代友薦政學軍商各界照上函皆可通用

▲如復託照顧「方諗至扼腕」改（藉諗○興居佳鬯爲慰）「未免至待之」改（虛糜厚祿深滋愧恧○先生其何以教之○貴友某某君素所欽慕辱臨敝邑得以一瞻○丰采微○尊囑且歡迎之不遑矧重以○雅命平行掃徑以俟藉訊○故人近況并爲識途之老馬也）

▲如復說情「方諗至扼腕」改（藉諗○興居佳鬯爲慰）「先生至待之」改（○先生其何以教之承○囑一節足徵○友誼之懇摯弟以賞罰不明則人無激勸故不得已而出此今勉副尊○意暫留此間以觀後效）

▲如復薦西席「方諗至扼腕」改（藉諗○興居佳鬯爲慰）「先生至待之」改（○先生其何以教之○貴友某某君道德文章景仰已久小兒得沐○

時雨春風之化至爲欣幸行糞除敝廬恭迎○文旆務先○代爲延訂再送關聘弟當趨詣○師門一叩○道範也

▲如復薦幕賓「方諗至扼腕」改（藉諗○興居佳鬯爲慰）「先生至待之」改（○先生其何以教之○貴友某某君學問品行景仰已久渴欲一瞻○手采而枳棘非○鸞鳳所棲徒深蒹葭秋水之思今何幸天假之緣得○先生爲之紹介謹掃榻以待佇聞○借箸良謨）

▲如復薦醫士「方諗至扼腕」改（藉諗○興居佳鬯爲慰）「先生至待之」改（而天降之罰致令內小兒軀子爲造化小兒所苦呻吟牀蓐承○薦西醫某某君久耳大名極所欽佩務乞○代爲延請惠臨敝廬倘使驅除病魔頓釋痛楚皆○先生之賜也）

▲如復薦卜者「方諗至扼腕」改（藉諗○興居佳鬯爲慰）「先生至待之」改（○先生其何以教之承○薦某君誠君平季主一流飄飄乎仙風道骨矣

君子問災不問吉行索瓊茅叩靈氣其將有折足覆餗之現象乎。）

▲如復薦星士「方諗至扼腕」改（藉諗○興居佳鬯爲慰）「先生至待之」改（○先生其何以教之承○薦某君精於子平某已將賤造囑其推算矣向讀昌黎集言李虛中最深於五行以人之始生年月日時所值日辰支干相生勝衰死旺相斟酌推人壽天貴賤百不失一不知某君比之如何然○曹邱生非輕許人者足知季公矣）

▲如復薦相士「方諗至扼腕」改（藉諗○興居佳鬯爲慰）「先生至待之」改（○先生其何以教之某君惠臨敝廬欣然奉迓誠唐舉許負再世也又重以○台命敢目爲江湖術士哉然弟頭無奇骨手無異紋久釋此食肉富貴之妄念行且詢某君有縱理入口否耳他無所冀倖也。）

▲如復薦堪輿「方諗至扼腕」改（藉諗○興居佳鬯爲慰）「先生至待之」改（○先生其何以教之葬經舊稱黃帝所箸其實郭景純尙是僞託自唐

宋以後而此學盛行效驗亦大著、某君固近世張子微也。弟不求吉壞但取高爽近已徧歷鄰近山水、某君亦非如江湖術士動以禍福悚人者信○曹邱生之識力不謬也。)

▲如復薦琴士「方諗至扼腕」改（藉諗○興居佳鬯爲慰）「先生至待之」改（○先生其何以教之、某君抱琴而來遂焚香小閣中奏一曲有手揮五絃目送飛鴻之致覺嵇中散猶在人間也令人移情矣當如○尊囑廣爲揄揚所愧身非元禮牙頰不芬或有負○雅命耳。）

▲如復薦畫士「方諗至扼腕」改（藉諗○興居佳鬯爲慰）「先生至待之」改（○先生其何以教之、某君丹青妙手馳聲遐邇景仰已非一日今來惠某幾真柄興酣淋漓想見解衣磅礴揮灑自如之致欽佩欽佩當如○尊囑廣爲揄揚所愧身非元禮牙頰不芬或有負○雅命耳。）

▲如復薦棋士「方諗至扼腕」改（藉諗○興居佳鬯爲慰）「先生至待之

」改（○先生其何以教之、某君當今國手。望而卻步。惠臨敝廬。行當勉支
螳臂。執鞭弭以周旋。恐終無獲鹿之期也。○先生聞之。將毋叱爲木野狐乎。）

▲如復徵詩「方諗至扼腕」改（藉諗○興居佳鬯爲慰）「先生至待之」
改（○先生其何以教之。平生筆墨。不過擣擣義山。東塗西抹耳。承、貴友諄
囑。又重以○台命。不敢不勉力拼湊。昌黎詩所謂更於秋蚓竅時作蒼蠅聲者。
眞貽笑○大方家者矣。拙作附呈。乞○郢政。并希○轉交、貴友爲荷。）

▲如復求文序「方諗至扼腕」改（藉諗○興居佳鬯爲慰）「先生至待之」
改（○先生其何以教之。平生服膺古人。而文字一道。卒不得其門而入。乃
以○令先祖文集尊太翁行誼。欲拙作爲之表揚。是直以蓬撞楹耳。惶恐惶恐然不敢方○
命。用草草布奉。持布鼓過雷門。眞見笑○大方之家矣。伏希○郢政爲荷。）

▲如復求畫「方諗至扼腕」改（藉諗○興居佳鬯爲慰）「先生至待之」
改（○先生其何以教之。研求六法。初涉藩籬。自謂頗工。形似顧淋漓潑墨。意

興殊豪而懸之壁間。詢問家人，則對不識爲何物。不覺啞然失笑。○委件奉繳亦識爲何物乎。倘使握以補壁中定能令人解頤也。)

▲如復求書「方諗至扼腕」改（藉諗○興居佳鬯爲慰）「先生至待之」
改（○先生其何以教之。古人作字有池水盡黑者。有筆頭盈瓮者。故能精妙入神。俯視千古。弟偶爾塗鴉春蚓秋蛇。不足入○方家之目。而○諄諄見委。毋亦昌歎羊棗之嗜乎。不敢方○命草草塗就。乞○正字。）

▲如復允借銀。「方諗至扼腕」改（藉諗○興居佳鬯爲慰）「先生至待之」
改（○先生其何以教之。朋友通財古有名訓。吾輩道義之交。豈吝此區區阿堵物。學守財奴哉。已搜索阮囊。如數奉上。幸○檢納爲荷。人固各有緩急。望他日勿吝○惠施耳。）

▲如復不允借銀。「方諗至扼腕」改（藉諗○興居佳鬯爲慰）「先生至待之」
改（○先生其何以教之。朋友通財古有名訓。吾輩道義之交。豈吝此區

區阿堵物作守錢虧哉無如同在簷鄉搜索阮囊一文未有竟無以應○雅命惶恐惶恐)

▲如復借銀不如數「方諗至扼腕」改（藉諗○興居佳鬯爲慰）「先生至待之」改（○先生其何以教之朋友通財古有名訓吾輩道義之交豈吝此區區阿堵物用特搜索阮囊檢點祇有若干數奉上乞○察核未能盡副○雅命意惶恐惶恐）

▲如復借禮服「方諗至扼腕」改（藉諗○興居佳鬯爲慰）「先生至待之」改（○先生其何以教之禮冠并服奉上雖愧我敝子佩之歌敢忘同袍同澤之詩乞○檢核一試之不知稱身合度否）

▲如復不允借禮服「方諗至扼腕」改（藉諗○興居佳鬯爲慰）「先生至待之」改（○先生其何以教之禮服是日適有需用不克奉借朋友有通財之義矧此微物毋謂吝惜而託辭以拒也則幸甚矣卽希○鑒諗惶恐惶恐）

▲如復借衣「方諗至扼腕」改（藉諗○興居佳鬯爲慰）「先生至待之」
改（○先生其何以教之某衣幾襲奉上某雖無似區區輕裘與共之志竊師
先賢季路幸卽○察納他日有暇當過○尊齋一罄積懷也）

▲如復不允借衣「方諗至扼腕」改（藉諗○興居佳鬯爲慰）「先生至待之」
改（○先生其何以教之客旅未備夏服而檢點敝篋竟無以○應命朋友
有通財之義矧此微物乎幸無謂吝惜而託辭以拒也惶恐惶恐得暇當詣○
尊齋面達微悃）

▲如復借器具「方諗至扼腕」改（藉諗○興居佳鬯爲慰）「先生至待之」
改（○先生其何以教之某器已檢交尊介乞○察核朋友有通財之義矧
此區區微物乎倘能合用卽留存○尊府亦無不可勿亟亟擲還也）

▲如復借屋開學校「方諗至扼腕」改（藉諗○興居佳鬯爲慰）「而不能
至待之」改（深滋愧恧○先生熱心教育獨力創立初等小學○志願宏大

欽佩欽佩敝廬本有閒屋數椽倘承○講席下臨化無用爲有用同沐○絳帳春風快何如之。)

▲如復不允借屋開學校「方諗至扼腕」改（藉諗○興居佳鬯爲慰）「而不能至待之」改（深滋愧恧○先生熱心教育獨力創立初等小學校○志願宏大欽佩欽佩敝處空屋係屬公用非弟一人所專有且爲友朋聚集之所竟不獲奉○邀講席一沐○絳帳春風抱歉抱歉）

▲如復借住屋「方諗至扼腕」改（藉諗○興居佳鬯爲慰）「而不能至待之」改（深滋愧恧○先生服務某所無起居之地弟愧非陳蕃然固懸榻待○徐豫章久矣敢不掃塵以迓此後風雨晦明之夕得以時親○塵教樂何如也。）

▲如復不允借住屋「方諗至扼腕」改（藉諗○興居佳鬯爲慰）「而不能至待之」改（深滋愧恧○先生服務某所無起居之地極應掃榻奉迓○高軒

得以風雨晦明之夕時親○塵教而螭廬逼仄事與願遠幸祈○原宥

▲如此外復種種干求事「方諗至扼腕」改（藉諗○興居佳鬯爲慰）「先生至待之」刪去隨事添入均無不可

勉友人進取凡贊美規戒戲謔恬澹悔悟感激謙讓思慕譏訕慨歎等類皆可通用變換法見廣用

某某吾兄知己河山無恙日月易馳遙企

清輝時勞夢想弟不自策勵忽忽至今回首年華都付逝水然前車之覆後車之戒也願

故人以弟爲爛鑒古語有之不積跬步無以至千里不積小流無以成

江河故天下事苟貞之以恆未有不成就大業者惟望前途孟晉幸甚幸甚君子之交不敢以水濟水謹貢芻蕘幸祈

鑒察倘能

原鄙忱之誠懃而進展驥足則受

惠多矣。

魚雁時通。幸勤。

惠問專此奉布。敬請

台安并頌

弟某某謹上

釋義

此勸勉友人進取通用之函也。無論辦何種事業與研究何種學術。苟悠悠忽忽一無振作之心。其不能成就可斷言者。而吾國人往往犯此病。國之不振。根本於此。此函通體皆勉友進取之意。而措詞極為婉轉。首兩語言河山不變。而光陰易過。雖非勸勉。頗有言外味。下兩語不過憶念之套話耳。第四語先言自己不知策勵。蹉跎至今。一無成就。逝水去而不返之意。然字一轉。言以自己之一無成就。為友人今日之榜樣。願故人句申明。上兩句意。漢書鄒諺曰。前車覆。

勉友人進取

後車戒語意本此。古語有之下四語。荀子勸學篇文。言行近以至遠。匯小而成大之義。蓋千里雖遠。可以跬步積之。江河雖大。可以小流積之。但求持之以恆而已。故天下三語。卽申明此意。天下事。苟有恆心。未有不可成就。六尺爲步。跬步半步也。貞者堅持意。孟晉勉進也。見文選班固賦。小人之交。隨聲附和。是謂以水濟水。君子則是是非。不肯強同。見左傳晏嬰答齊侯語。芻蕘採樵夫也。詩經先民有言。詢於芻蕘。言樵夫之言。亦可聽從。誠慤猶俗言老實。

廣用

▲如贊美性情。「然前車至多矣」改（不堪爲○知己道也。嘗向友人言。與○公瑾交。如飲醇醴。怡然陶然。使人之意也消。不知操何術而能如此。自恨未嘗問學。血氣用事。往往不自克。每一念○故人而躁釋矜平矣。豈德之濡涵者深耶。抑○性情之移易人也。瞻望○雲天彌殷景仰。）

▲如贊美文字。「然前車至多矣」改（不堪爲○知己道也○足下辭翰之美。

凌轢儕輩今讀○大箸又不覺舌撓不下蓋浸漫平爭勝古人矣自恨未嘗學問筆重如山不獲時時○親炙以韓潮蘇海之才○沾溉枯腸瞻望○雲天彌深愧恧

▲如贊美偉人「吾兄知己」改（先生偉鑒）「然前車至多矣」改（不堪爲○先生道也伏念曠代奇才間世而出如○先生者正其人矣○先生於天下事無所不習於中外書無所不讀於前代政治風俗民情無所不研求於議論曲折極平允而又無所不詳盡天豈虛生○名世哉瞻望○雲天爲○國自重）

▲如規戒傲惰「然前車至多矣」改（愧極愧極近頗從事克己之學願與○故人一商之浮圖書云無有一善從懶惰懈怠中得無有一法從驕慢自恣中得此名言也幸少加○垂意焉君子之交不敢以水濟水謹貢芻蕘聊助○聰明之萬一伏祈○鑒納）

▲如規戒過失。「然前車至多矣」改（愧極愧極。伯宗直言。根於生性。素承○垂愛。敢不披瀝肺腑。聞之古人云。君子之過。如日月之蝕焉。既蝕之後。何損日月之明哉。惟望○故人努力前進。勿墮志。勿飾非。返於正道。固無傷○盛德也。以顏子之聖。而僅曰不貳過。則不免有過可知○足下雖賢。未能突過顏子。又安能無過。所難者在不貳過耳。幸希○鑒納）

▲如規戒聲名太盛。「然前車至多矣」改（然守拙安分。頗自知足○執事聲譽滿海內。欽佩欽佩。顧有奉陳於○左右者。語有之。嶢嶢者易缺。皦皦者易污。盛名之下。其實難副。以○執事之道德文章。固實至名歸矣。而尤可慮者。阮嗣宗之九錫文。陸務觀之南園記。正恐盛名爲累耳。恃○愛直言。未知有當○大雅否。）

▲如規戒辯護過失。「然前車至多矣」改（時時內疚。無可追悔。而○執事恃懸河之口。好開談判。人皆以舌鋒可畏。而未能服其心也。語曰。無言可以息謗。

無事可以止怨願○故人留意於此則不移時而人且渙然冰釋矣恃○愛直
陳幸祈○鑒納）

▲如戲謔熱心富貴者「然前車至多矣」改（顧一切富貴利達視之如夢幻
泡影無所措念遂爲世界上逍遙大自在人直待○故人大總統任滿歸來髮
白齒落深居○邸第珍羞不能御粉白黛綠列屋間居黃標紫標累累儲積而
無所需此然後逕詣○尊齋將金丹一粒點化○故人同證大果游十洲三島
間何如○覽之得無發一大噱乎）

▲如戲謔新婚者「然前車至佳鬯」改（惟不自樹立坐對牀頭人時聽交謫
聲耳○足下新婚宴爾○香肩並倚明月同看今夕何夕得無有甚於畫眉者
耶昔東萊一月不出遂成博議○足下將藉以爲口實耶顧玉鏡臺前日伴○
生菩薩人生豔福固應及時消受不然弟家中九子魔母亦曾見其姣好者也
草草奉布博○故人一粲敬請○儻安并頌○嫂夫人坤吉）

▲如恬淡聲利者。「然前車至多矣」改（而俗念紛繞安得○故人爲我一洗之。每念○足下胸襟高朗。視塵世繁華。無一足以榮情。楚館秦樓。憫爲棲流之所。山珍海錯。斥爲鳩鳥之湯。其殆○慈悲菩薩而兼○清涼山人乎。世之沈溺慾海中者。得○足下爲之榜樣。亦足挽回一二薄俗。）

▲如恬淡仕途者。「然前車至多矣」改（而俗念紛繞安得○故人爲我一洗之。每念○足下襟期冲淡。敝屣塵世繁華。偶游政界。便爾去之若灑陶華陽之掛冠神武門。同此○高懷矣。方今之世。趨勢利者。如蛆嗜腐肉。得○足下一服清涼散。聊醒熱中人。其益於世道人心爲何如也。）

▲如悔悟傲惰。「然前車至多矣」改（方深自悔恨重荷○故人厚意遠辱○訓言讀之不覺悚慄。周公大聖也。當不得一驕字。況又加以稽生之疏懶乎。而今悟矣。袁了凡云。從前種種事。譬如昨日死。此後種種事。譬如今日生。行當力圖振作。虛心下問。以報○故人拳拳之意。敢拜○大德無任欣幸。）

▲如悔悟過失。「然前車至多矣」改（遂至罪戾叢積勞○故人遠慮辱○賜訓言詞婉而意摯。讀之不覺泫然。弟稟資愚昧易蹈愆尤然非文過之小人也。行當痛改前非。仰副○雅懷安得有良師友如○足下者。時時耳提而面命也。瞻望○雲天謹拜○大惠）

▲如感知己。「然前車至多矣」改（方深自愧悔不謂○執事謬以爲才置諸夾袋中。逢人說項。弟何人斯而遽獲一○知己。毋亦昌歎羊棗之嗜乎○執事海內重望。非輕許可人者。行當勉策鷺足。仰副○雅懷。然不舞之鶴。終恐爲○羊公羞耳。瞻望○雲天謹鏤○恩私於五內矣）

▲如感激提攜。「然前車至多矣」改（方深自愧恧不謂遽垂○青眼。遠承○推轂。弟何人斯辱○執事賞識於牝牡驪黃之外。得有吐氣揚眉之一日。行當勉策鷺足。仰副○雅意。又烏敢以粧蕪不舞貽○羊公羞也。瞻望○雲天謹鏤○恩私於五內矣）

▲如謙讓辦事無才「然前車至多矣」改（用是杜門藏拙不復經心世務恐
貽○知己羞也夫人之知我必不如吾之自知而當局遽採虛譽付以重任義
無所避則覲然應之然端居飽食徒充不肖之軀而已蚊力負山何能勝任望
○故人有以○惠教之俾免隕越幸甚幸甚○執事長駕遠馭之才隨事應付
又弟之所欽佩者也瞻望○雲天聊抒私悃）

▲如謙讓文字「然前車至多矣」改（以故胸有茅茨手生荆棘不敢復言文
字矣而世顧有不諒者強齟之則不得已而舐墨吮毫顰眉蹙額歷數日之辛
苦始成閱之不愜意又取古人文讀之則愈覺所作滿紙疵纇欲撕去恐無以
應○命遂不覺覲顏交卷此境此情○故人其知之否乎然○執事韓潮蘇海
之才固不知有此甘苦者瞻望○雲天聊陳陋見）

▲如未見思慕「遙企至多矣」改（久企○高風徒深景仰卽維○興居住鬯
○道履康綏欣如下頌弟嗜友如命而疏於晉接向獲交於某某深談○執事

品誼端方文章心嚮往之已非一日顧不敢鹵莽通函恐爲○從者所叱引瞻○江樹徒深天際之想耳乃頃由某某述及不意○孔北海亦知世間有劉豫州耶敢布私悃少慰瞻○韓幸希○惠鑒)

▲如久別思慕「弟不自至多矣」改（吾輩意氣相孚無一日不面而不意河梁判別竟更歲序旅館寂寂又安得○素心人而共數晨夕耶回憶曩昔與○知己倚酒樓劇談狂飲又時或在○尊齋聚二三故舊圍坐品茗諧謔雜作此景此情又何可得耶客中並無好懷每對朗月清風輒思吾○元度依依○雲樹不知與○故人何時翦燭西窗也）

▲如近別思慕「弟不自至多矣」改（吾輩意氣相孚不忍一日別而不意驪歌遽唱竟不能維繫耶近想○旅邸安善不知亦有素心人同數晨夕否回念前日倚酒樓劇談狂飲諧謔雜出曾幾何時而○故人又在天涯矣每與二三舊友小敍而座無○車公輒令人伊鬱依依○雲樹未知何日翦燭西窗與○

知己一訴離悰也。)

▲如譏訕仕途「然前車至多矣」改（然尙幸有自知之明故杜門不敢問世夫今之任事者○執事以爲何如人耶具此熱心面目倡言力顧大局維持治安而排擠異己扶植同黨如出一轍其尤宗旨相同者則維一金錢之目的眼中出火耳內生煙皆眈眈此不動尊也若曰一旦敗壞我不失爲富家翁矣嗟乎○執事至今日尙可出而問世耶瞻望○雲天聊陳鄙意）

▲如譏訕文字「然前車至多矣」改（然尙幸有自知之明故籍口不敢言學問夫今之言學問者○執事以爲何如人耶昔方正學云未能執筆已斥顏柳不知晉人書法未能遺詞已呼蘇子瞻爲阿軒欲毀棄其文今則并顏柳蘇子瞻不識爲何許人矣而儼然開講席執教鞭於各校所謂宋之白居易唐之王阮亭者顛倒舛謬貽誤來學嗟乎○執事今之教育爲何如耶信筆拉雜一質○高明）

▲如譏訕商界「然前車至多矣」改（雖涉歷商業頗有聞見然亦豈足爲○故人道哉。無合羣之知識往往一業之中同室操戈勢必兩敗俱傷而他人遂坐收漁利又且眼光如豆譬諸有一事焉創之者稍獲贏餘則繼之者再而三以至四五六七相續興辦必同歸於盡而後已嗟乎○執事今日商務之荼疲果孰使之然耶拉雜書之用質○高明）

▲如慨歎人心之險「然前車至多矣」改（然此恨已渺難追矣近且杜門不敢與世人接迹夫○執事亦知今日之人心爲何如哉杜陵云翻手爲雲覆手雨昌黎云指天日涕泣誓生死不相背負一旦臨小利害反擠之又下石焉皆甚言人心之險顧猶有翻覆之迹猶臨小利害之際弟以爲未險也至今日而杯酒之歡烈於炸彈肺腑之言毒於鳩鳥稍一不慎立墮危機嗟乎○執事然耶否耶願○高明一評定之）

▲如慨歎風俗之汚「然前車至多矣」改（暴棄之罪愧無以對○故人雖然

今日之風俗。則更有不忍言者矣。道德腐而男女之界混。生計促而淫賭之風熾。奢華相競爭。奇鬪麗無端。道路目笑相成。坑陷青年。玷污名譽。離奇變幻出人意外。嗟乎。○執事亦知今日爲何世界耶。而廉恥掃地。至於如此。奮筆爲○知己一言之。當亦撫心太息者也。)

與友人論時事。凡論政論用人事以及泛論處世各節皆可通用變換法見廣用

某某仁兄先生青覽辱荷

知交已非一日而不獲時聆

清言每深悵悵。弟盱衡世事。極爲大局杞憂。譬諸破船泛大海。颶風驟至。巨浪掀天。其不沈沒者僅矣。同舟之人。苟協力以贊助。榜人塞漏者。緊持舵者。整理篷索者。一心一德。分工擔任。徐徐焉以出險。或有一萬一之希冀。今乃水火破船之中。爭權利。爭意見。而不知危亡之在頃刻。勢必舵橫篷飛。水汨汨盈艙。同葬巨魚之腹而已。

有心人聞之。以爲然耶否耶。事有所感信筆直抒。恃
惠子之知我也。倘有

高論。幸祈

賜教。專此奉佈。敬請

台安諸惟

愛鑒。

弟
某某謹上

釋義

此寄友人慨論時事通用之函也。通體語意針對時事。首四語不過言相識已久。不能時時晤談耳。無論友人在遠方。在近地。或同一邑。苟不時見面。皆可通用。弟盱衡二語言眼觀世事。大局極爲可慮。盱衡見漢書。舉眉揚目以觀也。杞憂見列子。有杞國人。憂天之墜。身無所寄。人勸諭之。卒不能釋其憂。故謂無益之思慮曰杞憂。譬諸四語。喻大局之危險。同舟八語。喻政府國會諸人各盡能

力各盡責任。互相帮助。或可救危亡之禍。今乃四語。喻國家已同破船。危亡在於目睫。而政府與國會猶如水火之不相容。爭權利意見。則國是糜爛。將爲他人吞噬。如全船之人同飽魚腹而已。凡論時事。不可一味偏執。或肆意謾罵措詞。宜委婉。又要平允。用譬喻最妙。如此函全以譬喻出之。著墨不多。而意已明瞭。可悟論事之法。有心人言留心時事者。指友人言。故須擡頭。惠子卽惠施。莊子之友。知我見秋水篇。惠子與莊子游濠梁語。

廣用

▲如論法律知識。「譬諸至而已」。改「今我國非儼然法治國耶。旣曰法治國。則國內人民必略具法律上之知識。而後有所遵守。微論新造之國事變多端。法律尙未完備。卽完備矣。而教育未能普及。全國識字之人。十不及二三。又何術以輸灌之。令有法律之知識耶。況識字者。固於法律上亦未必研究。宜乎行事軼出正軌。而不免爲法治國之蠹。以此求治。南轔北轍而已。」

▲如論財政「譬諸至而已」改（而財政其一端也。至於今而棼亂已極。審計徒擁虛名。國用日虞不給。預算決算之外。其有無消耗。與揮霍於無形者。旁觀固無從窺測。然因出入之不敷。遂不得已而酌加稅則。又不敷則不得已而設法借債。加稅則竭澤而漁。借債則挖肉醫瘡。此寧非太息流涕時哉。）

▲如論教育普及「譬諸至而已」改（而學校其一端也。全國人民宜略有普通知識。則國民所急。莫如識字。而教育之普及。爲最要矣。今全國所有及年學童之數。其入校者十不得二三。餘皆廢於荒嬉。推原其故。則地方之遠阻。學校之太少耳。然此非可以責政府也。責在本地自治諸君。官立斷無此財力。自以公立爲最宜。苟全國各縣鄉區自治諸君。相與提倡勸募。相度地勢。多設初級小學。凡鄉邑及年之學童。得以盡入校中。亦何至如今日目不識丁之人。居全國大多數哉。）

▲如論用人。「譬諸至聞之」改（而用人一端。尤爲國是興衰之關鍵。任官惟與友人論時事

賢量材授職此古今通義也今則夤緣奔競而得之矣以權勢之強弱爲位置之大小而賢否不問焉能勝任與不勝任亦不問焉甚則罷斥異己偏植私人惟期見好同黨縱慶費欵項貽誤公事亦無所顧慮嗟乎當要路而操用人之柄者○執事○

▲如論作文「弟盱衡至聞之」改「弟於學問一途向無門徑不敢妄肆議論近聞通人言教育最重普及故今日作文字宜求淺而容易明白概言之卽孔子所謂辭達而已顧東坡先生云文理自然姿態橫生求物之妙如繫風捕影能使是物了然於心者蓋千萬人而不一遇也而況能使了然於口與心者乎是之謂辭達至於能達則又不可勝用矣然則辭達亦豈易言哉鄙見謂爲普及計令粗識文字略能記事可矣若身任教育之責者欲窮天地間萬物萬事之狀況而心與口不相應不能出之腕下現之紙上以明白顯淺之文字嘉惠後學則異日普及教育并粗識文字略能記事而不可得矣是作文一道仍

不可不講求而講求之道又莫如東坡先生之言爲最確其言曰頃歲孫莘老識歐陽文忠公嘗乘間以文字問之云無他術惟勤讀書而多爲之自工世人患作文字少懶讀書每一篇出卽求過人如此少有至者疵病不必待人指摘多作自能見之此公以其嘗試者告人故尤有味云云此寧非作文妙訣哉質諸○執事

▲如論學說之魔力「弟盱衡至聞之」改（弟嘗謂居今之世言論自由出版自由足以發明無限學說嘉惠後學此寧非近日之幸福顧其理想精妙而又能以淺顯之筆達奧衍曲折之義必將使世人讀之驚爲未有之創解浸印腦經深不可磨滅傳布愈廣風靡全球能推翻一切舊學說而以新學說左右世界其魔力之大爲何如乎近世歐史皆此輩大哲學家有以創造之也惜乎吾國尙無此偉人也質諸○執事

▲如論意見之害事「譬諸至聞之」改（其尤足儕國是者莫如各挾意見以與友人論時事

爭勝而不問是非利害之所在。譬諸甲乙同此主義焉。甲黨欲實行此主義。則乙黨必羣起而反抗。乙黨欲行此主義。則甲黨又羣起而反抗。此微論國家事。卽一公司也。一商店也。一家庭也。亦未有不傾敗者。嗟乎。安得當世之君子。一心一德。消泯意氣。而挽回國是哉。此吾儕所馨香祝禱者。質諸○執事。

▲如論處世之難。「弟盱衡_至聞之」改（弟感懷時局。往往歎息彌襟。恨不杜門以謝人事。顧一念此。昂藏七尺之軀。亦何至一味退縮。則又不覺聞雞起舞。然今之世。一假面目之世也。唯諾則心有所不可。剛直則勢有所不行。處今之世。眞所謂進退維谷者。質諸○執事。）

▲如論處世之方。「弟盱衡_至聞之」改（弟蟄伏此間。心雖不能無是非。而口不復言臧否。且已做人必有交接。必有酬應。亦惟唯諾。不敢置一喙。以取戾。以故無論稠人廣衆之中。或促膝敘談。皆俯仰隨人。未嘗曉曉爭辯。間有詰難糾纏。至不可解者。時出一諧謔之言。以一笑釋其紛。此實今日處世之秘訣。

而郭有道水鑑先生實前事之師也質諸○執事

如論擇交「弟盱衡至聞之」改（弟生平篤於友誼而取擇亦頗謹嚴往嘗聞李克之對文侯曰居視其所親富視其所與達視其所舉窮視其所不爲貧視其所不取五者足以定之矣竊謂此卽擇友之秘方也執是以繩當世而願與之交焉其爲益友十不失一○執事卽其人也請質諸○有識者）

如論友之獲益「弟盱衡至聞之」改（弟往嘗有一偏論謂人自十五六歲來其涵濡而薰陶之者厥惟友朋是賴顧其爲益友也則可增長學識箴規過失而裁之以道義使一生不失爲端人君子蓋雖父兄之至親師長之善教不如友之切磋琢磨其裨益爲尤大也弟自顧生平毫無知識然非得良友漸磨之力且不知流蕩何所質諸○故人）

如論友之有損「弟盱衡至聞之」改（弟往嘗有一偏論謂人自十五六歲來其涵濡而薰陶之者厥惟友朋是賴顧其爲損友也則廢棄學業習於邪淫

或狎妓耽博。酗酒滋事。甚且流入匪類。作奸犯科。蓋少年血氣未定。一入迷途。遂沈溺其中。而不能自返。雖有嚴父師。亦無術以救之矣。然則取友可不慎哉。弟幸而自免。并兢兢以戒子弟。質諸○(有識者)

▲如論居家宜儉。「弟盱衡至聞之」改「弟目覩社會情狀。頗爲杞憂。而無術以挽之。因念國者家之積也。家家爭奇。鬪麗。恣意揮霍。遂演成今日之風俗。廉恥道喪。盜風愈熾。實由於此。擬先從寒家提倡。事事撙節。一洗浮華。而有心世道者。相繼踵而行之。久久或可挽救頽風。一二即使無裨於俗。而以儉德示子孫。不至流入驕奢淫佚一路。亦齊家要務也。語曰：儉德之恭也。侈惡之大也。質諸○(故人)

▲如論毀謗之不必辯。「弟盱衡至聞之」改「弟束身自好。未敢妄邀名譽。顧三代以下。惟恐不好名。特名心太熾。易來求全之毀。而或曉曉爭辯。則并其平日名譽而失之。嘗聞王文成之言曰：人之是非毀譽。如水之濕。如火之熱。久之

必見。豈能終掩。故有其事不可辯也。無其事不必辯也。無其事而辯之。是自謗也。有其事而辯之。是益增己之惡而甚人之怒也。皆非所以自修而平物也。則惟安靜自處。以聽其來質諸○執事。)

▲如論世情之宜淡。「弟盱衡至聞之」改（弟飽經世故。遺棄一切。遂爾氣體曠怡。夢魂酣暢。亦頗爲受用。每見當世之士。得志則不勝盈汰。失意則無限淒涼。此真墮入火坑中。而不能自拔者。豈不可憫。古人有云。要須於榮艷時。立定腳跟。不作榮艷想。然後豐約喧寂。視若郵傳。實當世一服清涼散也。質諸○執事。）

▲如論時間之可貴。「弟盱衡至否耶」改（弟浪擲居諸。因循坐誤。每聞西人光陰貴於黃金之說。孔子在川上曰。逝者如斯夫。不舍晝夜。不覺惕然驚悟。吾輩聰明。不在人先。年力不在人後。豈可以無謂之周旋消磨。有用之歲月。行奉西人孔子之言。以終身願與○同志各勉之。）

▲如論財不可貪「弟盱衡至聞之」改「弟拙於財力循分安常不敢有權利思想顧亦先有所驚懼耳嘗聞諸李之彥云玩錢字旁上著一戈字下著一戈字眞殺人物而人不悟也陳眉公云兩戈爭貝豈非賤士然則以賤士而持戈相爭實類剖腹藏珠之愚謂弟敢貪之乎而奈何金錢主義者之滔滔皆是也質諸○執事）

民國八年四月印刷
民國九年一月五發行

(尺牘釋例)全一冊

布面精裝定價銀一元二角

有不

著准作翻印權

著者

吳縣何實睿

發行者 中華書局
印刷者 中華書局
印刷所 上海靜安寺路一九二號

總發行所上海棋盤街中華書局
分發行所

北京天津長沙開封武昌太原
上海南京廬州漢口德陽吉安
廣州長沙吉安貴陽雲南
杭州蘇州重慶瀘州徐州
衡州成都吉安
黑龍江哈爾濱
山西平遙
張家口
新州
加坡桂林頭原春

中華應用文件大全

布面洋裝一冊 定價一元

本編於各界交際公文文件應有盡有體格完備極合時用家置一編俯拾即是酬世之書允推爲善本列目

如下 一 文詞類 二 函牘類 三

聯語類 四 檇額類 五 帖式類

六 契據類 七 簿票類 八 備攷類

現行公文程式例解

毛邊紙二冊 定價五角

一本書編輯之主旨旨在使未習公文者有研究之途徑已習公文者得參考之資料一本書首錄公文程式令次列公文作法公文用語計六十則次依公文程式分十三章逐類舉例并逐類選錄公文俾閱者於詳悉體裁之外更得公文之絕好模範一所載舉例於公文式例無不詳舉如咨文中之咨明咨請咨送咨查咨復咨催等是選錄之公文其內容事實均取其不相同者一文中關鍵之處均加按語詳爲說明一公文遇手續繁複之件均於文中用括弧劃其起訖并夾註說明一呈文一類凡舉例錄文均特別加詳期合普通社會之實

(三)本編以蔣仲和之書法正傳劉少棠之習字
講義爲本斟酌損益愈形完善
上列特點不特便於學生即家庭自修亦極相宜。
洵近今兒童學字之好模範也。



角五分 節墨蹟草書用趙文敏千字文墨蹟
極便臨摹

翁覃溪	戴文節	陳曼生	高爽泉	錢包南園	王安石	張季直	舊拓蘇東坡溫公碑分類習字帖
方文綱	熙熙	鴻壽	貞秀	孟頫	吳世臣	習字範	司馬溫公碑分類習字帖
武氏墓	三百許	讀道夫	澧	妙巖寺記楷書真蹟	芭蕉	本二種	
真蹟	行楷書真蹟	氣書	秀	詩行楷書真蹟	孫		
真蹟	行楷書真蹟	行楷書真蹟	真蹟	行楷書真蹟	真蹟		

每種廿冊
一近三二三三三六二五一二二
角 角 角 角 角 角 角 角 角 角
半刊角 半角 半角 半角 角 半角 角 角 角 角